

**ІВВІВ**  
**КОДЗУВ**

**11**  
**НОЯБРЬ**  
**1975**



«Коми сиктын Гөрд Октябрь».

Энгельс Козловлөн рисунок.



ЛИТЕРАТУРНО-  
ХУДОЖЕСТВЕННОЙ  
ДА ОБЩЕСТВЕННО-  
ПОЛИТИЧЕСКОЙ  
ЖУРНАЛ

**ТАЙӦ НОМЕРЫН**

- А. ВАНЕЕВ. Иван Куратов (поэма) . . . . . 3  
И. ТОРОПОВ. Тiянлы водзӧ овны... (повесть) . 17

**Публицистика**

- В. ВАНЕЕВ. Ӧтувъя уджӧн да вежӧрӧн . . . . . 45  
Г. БЕЛЯЕВ. Кызь витысь ӧти . . . . . 52  
Ф. ЩЕРБАКОВ. Поэт, гражданин, салдат . . . 58

**«Войвыв кодзувлӧн» почта**

- Б. ПАНЧЕНКО. Коми кывбуръяс Украинаын.  
А. ТУРКИН. Кызди артмӧмаӧсь тайӧ нимъ-  
ясыс? . . . . . 62

ЛЭДЗӦ КОМИ АССР-са  
ПИСАТЕЛЬСЛӦН СОЮЗ

ПЕТӦ 1926 ВОСЯНЬ

**11**

**НОЯБРЬ  
1975**

СЫКТЫВКАР

# СЕВЕРНАЯ ЗВЕЗДА

\*

ЕЖЕМЕСЯЧНЫЙ  
ЛИТЕРАТУРНО-ХУДОЖЕСТВЕННЫЙ  
И  
ОБЩЕСТВЕННО-ПОЛИТИЧЕСКИЙ  
ЖУРНАЛ

✻

ОРГАН  
СОЮЗА ПИСАТЕЛЕЙ  
КОМИ АССР

*Редактор И. Торопов*

РЕДАКЦИОННАЯ КОЛЛЕГИЯ:

*Г. Беляев, В. Попов, С. Попов, Я. Рочев (зам. редактора),*

*С. Раевский, В. Ширяев (отв. секретарь).*



---

Йöктö «Сигудöк».


Снимайтiс Р. Рочев.



1839



1875



Альберт ВАНЕЕВ

# Иван КУРАТОВ

## Поэма

1

Турөб, турөб, турөб парма пасьта  
 Гартө-чашйө лымсө син ни пель,  
 Быттьө сйө бур йөзыслы дасьтис  
 Лыдтөм-тшөттөм сутшкасяна жель.

Йирмөг сйисьө питшөгө и гыркө,  
 Дась нин ловья ловтө босьтны дзик.  
 Турөб чашйө, лым толаөн тыртө  
 Коньөр моза йжгыльтчөм быд сикт.

Оз и мудзлы тані чизыр вой төв  
 Көдзны лым да дөзмөдчана слөт.  
 Олөм серыс тэнад, коми войтыр,  
 Быттьө мисьтөм, повзьөдчана вөт.

Коми муйй!—  
 Кынмысь, шогсьысь ань.  
 Коми муйй!—  
 Йики сора нянь.

Коми муёй!—  
Тільсьысь-мырсьысь войтыр.  
Коми муёй!—  
Вөр-ваыслөн ойбыр.

Парма вёрын рынышын кодь пемьд,  
Быттьö изйысь йиран кынёмпöт.  
Нэмыс мортлөн кöч бöжысь на дженьыд,  
Кöть и коми мортыд — винёв рöд.

Мырсьöм, мырсьöм...  
Вежонъясөн вёрын  
Ур да тулан туявлывлö пыр.  
Но эз озырмывлы кыйсьöм бöрын —  
Купечьяслөн горшыс вöлі тыр.

Мырсьöм, мырсьöм...  
Ворсліс чорыд киын  
Лэчыд пила,  
Пурт дорыша чер.  
Сöмын эз ас керка вылö сійö —  
Влі муö кывтліс зарни кер.

Мырсьöм, мырсьöм...  
Нэм чöж тыла ректöм,  
Медым кöдзны ньылöм сора нянь.  
Сöмын лымйыс-пужыйс суліс век тай.  
Пöтöсаён овны?  
Шань нин, шань...

Мырсьöм, мырсьöм...  
Сартаса би кындзи  
Коми жыр эз югдöдлы мöд би.  
Сьöкыд уджысь здук кежлö эз мын дзик,  
Школаяс эз тöдлы коми пи.

Югыдланьö туйыс вöлі пöдса —  
Горанясиг корсянтор оз шед.  
...Висьтав, Эжва,— гашкö, тэныд тöдса,—  
Кымын чужліс пармаын поэт?

Кымын композитор да художник  
Эз и сөвмы, эз и бордьясь тан,  
Эз петкöдлы киясыслысь чождун,  
Писькöс мывкыд, ярьюгыд талант?

Эжва налысь нимъяссö оз восьты,  
Кöть и джагыд мөвпяссыйс оз мын...  
...Турöб, турöб, турöб парма пасьта,  
Коми муöс вевттьö кöдзыд лым.

Коми муёй!  
Кынмысь, шогсьысь ань.  
Коми муёй!—  
Йики сора нянь.

Коми муёй!—  
Тільсьысь-мырсьысь войтыр.  
Коми муёй!—  
Вөр-ваыслөн ойбыр.

## II

Шонді улын парма  
Ловзьывливлө сутш —  
Гожомнас да арнас  
Пыркнитливлө мудз.

Ыбын чеччө-сувтө,  
Дзоридзалө сю,  
Шуньгө керос увті  
Раммом Сыктив ю.

Асывсянь сёр рытөдз  
Сиктса уджач йоз  
Видзьяс вылын быдөн —  
Тильсё гожом чож.

Гожся войлөн шаньлун,  
Шуда кодзув би...  
Кобра сиктса анылы  
Енмыс сетис пи.

Семья абу ичот,  
Челядь — окмыс нин.  
Чужысь мортлы вичмис  
Мойдысь босьтөм ним.

Домаса коть гачыд,  
Кокыд комтөм пыр,  
Шуда синмон аддзан  
Ассыд челядь дыр.

Вуграсьом и вотчөм  
Гаж и ворсантор,  
Омидз кора сотчөм,  
Еджыд лыадор.

Регыд зонпосниос  
Доддявлөны сэн,  
Сьокыд уджлысь сийос  
Кыскавны мед нэм.

Вын-эбостө бертлас  
Чер да агас-гөр...

...Челядь дырйыд бердас,  
Вошас, сьолөмшөр.

Ваньлы мудзис вичмө...  
Сөмын челядь мудз  
Чужан мулысь мичлун  
Дзевнысө оз куж.

Лыска чужаніныд  
Ас мортос оз дойд.  
Пуксяс юрлос дінад  
Югыд тувсов вой.

Шонтас гожся шонді,  
Мыйтта тырмас вын.  
Сэссия и ар помын  
Усяс небыд лым.

Сэки рытьяс кузьбось,  
Ещё кузьджык вой.  
Ваньолы оз узьсы —  
Кывзө мамлысь мойд:

Кызди голь войтырлы  
Шудлун сетлис пыр,  
Вөрөгьясөс шырліс  
Пера-багатыр.

Ловья тайкө-тайкө  
Кывзө ичот зон,  
Кутшөми Корт Айка  
Вөлі скөр да ён.

Люлю дінын кывліс  
Авья «Шондібан» —  
Сьолөмсяньис сьывліс  
Сійос муса мам.

Ок тэ, дона пөра,  
Казьтивсян тай дыр —  
Одйө кольө бөрө  
Шуда челядь дыр.

## III

Мудзөм шонді дзевбис ылө — Олөм вичмас лёк-ө, шань-ө?  
Кыпөдчывны дыш. Аддзяссяс-ө ёрт?  
Керос увті Эжва нылыд  
Кывтө отка пыж.

Ньожйө, зумыштчөмон уйө,  
Дзугыльмөдө ар...  
Кузь зэв, кузь зэв сылөн  
туйыс —  
Ылын Яренск кар.

Мунө велөдчыны Ваньө —  
Дас арөса морт.

Водзын ставыс быттьө руын,  
Луньюгыдыс мөд.  
Эзысь кизьяслысь шуөм  
Водзвылысь он төд.

Майшасигтыр ылыс карө  
Кывтө ичот морт.  
Синьяс водзас сувтө бара  
Дона чужан горт.

Кебра сиктыс нёрыс йылын,  
Ляпкыд керка рам...  
Оз вун, оз вун медбөр кылыс,  
Кодос шуис мам:

«Дона пиёй, Ваньёй,  
Сьёлөмшөр,  
Локтан төлка-сяма  
Гортад бөр.

Гажтөмчысьён, лябөн  
Эн жё ло:  
Мамыд орччөн абу  
Кымын во!

Йёзын овны-вывны  
Бур коть лёк —  
Гольлун нэмтө кывны  
Шогсыс шог.

Төдөмлунтө содты...  
Гашкө, тэд  
Пөдатысь да вотысь  
Лоо мезд.

Ваньёй, дона пиёй,  
Тэ эн бөрд...  
Шуда туй тэд сиа,  
Сьёлөмшөр!»

Ылын гортыс, ылын мамыс —  
Шогсьё ичөт зон...  
Медся шөр предметыс тани —  
Ен нога закон.

Велөдысьяс костын вөлі  
Медыджыдыс — поп.  
Вайліс сөмын өти пөлөс  
Төдөмлунлысь ноп:

Төдны нөйтөм, печикалөм,  
Төдны вөсни нёр.  
Төдны төрыт, аски, талун  
Кулакыслысь көр.

Бурсачитысьяслысь орсөн  
Серөдлывліс мыш.  
Шуавлывліс:  
«Ловъя мортыд —  
Сөмын енлөн гыж!»

Ваньё велөдчыны зильё,  
Төдө лыд и тшөт.  
Но и сылы поплөн «милөсть»  
Вичмывлө жө тшөтш.

Рытнас тшыгйөн узыны водө;  
Абу нянь ни сов:  
Гажтөмчөмыс содө-содө,  
Сырмө ичөт лов.

Сыри-летки сылөн паськөм,  
Көмыс восьса-жер:  
Он видз кымалөмысь асьтө,  
Пожналө кө зэр.

Чайтсьё, йизьё весиг вирыд,  
Чайтсьё, воө пом...  
Велөдчөмлысь вужсө йирө  
Кебра сиктса зон.

#### IV

Кызкө-мыйкө сьёлөм эз пот шөри,  
Биа висьөм му улө эз суй:  
Эжва бердса Яренск коли бөрө,  
Водзын вөлі Вөлөгдаө туй.

Семинарскөй вояс — сьөкыд вояс...  
Бара тшыглун вөтчө, быттьө бөж.  
Велөдчөмыс томлун йирө-сөйө,  
Летйө эбөс уна вояс чөж.

Торья нин, мый велөдөмыс мустөм:  
Богослов да ставыс ен да ен.  
Но а төдөмлун, выль мөвпьяс чужтысь,  
Колө корсьны, зорөдысь кызд ем.

А өд мортлы сетсьө өти олөм,  
Өти томлун, өти сөстөм ним:  
Гашкө, лун-вой сөйны тірзиг-поліг?  
Гашкө, енлысь кевмыны бур чин?

Позьё-й сідз, кор би-пось сьёлөм пыдди  
Морөсад яй ёкмьль сөмын эм:  
Попөн ло да пөрьясь, салтыр лыдды,  
Попаддякөд орччөн дженьдөд нэм.

Сөмын сідз оз ло, оз ло Куратов  
Олөм ньылыд рама кывтысь морт —  
Олөмыслөн визув паныд катны  
Пельпом саяс быдмө гижан борд.

Оз кут сійө ворсны гижан борднас,  
Мичмөдны лёк олөмыслысь сер:  
Мыйтта ойзөм-бөрдөм кывліс гортас —  
Вежорсьыд он чуктөд, ни он берт.

Оз кут гижны эзысь төлысь йылысь  
Да кызд ныв-зон коллялоны вой,  
Оз кут рифма корсьны ылысь-вылысь —  
Кывбур чужтө сьөлөм пытшкөс дой.

Чужтыны кө ашөр коми Муза,  
Кокни руөн сысянь мед эз өвт,  
Сибалана, колана и муса —  
Сөмын пөръясьысьөн мед эз вөв:

«Коми кыл, ме төда,  
Ыджыдтор оз шу на,  
Төда ме и сійө —  
Оз и сөр на уна.

Тайө кыллысь мичсө  
Сьөлөмөн ме кылі —  
И ме медводз сыөн  
Ньөжйөника сьылі!».

Садьмөм Муза — сійө вольной лэбач.  
Сійөс манакияө он пөрт.  
Кокныд бордъя кывбуръяслөн эбөс  
Мукөд дырйи куснявлывлө көрт.

Төдө ассьыс сьөлөмсө Куратов,  
Кутшөм сійө ломалысь да яр.  
Төдө: сьылысь колипысь оз артмы  
Равзысь поп, ни гөрдлысь пөнөмар.

Том Куратов сьөлөм бердас нуис  
Ассьыс сьылан — медся донатор.  
Ладан көра семинарской туйыс  
Сылысь гырысь көсйөмьяс эз торк.

Коньөр коми мортлөн шогыс уна,  
Олөм арся енэжысь на руд.  
Коми шогьяс кокныдидика нуны  
Оз вермы Куратов  
И оз кут.

## V

Туйыс кыткө жугалөм,  
Кыткө йи кодь вольк...  
Олан-вылан, вугралысь,  
Пемыд Усть-Сысольск.

Кабакъяса-вичкоа,  
Изйөдз кынмөм му.  
Лымйөн карсө личкөма,  
Быттё ошлысь гу.

Кынтывлас коть вой төлыс,  
Радейтөм оз чин:  
Вужъясь-мунысь войтырөс  
Кыскö чужанін.

Мед коть сэсса татöні  
Вужъясьöма нарт...  
Эз виччысь Куратовөс  
Куньса синма кар.

Вичколаныö оз, дерт, мун —  
Оз пет сыыс поп.  
Сьöрсыис вайис озырлун —  
Книга тыра ноп.

Школаö учительöн,  
А эз попöн лок.  
Могыс абу ичöтик —  
Зэв колана мог.

Оз, оз төдмөд велöдысь  
Сöмын шыпас ним:  
Восьтö коми челядьлысь  
Олөм вылö син.

Сёрнитöны комиöн...  
Öні зон и ныв  
Ставсö гөгөрвоöны,  
Төдса дзик быд кыв.

Инмö сьөлөм дінаныс,  
Чужтö югыд нюм...  
Сöмын классын чинöны  
Челядь лунысь-лун.

Коть и муса школаыс,  
Көмтөм ичөт йөз  
Школаö оз волыны  
Быдса вежон чөж.

Гортас налы вичмывлö  
Верстьö мортлөн мудз:  
Гöльлун найöс личкöма,  
Пөдтö сьökыд удж.

Бать-мам найöс ыстöны  
(Нем пö овны весь)

Гортö турун кыскыны,  
Вöрысь вайны пес.

Уна ляпкыд керкасян  
Ойзöм кылö пыр.  
Дзугыльмөдан серпасөн  
Коми олөм тыр.

Йирмөг босьтö татöні  
Сьөлöмыс оз öв.  
Ас жыръяс Куратовлөн  
Шутьлялö жö төв.

Ненога тай ставыс тан,  
Гөгөр октөм лэч:  
Нöш кодь сяма старöста  
Лолыштны оз лэдз:

Миян пö училище  
Абу карта выв.  
Вильторъяссö чырыштö,  
Вöтлö коми кыв.

И Куратов öтнасөн  
Коллялö лун-вой.  
Весиг аслас вөтъясын  
Кылö сьөлөм дой.

Он лэб чегөм бордъяснад,  
Олөм са кодь сьөд...  
Быралöны ёртъясыс  
Öти бөрся мөд.

Öткымынъяс кусöны,  
Кодкö пышйö тась.  
Сöмын асшөр Музаыс  
Сыкөд кольны дась.

Гудыр олөм визулыс...  
Төдöмысь, он сьыв  
Полицейскöй син улын  
Гажа сьыланкыв.

Кадыс руньгö-катовтö,  
Став лун-войыс руд.  
Ас муыс Куратовлы  
Эз жö вичмөд шуд.

## VI

Ломтывлытөм чердак вылын öткөн  
Көдзыд, шуштөм...  
Юрын — гажтөм мөвп.  
Доймөм сьөлөм морөс кудйын йөктö,  
Öшинь сайын дурö вельмөм төв.

Шутьлялö и омлялö зэв матын  
Коставлытөг, здук кежлö оз ланьт.  
Висян жарөн биалөм Куратов  
Выль во паныд войö воштис садь.

Бергаліс да пессис сійö дыр кодъ,  
Сэсса быттьö гуö уси морт...  
Садь вылас кор воис, эз нин пыркöд,  
Кымöс вылас вöлі рузумтор.

Висьысь мортлы ставыс овлö веськодъ —  
Нинöмтор оз аддзы, ни оз кыв.  
Но кор востіс синъяссö...  
Сы весьтö  
Копыртчöма Сандра — муса ныв.

Повзьöмысла кельдöдöма чужöм,  
Бандзибöдыс лэччö синва моль.  
— Бурдöда ме, Ваня, кызди кужа,  
Откөн сэсса тэнö ог нин коль.

— Ой, тэ, мелі Сандра, авъя нылöй,  
Менам югыдлун и сьölөмшөр,  
Майшасьöмлөн пужыис мед жö сылас,  
Эн нин сэсса сыркъялөмөн бöрд.

— Кызд ог бöрд?! Тэ менам сьölөм дойöй,  
Му вылас кöть ме ради тэ ов...  
Окасьöмөн вежсисны сьöd войын  
Ёрта-ёртсö аддзöм кык том лов.

Муртса сöмын личалыштіс висьöм,  
Кочөг бытшкөм воддза моз эз кыв,  
И поэтлөн сьölөм пытшкысь письтіс  
Аслас муслун йылысь сыланкыв:

«Шондібанöй,  
Бур таланöй,  
Муса, мича ныв!  
Ошкөм öкты,  
Зон моз йöкты,  
Вильшась, серав, сьыв!

Юрас думсö,  
Вомас нюмсö,  
Петкöд том мортлысь!

Мед тэ бöрысь  
Гажмас пöрысь,  
Сьölөм гажöдысь!

Югыд шонді!  
Долöд, шонты  
Став ен вевтувсö!  
Мича нылö,  
Мыччы милы  
Кокныд олөмсö!»

Кокныд луныс, шондіа да югыд  
Вöлі сылөн муслун öзьян кад.  
Садьмы, Эжва, йи шебрастö жугöд,  
Вевттысь еджыд розйөн, льөм пу сад.

Тулысыд кöть нюмъявлывлас регыд,  
Регыд кельдас дзоридзьяслөн би,  
Век жö шудаджыкөн овлан сэки,  
Эжва кузя кылалö кор йи.

Лолыд сэки кыптö, лэбны корö.  
Том сьölөмыд ыкша, варов, зілы.  
И Куратов лэччö Эжва дорö  
Том йöз кытшын йöктыны кадрили.

Йöктан кытшö Сандра юсьөн пырис,  
Ворсö синмас вильшасяна дзирд,  
Шонді тöдчö нывлөн яй-лы пырыс,  
Чужöм вылас öмидз ва кодъ вир.

И том мортлөн бергөдчө юр садьыс —  
Муслун кындзи талун оз ков нем:  
Оз өд сөмын ачыс сійө радейт,  
Но и сійөс радейтысь тшөтш эм.

Өтнас Сандра вольнөй светсө вевттьө,  
Өтнас Сандра — чөдлач синма ныв.  
. . .Талун коми аньяс корөм серти  
Лөсьөдө Куратов сьыланкыв.

Коми ныв-зон йылысь, томлун йылысь,  
Коді мөдысь сэсся оз нин лок.  
Дона аньяс, мича нывьяс, сьылөй,  
Здук кежлө көть пальөдыштлөй шог.

Сөмын аслас шогыс оз и чинлы:  
Коньөр морт — учитель да поэт.  
Олөмыслөн шоныдыс оз инмы,  
Шудлун вылө надея оз сет.

Төдө эськө — шудыд абу сьөмын,  
Сандраыслы эскө аслыс моз.  
Төдө: өтка мортыд — джын морт сөмын,  
Но и семья лөсьөдны оз поэз.

Шуштөм, сьөкыд, курыд думьяс йылысь  
Нинөм дона мортыслы эз шу. . .  
— Сандра, Сандра,  
Сьөлөмшөрөй, нылөй,  
Оз ков тэысь бурджык гөтырпу.

Сөмын аслам пессян оланногөн  
Ме ог чуктөд озырлун, ни шуд:  
Тэнө мед не вөйтны курыд шогө —  
Дона китө ас кийн ог кут. . .

## VII

Абу уджйөза некодлы, абу вуза,  
Некодлы оз копрась коми Муза, —  
Чатөр сылөн юр.  
Сійөс лелькуйтө Куратов,  
Сыкөд нимкодясьө—радлө,  
Сөрни сыкөд бур.

Ассьыс медся ыджыд көсийөм,  
Төждысьөмсө бур йөз вөсна,  
Горш йөз дорө лөг,  
Ёсьмөм мөвпясыслысь вийсьөм,  
Сьөлөмыслысь гуся висьөм  
Сылы висьтавлө.

Муза гижыськөд быд пөрийө. . .  
Кывбур тэчысьөс оз пөръян  
И оз энөвт, оз.  
Муза кокньөдыштө олөм,  
Сійө көдзыд жырйө волө  
Дона гөстя моз.

Сыкөд коми гижысь ордө  
Весиг Пушкин волө гортө —  
Ыджыд роч поэт.  
И быд воліг сійө шулө,  
Мед Куратов перө улысь  
Сөрөм-лөж эз пет.

Гижөмыд мед вөлі мывкыд.  
Ёртасин мед веськыд кывкөд,  
Вежөрөйд мед сюсь.  
Сөмын сэки колан йөзлы  
Кывбурыд кор бион өзйө,  
А оз стынит-узь.

Пушкин велөдө поэтөс,  
Коми бардлы сьөлөм сетө,  
Ышөдө быд лун.  
Сьылө медводдзаон татөн,  
Восьтө комион Куратов  
Парма йөзлысь дум.

Ыджыд радейтөмөн сылө  
Сыктыв йылысь, Кебра йылысь,  
Көни оло мам.

Сиктса серпас сьолөм дойдө:  
Коньөръяс жө коми войтыр —  
Быдөн голь да рам.

Медся чөскыд юква бекар  
Эз рективлы ачыс некор —  
Сейлис кодкө мөд.  
Кыйсысь удзөдлывлө асьсө,  
Оз и новлыв ош ку пасьсө,  
Шоныдсө оз төд.

Озыръяслы дум оз волы,  
Мыйла йөзыс гөля оло? —  
Оз төдны и оз.  
Ловъявыссянь пыр коть гуө...  
Ой тэ, чужан Коми муьй! —  
Коньөръяслөн поз.

Но өд аддзэвліс Куратов,  
Паныдасьлывлісны татөн  
Повтөм, писькөс йөз.

Коми муөс шымыртөма  
Слөтитана ар.  
Енж сьөдов-рудов рөма  
Вевттьө Сыктывкар,

Олөм өдва легө-вөрө.  
Өддзөм он и чайт.  
Лоян карса улич шорын  
Пидзөсөдзыд няйт.

Кузь да шуштөм узьтөм войыс  
Шойччөмсө оз сет.  
«Бара пемыд лолын лоис», —  
Майшасьсө поэт.

Ставыс артмө кызкө гугөн,  
Пакталө том вын.  
Морт кө шедас олөм дзугйө,  
Бурөн оз нин мын.

Шогыс арся пужйөн водө  
Сьолөм йиригмоз —  
Протоиерей Синодө  
Гижөма донос:

«Вывті асныра Куратов,  
Кыв вылас зэв ёсь.  
Сійөс челядь дорө матө  
Сибөдны оз позь.

Начальствоыдлы нин эськө  
Оз копыртлы юр,

Том вир-йяныс налөн ловзьө,  
Парма пиянөс оз повзьөд  
Оломыслөн грөз.

Шыблавлөны грездса нывъяс  
Карса баринлы ёсь кывъяс —  
Тэ пö дьявөл вуж.  
Барин нывъясөс оз оқышт,  
Налысь томлунсө оз коқышт,  
Пөръявны оз куж.

Эмбур вөсна оз вись шөгөн,  
Оз тай дунды озыр ногөн  
Коми сиктса зон.  
Мывкыдсө кө налы сетан,  
Гашкө, зонъяс пөвстысь петас  
Асланым Самсон.

Пемыдінын эськө налы  
Лоө кусыньтчыны талун,  
Но өд лача эм:  
Сиө быд бурсө Куратов,  
Мед жө шонді петас татөн,  
Югдас налөн нэм!

## VIII

Весиг енлы нин оз эскы,  
Оланногыс дур.

Гажөдчывлө том йөз шөрын,  
Нем оз кывзысь, оз.  
Новлө чорыд сера дөрөм  
Голь крестьянин моз.

Святөй книгаө оз видзөд,  
Енмөс ёрны рад.  
Кывбур гижөм вилө видзө  
Учительлысь кад.

Менам велөдөмысь пыксьө,  
Вөжөрас оз босьт.  
Полицейскөйяскөд зыксьө,  
Панө весиг кось».

Гөгөр октөма поэтлы  
Полицейскөй лэч:  
Кодкөд муно,  
Кытчө ветлө —  
Син улысь оз лэдз.

Паразитлы,  
Йөйлы,  
Пежлы,  
Паныд кыв эн шу.  
Лои энөвтны нэм кежлө  
Дона Коми му.

## IX

Став лы-сьём небзьё-ёнтё  
И сотчө кок и ки:  
Шөр Азияын шондї  
Кыз орччөн о́йысь би.

Жар ветлө гыён-гыён,  
Пыр пөдөмысь тан пов.  
И доналөм чав лыа  
Оз быдты ловъя лов.

Тан ньылөм киссьё быд лун,  
Весь корсьысян гож сай.  
Тан велалөм верблюдлы,  
И сылы абу рай.

А жарсьыс войвыв мортөс  
Мед эськө видзас ен:  
Эз панлив сійө гортас  
Тадз шондїыскөд вен.

Но терпитнысö кужö,  
Куратов кыв оз шу:  
Од службаид эм служба,  
Көть кытчö мед оз ну.

Көть мустөм служба мырддис  
Ас дона чужанін,  
И сетісны сы пыдди  
Со офицерскöй чин.

Мед чөв оліс Куратов,  
Мед паныд кыв эз сет:  
Судьяён лоис татөн  
Сям сертиыс поэт.

Но сьөлөм корөм серти  
Оз гөльлы паныд сувт,  
И мыжтөм мортөс йортны  
Няйт тюрмаө оз кут.

Поэт оз вөчлы пакосьт,  
Оз сиав гуся лэч.  
И увтыртөм казахос  
Оз таявнысö лэдз.

Куратов пунктö тані  
Бур делөясö пай,  
Кыз писькөс Валиханов,  
Сюь вежөра Абай.

Од он кө велөд йөзөс,  
Оз луньюгыдыс шед —  
Тадз мөвпаліс нэм чөжыс  
Учёнöй да поэт.

И төдмаліс тан бура  
Виль йөзлысь сьыланкыв,  
Казахъяслысь культура  
И налысь чужан кыв.

Куратовлы зэв жальөсь  
Салдатъяс —  
Коньөр йөз:  
Пыр виччысь нөйтөм, тальөм  
Да офицерскöй грөз.

А семьясныс ылын,  
Зэв ылын чужанін:  
Вын-эбөс налөн сылө  
И вушйө мортлөн ним.

И кокныд пай он инды,  
Он мезды найөс тась,  
Салдаткөд өти пиньтуй  
Көть курчынысö дась.

Куратовөс та понда  
И дөжнавлісны дыр,  
Эз радейтны бароньяс  
Да өтдортлісны пыр.

Мый учительлөн, талөн,  
Военнöй абу дзирд,  
Мый сөнъясаныс налөн  
Дзик мөдсикаса вир.

Поэт оз вензья уна,  
А ылын кутө юр...  
... Шог,  
Мый дзоньвидзалуныс,  
Көть том на, абу бур.

Но ветлө-мунө, каттьө  
Верст бөрся сьөкыд верст:  
Кульджа, Семипалатинск,  
И озыр кар — Ташкент.

А висьөмыс пыр орччөн,  
Оз мынтөдчывлы, оз...  
И олөм сотчө-сотчө  
Дон өгыр ылын моз.

## X

Войвыв кодзув абу тан —  
Югзьё көнкө ылын-ылын.  
Оз төд косьмөм Туркестан  
Коми колипкайлысь сьылөм.

Сійö гижö, гижö пыр,  
Кыö кывбуръяслысь бисер,  
Сьöкыд шогсö пыкигтыр,  
Мый оз личöдливлы висьöм.

Кылö бур сьөлöма морт  
Тшöтш и мукöдъяслысь шогъяс:  
Олöмыслысь бöрдан гор,  
Сьöкыд тöждлун, курыд могъяс.

И кöть висьöмсыйс оз мын,  
Регыд-регыд кусас ачыс,  
Сетö бур войтырлы вын,  
Бурджык олöм вылö лача.

Лэдзны киястö оз ков,  
Тэчны сыланкывъяс колö:  
Садьмö Прометейлөн лов —  
Думнас локтан кадö волö.

Сэки öзйö чужöмбан,  
Ассьыс сьөлөм тiпкөм кылö:  
«Петас, вокъяс, шондi-й тан,  
Ме нин аддза, рöммö ылын!»

Эз утопияөн вöв,  
Эз нин аддзы сöмын вöтнас.  
Видзис шондi йылысь мөвп  
Эз Куратов сöмын öтнас.  
Зiлис вежны олан лад,  
Тышö чуксалiс и эскис,  
Вуджис каторга кодь ад  
Кын Вилуйскын Чернышевский.

Вöли бур войтырлы дыр  
Олөм бергöдчöма гугөн.  
Аддзис пемыд войыс пыр  
Добролюбов асья югөр.

Украинаса кобзарь —  
Том Шевченко шогсис матын  
Повтöм сьөлöма да яр,  
Дорöм ки-кока салдатөн.

Мед Россия эз нин узь,  
Вольнöй олөм пузис мед сэн,  
Кытчöдз гу-гортйö эз усь,  
Брунгис көлөкөлөн Герцен.

Гыяс бöрся швачкö гы...  
И Куратов кылö танi:  
Косьö чуксалана шы  
Воö ыли Туркестанöдз.

## XI

Поэтлы овны эз дыр коль нин,  
Пыр кельдö чужöмбаныс,  
И кусö-кусö коми колип  
Пустыннöй Туркестанын.

Куратов туялө зэв шога  
Став ассъыс олөм визьсө:  
Эз артмы олөм колан ногөн  
И дзоридзавтөг сисьмис.

Эз шуда туйяс кузя рөдты —  
Йөз муын водас гортйө  
Бур йөзлы кывлытөм да төдтөм,  
Некодлы ковтөм мортөн.

Зэв кокньыд лэбавнысө кайлы  
Да сьывны шондй улын,  
А сьылөн вын-эбөсыс ваймө,—  
Оз аддзыв локтан тулыс.

Ас поз лөсьөдны шуд эз усьлы,  
И абу пи ни гөтыр.  
И сөмын том дыр кадся муслун  
Куратов аддзө вөтөн:

«Тайө ме өд, Ваня,  
Тэнад Сандра,  
Тэнад гөтырпу.  
Котөрти ме эськө тэныд паньид,  
Но тэ кыв он шу.

Лунвылад ме вайлі чужанінысь  
Мелі парма төв.  
Пукавлывлі тэнад юрлөс дінын,  
Пукавлывлі чөв.

Тэнсьыд төждлун личөдыштны көсьи,  
Пальөдыштны шог.  
Муслун тэныд видзи, тэныд вөзйи,  
А тэ эн и лок.

Эг ме дженьдөд, эг ме кокньөд-югдөд  
Тэнсьыд узьтөм вой.  
Эг ме тэнсьыд ветлан-мунан туйтө  
Дзоридзьясөн кой».

Виччыси ме тэнө вояс, вояс.  
Отка, шудтөм ныв.  
Тэ өд, Ваня, менам бурдтөм дойөй,  
Сьывтөм сьыланкыв».

Көть олөм пөльтө чизыр төлөн  
И личкө тужа-нужа,  
Поэтлөн кывзысяна сьөлөм  
Пось муслун видзны кужө:

«Сандра, дона Сандра,  
Сьөлөмшөрөй,  
Муса коми ань!  
Ылө колис муслунасян пөра —  
Казьтылөмыс шань.

Нэм ог вунөд, Сыктив нөрыс йылын  
Кутшөм вөлі бур,  
Кор тэ пунктін менам морөс вылө  
Ассьыд шобді юр.

Быд том мортлөн коркө муслун вөлі,  
Гашкө-й өні эм.  
Сөмын бурдөдыштны пессьысь сьөлөм  
Абу сiom мем.

Дзоридз куртны олігчөж эз шедлы —  
Өні ог нин корсь.  
Пельистөм пыжөн ва паныд ветлі,  
Быттьо кольмөм морт».

Да, нэмыс гөгыльтчө нин катов,  
Оз кыпты-лэптысь вылө,  
Да-й гөгөрвоө нин Куратов,  
Мый лунысь-луно сылө.

Сюсь вежөр эськө öзйө бура,  
Да дзоньвидзалун — коньөр...  
И курыд мөвпыс пессьо юрын  
Дзуг-лэчкө шедөм жоньөн.

Пеж службаислөн гөрөд джагыд,  
Став вын-эбөссө пычкө,  
Салдатчиналөн дорөм сапөг  
Тадз морөс вылө личкө.

Сап пемыд жырьо дзугыль йиджө —  
Пыр өткөн мортыс, өткөн.  
И сөмын гижөм, кывбур гижөм  
Со личөдлө лов пөдтөм.

А букыш арын, киль-кор усиг,  
Эв сьөкыд висьысь мортлы.  
Но ловья кинь оз көсьи кусны,  
Оз сетчы азым ортлы:

«Ой, олөм, олөм! Тэнсьыд донтө  
Ме лэпта лунысь-луно.  
Ми тэкөд видчыны ог пондөй:  
Тэ кольчы, а ме муна».

Эз, олөм эз шыр биөн öзйи,  
Эз дзик тшак тшынөн тшынав.  
Куратов эскө коми йөзлы  
И аддзө сылысь вынсө.

Өд сылөн аслас пыді вужйыс  
Кын Войвыв чужан муын.  
Сы отсөгөн и лоны кужис  
Сук тугана ён пуөн.

Сэк разавлывлө шуштөм чөвлун  
И ыкша ветлө лолыс,  
Кор войвыв муысь ыркыд төвру  
Куратов дорө волас.

И сьөлөмсяньыс коми йөзлы  
Быд бурсө вордө сійө:  
Мед войвыв кодзув улын öзьяс  
Поэзиялөн биыс.

Дерт, өти мортлөн нэмыд дженьыд,  
Он төдлы — гуё воан...  
«Тэ, олөм, майбыр, помтөм нэма  
И коркё шаньджык лоан»...

## XII

Но сьёлөм,  
Куратовлөн сьёлөм  
Пыр тіпкис...  
И лэбаліс лов  
Печора да Эква ю пөлөн...  
И чукасасыны Муза эз пов.

Скөр турөб пыр восьлаліс сійө —  
Сё дөмаса шабура ань,  
Мед бур йөзлы мыччыны киас  
Пось кывбур, кыз сов, либө нянь.

Дыр виччысис олөмлысь шаньмөм,  
Но виччысис во бөрся во:  
Дась нянь сёйысь,  
Вежнясьысь аньөн  
Эз ло коми Муза,  
Эз ло!

Эз нювсьыв, эз кургивлы каньөн,  
Эз куньтырась пельбсын чөв,  
А мый вермис, ырзьөдіс тані  
Важ олөмсө весалан төв.

Пыр йөзыскөд орччөн да өтүв,  
Туй шөрын эз джөмдав, эз сувт:  
Поэзия йөзлы эз пөдлав  
Жан морөссө ни өти здук.

Пыр дорйыліс асланым Муза,  
Мый дона, мый мича, мый жаль.  
Бур войтырөс ышөдны кужис,  
Кор енэжыс сэзь  
И кор саль.

Пыр сьылөдліс кывбура кылөн  
Да ыдждөдліс ас чужанін.  
Ас борд вылас кыпөдліс вылө  
Да мичмөдліс бур мортлысь ним.

Поэзия лелькуйтліс шаня  
Да югзьөдліс быд ловья лов...  
Дась нянь сёйысь,  
Вежнясьысь аньөн  
Ас Муза эз вөв  
И оз ов!





П О В Е С Т Ъ

1

— Мый нө, зимогоръяс, мед-водз, буди, мянлы колө бригадирөс бөрйыны-а?

Вонгкостыс тадзи шыасис мян динө, керъяс вылө кыздисюрө пуксялөм йөз чукөр динө, мастер. Сийö сулалис мян водзын ичөтик и кажитчис сьод кычан кодбөн: буракö, сы вöсна, мый вöли зэв мугов да инас öшыйтөм вертляв.

— Ачыл инды дай, кодй тэд кажитчөджык, кутшөм сэн бөрйысьөм!— горөдис кодкө воча.

— На-на-най!— дженъыд голяа юрнас пыркөдигтыр шуис мастер.— Ме любита демократия... Төданныд он көть, мый сийö сэтшөмыс лоö?

— Кывлім... Сөмын код пö төдас, мыйөнджык сийөс сөйлөны...

— Сийö лоö, мый ассыс веськөдлысьсө народ бөрйө ачыс, а оз вылісянь көвъявны. А бөрйө кө ачыс, то и өнджыка пыдди пуктө да кывзысьö... Ме чайга, колө бөрйыны сэтшөм мортөс, кодй мед эськө и төлкаджык вöли, и мукөд серти вынаджык. Мед эськө тушанас эз ме моз шег кодбөн вөв. Мед куш сөмын сы вылө видзөдлөмысь окота лон котортны удж вылө... Рочөн кө шуны — мед сылөн вöли бур комплекция!


Мянөс өна гажөдис делөыслөн татшөм ногөн пансьөмыс...

— Сиджкө, Пиконөс бөръям!— Сийö тай пу кузьята лувалөма, вичко колөкөльнича судта...

— Пиконөс! Пиконөс!— өтпырйө моз горөдисны унаөн.— Медъөн



ТЯНИЛЫ



ВОДЗО



ОВНЫ

сийо! И некытчö нин оз вöй сы кузьтайд — быдлаö, Сыктыв кузялаыс кыкы подъяс!..

Гигзям-сералам, чатрасям Пикон вылö. А сылөн чужöмыс мавтöм тупöсь моз югъялö татшöм честьсьыд, тшöтш быттö и ыкшаммыштöма.

— А ме чайта, Федя Мелехинöс колö бөрйыны!— друг горöдiс тöдса гөлöс, Гөрд Öльöш чирöстiс, юрыс сылөн би моз сотчö... Виччысьтöмысла менö весиг пöсö шыбитлiс.— Сийö ачыс нин вöлi мастерөн, вөр делöсö бура тöдö, нарад и мукöд кабалаяс сяммас гижны.

— Федяöс и эм колö!— ырмунiсны тшöтш и мукöдьяс.— Сылөн нигаяс эмöсь, ёна лыддьысö да, юрыс медьёна уджалö. А Пиконид — мый? Пиконидлөн куш сöмын балаыс, пытшкөсыс, кондалөн моз, руш...

Бара на серам...

— Да и, Пиконид, немöй лапöд кодь, кывсö сетны сылы жаль. Кыдзи татшöмид бригадиралас?..

Сэтшöм вензöм сөсся лыбис. Зонъяс, да и нывъяс тшöтш, чеччыштiсны керъяс вылысь, öвтчöны багыра кияснаныс, чирзöны нянь тор вöс на мырддысысь пышкайяс моз.

Ичöтик мастер öдва и öлөдiс ышмöм йöзöс.

— Лөнълöй, лөнълöй!— горзiс сийö назгыштысь гөлöснас.— Сийö и бурис, мый миян лонс кык кандидат! Весиг зэв бур тайö... Демократияыс пö, лыддьылi ме, буретш кык кандидатеянь и заводитчö... Вай ми тöдан-ныйд мый керам? Вай ми керам кандидатъяслысь со-рев-но-ва-ни-е... Мед найö петкöдласны миянлы, кодi мыйöн вынаджык. Кодi мый вылö туйöджык... Сөсся вöлпiс ми и бөръям...

Меным ньöти эз вöв окота бригадиравнысö. Сөсся, веськыда кö нин сёрнитны, ме и польштi Пиконысь — видлы татшöм öслöпаньдкöд вермасыны!

— Колантор тай, бригадиралöмид тiян!— сёлöмсянь водзсаяс.— Мастеравны и то нин дышöдiс-а, мырдөн вöзйыси петны... Ачым кöсья уджавны, немторысь тöждысьтөг... Мед Пиконыс и бригадиралö...

— Э-э, Федя, повзин тай? Эн пов — сылөн куш лыыс гуля-голякылö!

— Ог, мися, кöсйы, мый спрасинныд!..

— Повзин! Повзин!..— гөрдлöны, быттö важөн нин виччысьмөаөсь тайö гаждö.

Кыдзи терпитан татшöмтортö? Кор тэнö нин янөдöны?.. Лоп чеччыштны кер вылысь. А сёлöмöй чажкйö-ыпъялö нин сирöd пес моз, да кор тай нöшта бисö бур төв пöльтö. Тадзитö дэлбөдöм бöрад ме быдтор вылö нин дась...

Пикон воськовтiс жö водзö, нумъялö приданнöй мөс моз, синсö читкыралö, видзöдласнас быттö омöльтыштö менö: тэкöд пö, этатшöм чибукыдкöд, ме быд ногыс шөгъяс...

Но, мися, думайта ачым, водзвывсö эн на жö ышнясь, кыйтöм пöткасö эн на кушты. Петi кö нин ме тэныд паньд, лэчыд гыжкясöс помöдз лэдзла...

Пиконыскöд вывтi бурасö ми абу тöдсаөсь. Тöда, мый орчча грездысь сийö, вöралысь. Став семья кодыс налөн вöралысьяс, и ставыс татшöм жö öслöпаньяс. Буракö, звер-пöткайдлысь чөскыд яйсö мутшкигөн сэтшöмасö нюжалöны...

А сэк костi мастер сувтöдiс миянöс орчөн, инас öшйытöм кычан моз тривкйысьö гөгöраным. Видзöдлöй пö асьныд бурджыка, кутшöмджыкөсь эмöсь тiян кандидатъясныд...

А мукöдыслы мый? — теш налы, гигзöны-ызъялöны.

И чиган мастерлы, аслыс, буракö, теш жö, тадзитö тöдмасис миянкöд да. Нинöм абуеыс демократия пондiс вöчны да... Көнкö, водзвыв ставсö артыштiс — кыдиджык сибöдчыны том йöз дiнö,— дерт, эз öнi на, пырьсь-пыр думышт, тöвйылöм гут нин мортыс... Öд кар дорöдз ковмас сылы лэччыны миянкöд, гожмөбыд...

— Пиконлөн пельпомъясы паськыдджыкось,— гөлчитіс мастер, мянәс, вузалан вөвъясө моз, видлалыгыр.— Но сы пидди Федялөн морьсыс выльнджык, бур жыннян кодь... Судтананыс, дерт, сутши-кетши-ось жө... Но-ко, вайлөй багыр, мурталам...

Горзиг-сералыгыр сетісны мастерлы кузь воропа багыр.

— Но лешакө-зонмө, Пикон, эта кузьта он жө быдмы! Сетас жө енмыс мукөдыслы туша, ме кодьыс кык петас... Мышка постөг он и судз...

Мастер топөдіс багыр воропсө Пиконлөн баялбөж дінө. Сәсся перийс зепсыс көрт кусыньясөд чегсысь-тәчсысь виж метр, мерайтис. Пиконлөн быдса сажень матө лоис, а менам бур весьтөн дженьыдджык.

— Ничево тай, тшөтш и Федя, енкөд, быдмөма, көть и война кадө, көть и тшыг нисө пөтөн. Бать-мамыслөн рокөсыс, тыдалө, бур вөлөма... Но Пиконыс, Пиконыс — загреки!..

Сәсся сийө шыасис войтырыс дінө:

— Мый нө шуаньыд, зимөгоръяс? Комплекция серти, буракө, ковмас пуктыны балл Пиконлы? Комплекция сертиныс сийөс непөштө бригадирө — императорө позьө бөрийны...

— Позьө и эм!— сералөны мукөдыс.— Пуктам өти балл Пиконлы!— Мастерлөн ворөбөмыс пыр өнджыка и өнджыка ызьөдіс йөзөс.

— А өні вай сетам налы задача. Мый медуна колө төдны бригадирьды?— юалис мастер да сәсся ачыс жө и вочавидзис:— Кер йылыс колө медуна төдны... Шуам, уна-ө кер косьмөма со тайө чукөрас? А, Пикон? Тэ ногөн, кымын кубометр лөб?

— Колө көть, наперво, лыддыны кер лыдсө...— Пикон төдчымөн падьялис, юр вемсө выныштөдөмысь сийө нөшта на гөрдөдіс.

— А тэ лыддытөгьыс, лыддытөгьыс висьтав!— гажъялис мастер.

— Но... этийө... комын гөгөр лоас...— эскытөма шунс Пикон.

— Та-ак... А тэ ногөн, Федя, уна-ө?

— Гырысьбсь керъясыс, и топыда пукалөны, вевсьөн моз,— вочавидза ме, ас кержыс артасигмоз.— Дерт, ытва дырйи вайлөма, буракө, кутшөмкө бунт чашнитлөма... Ме чайта, этша вылө ветымын кубометр лөб тани...

— Федялы — балл!— горөдісны унаөн.— Сымда гөгөр и лөб тани вөрыс. Сийө ачыс мастеравліс, татшөмтортө бурджыка төдө...

— Та-ак!..— дзикөдз нимкодьмис мастер, быттьө эз кандидатъясөс бөрий, а тыбца ордас пөсь көвдум сөйис.— Кыкнанныслөн морт өти баллөн лон... А өні, ме чайта, налы колө вермасыны. Видзөдлаам, кодныс өнджык. Выныд өд бригадирьдылы колө жө...

Татшөмтортө кывлөм бөрын ставөн пондісны чеччавны раднысла.

Мед пө вермасыөны! Давай!..

Менам дөбелкиөдз жө нин пөсялөма вирөй, ме весиг ог нин пов Пиконысь, сы вөсна мый вермасынытө ме пчөтысянь век лют вөвлі...

— Позьө вермасыны кодз кызди кужө, мөд ногөн кө — вольной борьба,— чуйдөдліс мянәс мастер.

Ми Пиконкөд, пурсысь каньяс моз, сулалам паныдөн, лажыньтчыштөмаөсь, синьясным дзульялөны, ог төдөй, кызиджык усыкөдчыны өтамөдным вылө. Первойсө ме көсийлі кутчысыны сой на сой, сы вөсна мый тадзисө ме бура велалі вермасынытө. Сөйөдыс дзабыртөмөн мый вынсьыд бөрынштан прөтивникө, а сәсся, кор сийө ньөти оз виччысь, шпач-шыбитчан муө гатишб да ас вывтйид чакпан-летитөдан сийөс, сәсся и зьвирк-вожасян вылас... Но та кузя өслөпантө верман-ө чапкыны? Шыбитчикостыд оз-ө асьтө жамкнит-варөд сьөкыд кер моз?

А гөгөр горзөны, сералөны, каймөдлөны, дэльөдчөны: давай, давай пө!..

Ми и шашаритчим Пиконкөд, өта-мөдным дінө, быттьө кык черань, кодьяс некыз оз вермыны юкны джагөдөм гутөс. Ружтам-кашкам, сапөга кокъясөн гөрам веж ластасө...

Ме кыкнан киён суйся сылы коскас, а сийо, дерт, оз лэдз, абу жё йой... Пиконлөн и збыльсь куш сомын лысы да кучикыс и вёлёма, эта гыря лыяс... Быттё Геркулес вёлён, коді коркё усыліс Литваысь локтан кузь туй вылын... Вёралысь ачыс, яй печкё-сёйё, а куш лысы... Мукёдыдлөн, буракё, весиг яйсыд нач сомын лы артмё, куйод да...

Мырдысён сорён чашкыльті ме сылысь сойяссё да и зэлыда асыкалі коссё... А сийо кльёциалис менсым голяёс, топодё, топодё... Но ме нин лэптышті сийёс да и, сконйыштёмён, бруткёбті веж ластва вылё. Ачым, дерт, вылас вожаси... Пикон нетшкысьё-пессё, дон-гёрдодёма, пёсялёма... Но энльв, веськалін кё нин ме улё, бурён он пет, быд ногыс жё нин велёдчёма личкынысё...

Меным нимкодъ, быд сён винёв пружина моз зэлалёма, быд сён сывны-горзыны дась, вермём йылысь сывны, удаллун йылысь...

А кор чечим, Пикон шенасыны кутіс кузь кияснас: неправильнёя пё чергёдіс, сконйыштёмён. Колё пё выльысь...

Но мастер падъявтёг шуис:

— На-на-най! Некутшём «выльысь» оз ло. Ме жё шулі — вольнёй борьба... Гижам Федялы балл... Но тэ, Пикон, эн на нюжд нырті! Медя ыджыд вермасёмыс водзын на... Кутшём?.. Быттё онё тёдйё... Кёні медбура петкёдлё асьё кылёдчысьыд? Дерт жё — кер вылын! Сідзкё, мед миян кандидатъсыным кер вылын вуджённы мёдар берегё... Ёти кер вылын мед вуджённы!

— Ёти вылын?!

— Дерт жё. Кык кер вылад од быд йой вуджас, коксё кётёдтёг. И мед не пуксыны, не вожасыны кёбыла вылё моз, а сувтсён вуджны... Тавысь ми шняпуритам вермысьыслы КЫК балл. Сідзкё, Пикон, тэ верман на бёр пановтны Федяёс.

Татшём юёрсыд ставён друг быттё кодзисны — ёта-мёд вежмёныс горзёны да водзвыв нин радлёны, быттё гажа да тёдса спектак водзвылын.

А веськыда кё шуны, ёти кер вылад Сыктывтё вуджёмыд спектак кодён и вермас лоны...

Дерт, шуам, керъяс вылад менам быд ногыс нин кывтлёма и ютё гежмавлёма, но ёнджыкасё кык кер вылын, ёти вылад эджык на сулы нуждаыс... А тани со колё не сомын кутчысьны кер вылас, но и пановтны Пиконёс...

Сийёс, видзёда да, шогёдыштис жё, чукрасё...

Но бёрыньтчыны ёні миянлы сёр нин, сылы и меным, бёрыньтчан кё, гождёмбыд дэльёдны пондасыны...

Бёрийсны миянлы шёркодъ кызтаа дін керъяс. Пожём. Котъ нин тайё бур, а то козийд вывтіджык дзибрёс — сувтан да, дурпоп моз чёпсёйё бергавны...

Мастер тшөктіс пёрччыны кирза сапөгъяснымёс, а то пё вёйтанныд ещё... Куим морт, суддяяс пыдди, пыжё пукёялісны... Коллёдны пондасыны...

Ме, кыин багыра, лажыньтчыштёмён, лэчид гыжъя сюзь моз, кебыртчи-сатшкыси комтём кокъясён кыз кыря керйё, шёрвьяс кымын, да лов шыёс кутёмён — мед нин не шатовмунны — кокныдыка йёткыштчи ва шёрлань...

Быд сёнон кыла керйыслысь дзибрасёмсё... Весиг кыла, кызди керйыс кийёдчё ме бёрся, ог-ё ме унджык нёрвтышт...

Берег дорёдыс, ляпкыдыжыкинёдыс, ничево зібъяси. Но сэся джудждаммис, багырёй ёдва судзё, и ме эг понды лыстыны зібъясынысё... Нёшта лажыньтчышти и понді сынны багырён, кык лопта пелысён моз. Но од багырыд абу пелыс, да и пыдіа пукалысь керйыд — абу пыж, он и ылав, котъ кутшёма чолскы-сын, визулыс сомын кылёдё. Тадзинад мёда-

рөдзис верман и не воны, чукультанінас бөр таладор берегас вермас ляскыны...

А мый нө меным воштынысө! Тадзитө визигён Пикон всё равно пановтас — кузь-кузь, а бура жө со сулалө кер вылас, велавлөма жө коркө...

И ме мый вынысь зібйыштчи багырөн удворсянь, ёнкодь визулыслы паныдмоз. Но сэки керйид ме улын пырьсы-пыр жө гартовтчис, муртса эг шырситчы ме сы вылысь. Быть лоис бок ногөн сувтны да заводитны места вылын рөдтыны. А сійө, пежыд, лөньюм пыдди, пыр өдйөджык гартчө. Быттө мотор бергөдлө сійөс, маховикөс моз... А ме рөдта-чеччала, быгылтчысь бөчка вылын ош моз, карын циркысь адзылі, ёна и сералі сэки... Ёні ме ачым сійө ош местаас лои...

Муртса ме удиті ош йывсысь думыштны, кызди бузгыси ваө. Но багырөс эг лэдз кысь... Шонид эськө ваис, он кымы, но яндзим. Берег вылын, кыла, кулёны-сералёны... Налөн, видзөд, серамныс петө...

А Пикон пановтис нин менө. Бузгысьөмтө кыліс да друг бергөдчыштіс — нимкодывсла, дерт, гашкө, мед тиөтш сералыштны. Но сэки, песовтчөмсысь, и сы улын керйис ыремуніс дурпоп моз. Мися, енмыс тай абу на жө Порсь Педөр!.. Пикон ме моз жө бокнөвтчис да и пондіс рөдтыны-чеччавны, өтарө и мөдарө, сідз и тадз. Но, лөньюдөм пыдди, сөмын и өддзөдө керсө, өд ёна сьөкыдджык сійө ме дорысь... Пикон бузгысис жө ваө, дзикөдз вылө вошліс, бөр быльенитіс, ыкйөдлө-сьөласьө...

Ме сак кості бөр вожаси кер дін вылө. Ачым пола — мед жө нин, мися, бара эз понды бергавны... Думайтә сәсәя: вай жө, мися, кер дінсянысь заводитла чепсасынь, помсянысь, багырөс ог и кут ләптывны васысь, му бердсысь. Йөткасынь и быттө мыджсыньны моз понда сы вылө... Мыйта судзас... И копыртчөминсысь оз ков веськөдчыны...

А Пикон, видзөда да, заразайд, бөрсө оз и көсйи кайны кер вылас! Варчөмөн йөткө керсө мөдар береглань, пельпомнас и юрнас...

Но сэки пондісны горзыны пыжсянь и берегсянь: тадзи пө оз позь! Тадзи пө балл оз ло!.. Шуөма вөлі — кер вылын сулалөмөн колө вуджны.

И Пикон, ёна тәрмасигтыр, пондіс ызөдчыны-каттысьны кер вылө бөксянысь. Некеыз оз көсйи сетчыны мортыд, дзикөдз ызьбөма. Но дулан керйид бара на тьольскыліс-сюйліс сійөс увлань юрбн ва пыдөслань, дзикөдз вошліс... Буракө, сөмын коймөдысьнас вермис кавшасынь сійө кер вылө... Менам серамөй петө сы вылө видзөдигөн, но и ог лысьт серавнысь, ме весиг бурджыка лолыштны ог лысьт, непөштө серавны. Ме ньбжйөнникөн йөткасы и йөткасы водзө...

И колө жө! Буретш сэки менам голяө зяткысис-пуксис мазі ыджта лөдз. Тьцу! Кысь-мый сійөс вайисны... И пырьсы-пыр жө варенитіс-курччис, да сәтшөма, мый меным кажитчис — голя джынйөс нетшыштис. Мед нин эськө курччис кө, но өд, пежыд, некеыз оз көсйи бөрсө чеччыны, йирө и йирө менө, быттө кодкө нарөшнө мөдөдөма сійөс.

А ме ог лысьт киясөс мынтөдны багыр дінысь — бара өд верма шатовмунны. Чужөмөс сөмын быд ногысь вежньөдла, вөв моз, думысь зіля голяысь кучикөс кызкө вөрзбөдны да көть нин тадзи повзбөдны вирюясьсө. Но менам некеызди оз артмы вөлыд моз... А лөддзысь, буракө, гөгөрвоө менсысь коньөрлуөс, вирөс нөнялө и нөнялө да быттьөкө весиг кургө радысла...

Өтлаын и кывтам ми лөддзыкөд кер вылын. Мөдар бергөдзысь сійө нөняліс менө...

Мөдар берегса лыаө Пиконлөн да менам кер ныръяс нюшкысисны өтпырйө. Пыжын пукалысьяс шуисны — тані пө ті, зонъясь, өткодьсөсь, некоднаньыд энө вермөй.

Ми Пиконкөд чечыштім лыадорса шоньыд ваө. Көкъясь менам тірзбөны керсө ёна топөдөмысь, сәтшөма мөдзөмаөсь...

Бурджыка видзодні Пикон выло — ваьсь петом ыджыд рода поп кодь сійо сулалө, овлөны тай сэтшөмъясые — кузь кокабсь, нёпкысьөм бокъясабсь, куш лыыс да кучыкыс быттё... Пикон вылысь ваьс тюрговиялө шорён, юрныс кызисюрө лясөма кымбас... Сэтшөм тешкодь сійо лоөма... И ме понді куснясьөмөн серавны.

Сійо видзөдліс ме выло да тшөтш резьбөтис-серөктис...

Ми водім пөсь лыа выло да пондім быгьясьөмөн серавны. И тайо серавыс кыдакө быттё матыстис мяняөс, кык кандидатөс, өта-мөдным дінө...

Асланым берегө ми вуджим өтлаөдөм керьяс вылын, и тадзисө, кыкөныдлөн, найө весиг эз и шатовмулыны мяня кок улын.

Менам чукөрмис унджык балл, и войтырыс дінө бөрсө ме вои бригадирөн нин.

## 2

А командай менам, веськыд берегса атаманлөн, дзоньнас том йөзысь. Кызвыннас дас квайт, дас сизим да дас көкъямыс арөсаяс. Пиконлы дас сизим жө вөлөма, кор сөмын и удитлөма быдмыны та кузясө.

Шуйга берегөд мяня кодыс жө пондасны лэччыны и...

Ставөн — войнаөн песөм-быдтөм зоньяс да нывьяс. Фронт вылын усөм батьястөгыс быдмысь зоньяс да нывьяс. Веретьө йөзлысь уджсө важөн нин мыркысь зоньяс да нывьяс...

Кутшөмөн вөчис найөс сьбөкыд оломыс? Перө-ручка пыдди багырөн да черөн вөдитчөмыс?

Ставныс найө матигөгөрса сиктъясысь, лыддысьсөны колхозникъясөн. Но гортаныс, видз-му вылын, этна и уджавлөны. Сы вөсна, мый война чөжыс налы ковмис пессьыны вөр диньн. Төвнас пөрөдны керсө да кыскыны юяс дінө; тулысьянь да сөр арөдз сійо жө керсө кылөдны карса запаньсөдз. Төвнас — собавны морбөсөдзыд лым пиын, турдавны-кышмавны веж көдзыдьяс дырйи; а юяс воссьөмсянь да йи сувттөдз — уявны ваьн, кер йөткигмоз сөника ваьсь куравны ревматизм да кос висьөм...

А видз-му уджъяссө палөн мамъяснысджык мыркисны. Да пөрысьяс. Да поспиулов. Кодъяслы некыз эз позь торйөдчыны гортныс диньсь...

Тайяслөн жө, кодыс өні менам бригадыньсө, став пайыс да шудыс — вөрын. Вөр, вөр да пөшта на вөр!.. Коді кузь война чөжыс сэтшөма коліс страналы... Коліс, гашкө, дас пөв, сө пөв ёнджыка мяня жебиник муяс вылын быдтөм нянь дорысь... А өні сійө, вөрыс, колө ещө на ёнджыка... Ме аддзылі, кутшөма сійө колө... Россия пасьта гөнитигөн ас синмөн аддзылі, кызди войнаыс изөма-павөдөма ставеө...

Унджык ныв-зонсө ме буракодь төда, кутшөмөсь найө эмөсь. Өтиөс со, медкузьсө, муртса на төдмалі... А мукөдсө, чайта, оз жө ло сьбөкыд гөгөрвоны да төдмавны, коді мый дон сулалө...

Со тай пө кер чукөрыс! Ачым шуи — ветымын кубометр, сө кымын воськов сайын юсяныс, пөскөтина выло ытваыс сатшкөма. Ковмас быгьявны, зорьявны керьяссө, чукляджыкъяссө пельпом вылын новлыны. Бөр ваө лэдзын, мед водзө кывтөны, нинөмла налы тані веьшпөрөсө сисьмыны... Татшөм уджад пырысь-пыр и тыдовтчас быдөн...

Ичөтик мастер — Сюзь Васькой — шуис:

— Но мый нө, Федя, командуит. Тэнө велөдны оз ков. Рытөдзыс кө воанныд Лёпырдінөдз, аккордиөя гижа нарядсө, мед унджык воас тянлы... А ме мөді, узянин йылысь колө төждысьыштны, кыз-мый сәні кухныяс да... Мед сөйтөг эз узьмөдны мяняөс... Со тадз, зимөгөрьяс...

Шуис и мөдөдчис тирөдны дженьдык көкъяснас ю кывтчөс.

Ме думышти — Лёпырдінөдзыд вит гөгөр километр лөб. Мися, быд

чукулын кӧ лооны татшӧм жӧ кер чукӧръяс, то ӧдвакӧ ми воӧдчам талун сэтчӧдз. Но, бӧртинас тыдовтчас!

А мян лудӧны нин княнсым бур уджысь. Ӧтвывъя уджысь. Сэтшӧм уджысь, кор тэнад лолыд ыпъялӧ тӧв йылын жар би моз, кыпыда сылӧ и ворсӧ, и ассыд став вынтӧ, помӧдз, тэ сетан ӧтувъя вынӧ, а сы пыдди ӧтувъя ыджыд выныс быттӧ дзоньнас ыльгысь-пырӧ тэнад вирсӧнӧ. И тэныд окота някравны и муркӧдны, окота пановтны мукӧдсӧ, окота лоны мукӧд дорсыс ёнджыкӧн и сюсьджыкӧн... Да нӧшта нин кор тэ вылӧ, том морт вылӧ, видзӧдӧны нывъяс, орчӧнӧсь найӧ, и тэ лов тырнад кылан ас вывсыд налыс пӧсь синъясӧ...

— Мый нӧ, биа-бордаяс, босьтчылам али мый?!

Сэсся ёна тшӧктӧм тай эз и ков. Татшӧмторъяс дӧнад велалӧм йӧзыд быдӧн аддзӧ, мый колӧ вӧчны. Кӧдӧ вӧсни рудстойкаяс да потшъяс новлӧ утыяс вылӧ — мед на кузя кокныдджыка быгыльтчыны сьӧкыд керъясыс, мукӧдыс нин чашкыльтӧны кер чукӧрсӧ водзвыв дасьтӧм зоръясӧн.

А со нин кыз кыреса дӧн кер — пӧсь шондӧ водзын косӧнын олӧгӧн сирзьӧм помъяса — дольдпырысь пондӧ гӧгыльтчыны утыяс вывтӧ. Быттӧ сэтшӧма нин дышӧдӧма сылы вӧрзвытӧгыс жуивидзнысӧ. Нывъяслӧн ки пыдӧсьясыс быттӧ кокныдыка и инмӧдчывлӧны шоньд кырес дӧнас, а сийӧ, керйыс, гольгӧ-гӧгыльтчӧ, ёна пӧсялӧм ловъя лов моз тэрмасӧ ыркыд ваа Сыктивлань.

Нывъяс тӧдӧны, мый оз ков лэдзны сылы сувтнысӧ — ӧд вывсыс кокныдджык гӧгыльтнысӧ сийӧс, — и коньртчыштӧмӧн сӧмын и зятӧдлӧны ичӧтник, чорыд ки пыдӧсьяса княнаныс, сӧмын и зятӧдлӧны... Но керйыслӧн дӧныс, кызджык да, пановтӧ йывсӧ, кӧсӧй чечыштны ут вылысь. Ме усыкӧдча йывланыс, керйыслӧн котӧртигмысыс удита кузя зорйыштны, шыбитны йывсӧ водзлань...

— Давай, давай! Чепсав!.. Йӧткав!.. Миянӧс-ӧ велӧдны кер дӧнад?

Ӧти кер бузгысыс ваӧ, мӧд, коймӧд...

А со ӧтайӧ кыз дӧнсӧ он гӧгыльт, вожа быдмылӧма... Нӧбалам! Жӧнпӧкӧнтӧм нель зор вылӧ, кӧкъямысӧн босьтӧм зор помъясӧ сой кысыняс вылӧ, и мӧдӧдчим ньяжӧйӧнкӧн. Быттӧ зэв донатор нуам, полам жугӧдны. Стӧдджыка кӧ — сконйыштчӧмысь полам... А сьӧкыд жӧ заразыд! Сойястӧ дась петшыштны пельпом вечикъясыс... Кынӧмыд зэла-лӧма... И кокъясыд, нюрӧд собигӧн моз, дзуремунлӧны муас...

А Сыктив визулыс кутшӧм кокниа босьтӧс пежӧс, кос чагӧс моз...

Ӕтайӧ керйыс, буракӧ, нӧшта на урӧсджык — каллян кодӧ дӧныс, татшӧмтӧ ни быгыльтны он вермы, ни зоръяс вылын нуны абу кивыв. Быдмылас жӧ татшӧм седуныс...

— Кӧдӧ кӧсӧй мекӧд кыкӧн! — горза.

Пырысь-пыр жӧ Гӧрд Ӧльш чепӧсийс дӧнланыс, эз повззы, мый сьӧкыд козйыс, гашкӧ, дас пудъя.

— Энлы, ме босьта дӧнсӧ, — шуа, а аслым нимкодӧ, мый Ӧльшыйс дӧнланыс первойӧн усыкӧдчыс.

— Тэныд, бригадир мортлы, асьтӧ видзны колӧ, туйыс кузь, — воча нюмъялӧ Ӧльш.

— Бур атаманъясыд пӧ оз корсельны аслыныс кокныдсӧ, — шуа Ӧльшлы.

Отсалӧны лэптыны пельпом вылӧ чукуля коз дӧнсӧ. Чорыд кыресыс зу моз сатшыкыс нывлӧдӧм голяӧ. Уна пудъя сьӧктаыс жамкнитӧс пельпомӧс, коскӧ бытшнитӧс, лов шыӧй топалӧс. И кыла, кыззи зэвтчыны кӧсичаясын вир сӧнъясӧй, буракӧ, кыз шӧртъяс моз лыбисны, мед кӧтӧ оз жӧ потны...

— Но, мӧдӧм...

Керсӧ веськӧд кӧн вывсыняыс сывйыштӧмӧн тӧла-муна дженъыдик воськолӧн. Татшӧм сьӧкта улад кузятӧ он воськовт... Но кыла — керйыс

лѣк ногон зоркѣодлыштѣ пельпомѣ, сы вѣсна, мый Ольош оз ме моз жѣ тувчав. Дерт, сылы сѣкыд жѣ, жебджык сѣѣ ме дорысь.

— Ольош!.. Эн тѣрѣд кѣза моз... Ме моз жѣ шаглав...

Ольош ме серти ладмѣдѣ воськовѣ:

— Ок и свинеч вѣломма...— мышсянь кашкѣ сѣѣ.

— Вай ѳнѣ вежам пельпомѣясѣс...— недыр мысти шуа сылы.— Сувт-лам да... Кужан-ѣ вежнысѣ? Эн уськѣд сѣмын-а...

— Кужа...— кашкѣ воча.— Заводит...

Ме дзикѣдз копырта юрсѣ да сюа кер увтас, нѣожѣѳникѣн вешта керсѣ мыш вывтѣ, сюрса лыѣс варкнитлѣ сѣѣ, но век жѣ веськалѣ шуйга пельпом вылѣ. Сѣсся и Ольош ме моз жѣ вѣчѣ.

Но кѣтъ и мудзтѣм на шуйга пельпомѣѣ, сы вылын нѣбавнысѣ кызкѣ абуджык кивыв — быттѣ векныдджык сѣѣ, керѣяс озджык ѳшѣй, кыкнан киѳн лѣѣ кутыштавны... Но ниѳм, мед и сѣѣ велалѣ, карѣдзыд ѳд, тадзѣтѣ новлысѣгад, куш ѳти пельпомѣд дзикѣдз вермас чуктыны...

Коркѣ тай сѣсся воис жѣ кыркѣтшысѣ!.. ѳнѣ колѣ шыбитны пельпомѣ-яс вылысь, быгѣ колѣ ѳтпырысьѣн чапкыны. А то, коднымкѣ кѣ водзджык ѣѳткыштам, вермас сѣтшѣма жамкнитны, мый сюрса лыыд чегѣ...

— Раз! Два! Оп!..

И со нин мянѣс мучитысьыд ызмунѣ Сыктывлѣн сѣдз ваын, вошлѣ, бѣр быйкнитѣ да, долыдшырысь катласѣгтыр, мѣдѣдчѣ кывтны. Лѣсьыд ѳнѣ сылы, сѣтанапызьлы!..

Ми Ольѣшкѣд, дзикѣдз нывлѣдѣм чужѣмѣясѣс дѣрѣм подувьясѣн чышкалѣгтыр, пѣшти лѣгпырысь видзѣдам долыда кывтысь кер вылѣ.

— Федя, тадзинад вед гѣтѣ вѣрзѣдан... Вывлѣ бригадирѣс ковмас сѣсся мянлы бѣрѣыны, медводза лунсянысѣ...— мелѣ ныв гѣлѣс быттѣ мавтыштѣ лѣлѣс. И весѣг быттѣ пырысь-пыр жѣ босѣтѣ став мудзыштлѣмѣс... Сѣдзкѣ, эг тай весьшѣрѣ ме тѣльсы, кодкѣ видзѣдѣма на ме вылѣ... Ме бергѣдча и вочася Зиналѣн сѣдз синѣяскѣд, кодѣяс югѣялѣ-ны лысваасѣѣм лѣѣм тусѣяс моз.

— Кутшѣм нѣ ме мужик морт, эдатшѣм палчысь кѣ гѣг вѣрзяс!— збояла тадзи, а аслым любѣ, мый Зинаыс адззылѣма сѣѣкыд кер нѣбалѣмсѣ.

Мукѣд нывѣяс адззылѣмаѣсь и, гажаа горзѣны:

— Федя, энѣвтѣн тай нѣ мянѣс! Миян дѣнѣ лок...

Ме бѣр босѣта зор да чепѣсья на дѣнѣ, ѳтсала быглѣѣдлыны медкыз керѣясѣс. Нывѣяс дырѣшѣд, он и тѣдлы, кер улас пѣдѣджык зорыд сѣйсѣѣ... Пѣшти помѣдзыс, воропѣдзыс сѣян... Да сѣтшѣма нярснитан-лѣптыштан, мый весѣг ѣѣммылѣ керѣяс вѣчысьтѣмысла да сѣсся и чепѣсѣѣ гольгыны-котѣртны шылялѣм утѣяс вывтѣ. А тѣ ачыд котѣртан сы бѣрся да бара нин зурскан-сѣян зортѣ улас, ѳтнад сѣян шѣрвѣяс кымын, мед равновеснеыс эз вош... Гаижялысь нывѣяс весѣг оз и удитны инмѣдчывы кер дѣнѣдзыс... Сы вѣсна, мый тѣ дзикѣдз ышмѣмыд налѣн ошкыштѣмьс, налѣн шензѣѣмысь, аслад удаллунысь ышмѣмыд...

И Гѣрд Ольош, видзѣда, ѣна жѣ ыззѣѣма, оз жѣ жалит вынсѣ. Пикон тшѣтш и...

А вот ѳнча Микол абуджык на кодѣ. Сѣѣѣ зѣв пѣѣтикаѣн сѣѣыштавлѣ зор помѣѣ кер улас, быттѣ желѣ помѣн пинѣясас гудѣысьѣ. Да и оз дѣнланьыс, а кер ѣывланьыс век веськалѣ. Сы вѣсна мый оз медводзѣн уськѣдчы керѣяс дѣнѣ, мукѣдыс панѣвтѣны сѣѣс...

Интереснѣ... Мортыд кызди тыдовтѣчѣ, весѣг со танѣ... ѳти век медводз чепѣсѣѣ, медсѣѣкыдѣнас, век кер дѣнланьыс... А мѣд нюжмасьыштас, гыжѣясьыштас, и векджык ѣыв дѣнас веськалѣ... Мыйла тадзѣсѣ лѣѣ? Сѣтшѣм нин нѣѣжмыдѣс чужлѣмаѣсь али мый мукѣдыс? Али нарѣшнѣ мудерѣтѣны, мед не жугѣдны-чегны асьнысѣ?..

Есь синма Зина мукѣд нывѣяс серти частѣджык жѣ инмѣдчывлѣ ки-

нас керсö быгыльтигөн. И гажаа горöктышталö... Видзöда, кышыда уджавсьö сылы...

Бурмöдö сьёлөмөс и Крестинлөн уджыс — мужичöй моз сийö зорьялö да путкылялö керьяссö... Да и нылыс, буракö, миян серти, зоньяс серти, некодыс абу омöльдзык — со тай пельпомьясыс кутшöмөсь! — гöгрöсөсь и паськыдöсь, кушöдөм сойясыс ми вок серти кык пöв кызджыкөсь и... Вöв мам кодь пö — шубöны миян татшöм нывьяс йывсьыс... Ме төда: кызь вит арöса Крестинлы пöттöдзыс жö нин вичмис вөр уджыд. Тöвнас сийöс век медсьöкыдинас индöны — сöвтчысьөн, кер додыас сöвтны, сы вöсна мый мукöдыслөн оз судзсыс та вылö выныс. Артавны кө, кымын кер нин сийö лэптыштлис дас вит арөссяныс! Кымын дин зорьялис...

Час-мөдөн ми пурк-парквöчыштим кер чукөртö, ветымын кубометр-тö. Быттьö ыджыв вына төв ныр вузвысьлис да чышкыштлис... Не кө ми — сидзи и вермис вошны эськө тайö вöрыс: пес вылö таргайтисны, либö ронмунис-тшыкенис... Сидзкö, абу тай весьшөрö думыштлөмаөсь Моль Бөжтö!..

— Перекур! Купайтчам!..

Вермас-ö лоны таыс бурджык командаыс жар луннад? Да нöшта нин сэтшöма уджалөм-пöсялөм бöрад? Öдвакö...

Зоньяс водзвыв нин кульöмабсь дөрөмяссö. Нывьяс, яндысысыс-джык йöзыд, вешйöны увланыджык, миян синьясысыс ылöдзык.

И бузгысис менам бригадайи Сыктылö. Сэтшöм визув да ыркыд ваыс. Сэтшöм сөдз. Ньылөмтö мелиа мыськовтö. Сибдöм кырсьö вывсьыд и. Мудзөмтö и... Ок, лөсьыд! Сэтшöм лөсьыд... Муса Сыктылөй дай матушкайи! Вердысьöй дай юкталысьöй! Пальöдысьöй дай мыскалысьöй!.. Кутшöм бур ен со тэнö лөсьöдлөма-а? Миянлы радлун вылö. Миянлы шуд вылö... Кыдзи нö эськө тэтöгыс ми олим?..

А увланынджык — миянлы бура тыдалö! — лыадорса ляпкыдик поныд ваын куйлöны нывьяс. Быттьö еджыд черияс. Ыджыд черияс... Миянлыс синьясынымөс сира гезьясон моз кыскö налань... И том вирным миян пуö, мед көть Сыктывсö дзоньнас эз жö пузöд!..

Ок, томлун!..

Сэсся ми — ыркалөмабсь да ладинечьяс кодь сөстөмөсь — нурьясьыштим, кодлөн мый вöли сьöрсьыс...

А луныс гажа, лөз енажсянь миянөс пöжö июнь помса шондi, войыв мулөн дона шондi, кодi абу вывтисö пöсь, буретша пöсь... Истаньяс, лэчыда чипсiгтыр, тирöдöны-котралöны мөдарса лыа вывти, данк ва бердöдыс. Матын мыйыськө яра видчö сырчик, буракö, поз вöснаыс тöждысьö. Сьöд джыджьяс шытöг чивкьялöны юр весьтаным, ньöв моз качöдчыласны зэв ылөдз, сэсся тювгысьеласны-пыравласны кыркөтшö сизьдөм пемыд розьясö... Веж туруна видз вылын чиркөс-тюргö-чипсö, лэбалö-чеччалö гут и гаг... Став ловья ловыслы нимкодь да долыд югыд шондi-ыс. Да вöльной светыслөн сөстөмлуныс. Да сөдз Сыктывлөн ыркыдысь...

Ок, кутшöм лөсьыд овны!

Да и мый нö миянлы погсьынысö да повнысö, көть эськө и колö лэччöдны моль бөж карөдз, кумисö кызь вит километр?! Да көть-витсёс лэччöдам! Көть тысячаөс... Лэччöдам!.. Том йöзыд... Ми öд öни абу вийöриник зырымбедьяс, кутшöмөн вöвлим нелямын кыкөд, нелямын коймөд воясын. Öни öд нелямын квайтöд во нин! Быдмыштим ми, вынтор лонс сөнъясын, быдпөлөс сямлунным содис... Со тай мый öдийö чашнитим кер чукөрсö, ёна тшöктөмьяс эз ковны... Гөжөмбыднад кызкө-мыйкө воам, гажтөм оз босьт ни. Ставөн öткодьсь, ныв и зон... Видыс-ньөрьялыс некод абу, начальникьясыс öтар...

— Ноко, босьтламöй багырьясөс и — водзö! Пикон да Öльöш, пыжö пуксьöй, ти медсьöсьсö!.. — нимкодь мем командуйтны бура уджыштөм да ыркөдчөм-купайтчөм бöрын. Быд косөм кер ваö лэдзам, мед кывтö, мед

лэччө кардорса запаньё, и сәни пуръялёны сийёс... Немся кер огё кольёй ва вылё ни видз вылё, тыё ни куръяё, ставё кылёдам! Оз позь кольны сисьмём вылё, пучейясы сам вылё татшём добрасё. Оз позь, мед локтан ытва нуис дона керъяссё кытчөкө Белой морёй...

Быд кер өнi сулалё зарни дон. Быд кер — няньысь коланаджык...

Сидзкө, водзё, водзё, муса другъяс да пöдругаяс! Да вайё сьылыш-тамой мунигмозным, татi тай, кыркөтшөдыс, этша сибдём керйыс. Зина, горөдлы!

А сылы мөдысь тшөктём оз и ков: вильыша крукыштіс менё сой пөлөд, топөдчыштіс — ёмайд оз и яндысь! — да и мөдіс ливкйөдлыны:

Веж видз вьвті муна-муна,  
Мича дзоридз сәни уна,  
Зарни дзоридз вьвті уна.  
Меным гажа, сыла-йөкта,  
Мича дзоридз водзё өкта,  
Зарни дзоридз өдйө өкта,  
Муса зонлы юркытш кыа.  
Гортысь пета — рытъя кыа,  
Гортө локта — асья кыа...

Шойччан-узяниё ми воим сёрөн рытнас, час өкмыс гөгөр, кытчөдз эгө весалөй берегыяссё Лөпырдінөдз, эг и дугдөй. Мудзөсь, гажаөсь воим. Торйөн нин гажым, кор пондіс кывны би вылын пөжсьысь роклөн ловтө гильдөдысь-мавтыштысь көрыс.

А со и кухняным, сийө өнi медся муса мянлы!.. Кузь кондаясысь зэлыда пуръялём плитка вылын, вевт улын, ыджыд артельной пөртъясын руасыёны яя шыд — дук сертыс төдчө, мый яя, мянөс он ылөдлы! — ид шыдөса рок да чай... Да нөшта шуисны мянлы, мый сетасы спирт, фронт вылын моз — 100 граммөн быдөн вылё. Тадзинад кө, мый не овны!.. Татшём сёян-юаннад мыйта колө позьө някравны керъястө!

Шуйга бересаяс таиөсь жө нин и — мян кодь жө бригада, унакодь йөз чукөрмис. Мастеръяс пондісны юклыны спирт...

Нывъяс яндысьёны, чиктылёны, повзём синъясөн видзөдөны мастер кыин мерка вылё... Сюзь Васькой меным кыстыс жө дрөб тусьөн дөмөм кружкаө, быдторөй нин төдлыс кружкаө, мыйта нин юёма сэгысь. И ме, кызд төвийём гут нин, сортөг и лөсышті, көть эськө и спиртыс тайө вөлі сiм рөма да карасин дука. Бөрсяныс сөмын ва кылөді, мед карасин дуксө голя розысь пожйыштны. А сәся эг и казавлы, кызди нюмыль-нямылькери асёвым шыдөс да рокөс...

Водём водзылын, мед, буракө, мянлы чөскыджыка узьспс, моль бөжса начальник Феофан Семенович Вурдов висьталіс речь. Сийө, тыдалө, лунтыр дасьтысьөма мян олөмын тайө историческөй здукыс кежлө — весиг пес вылё пөрөдлөм кондалысь дінсө кольөдөма, зэв кыз чурка, мед сы вылё сувтны, трибуна-вылё моз, да ставнымөс аддзыны, дерт, тшөтш мед и аслыс тыдавын...

Кавшасис сийө чурка вылад, стрөг синъясөн кытшөвтөдіс мянөс, а ми быдөн неуна гажмыштөмаөсь — лунтыртө пессьём бөрад прамөя мөрччис спиртыс...

Видзөда ме Вурдов вылё, и меным сийө друг пондыліс кажитчыны тури кодьөн... Тулыснас ме аддзылі турияссө Ыбын дорысь. Найө вөлі пуксьөмаөсь васөд шутьём помө шойччыштны, Войвывлань кузятө лэбигөн, буракө, мудзөмаөсь да. Ми буретш вөлі кывтам пыжөн муртса на вөсьсөм Ыбынөд и зэв матөдз верним сибөдчыны на дінө... Жмотйөдлөны-ветлөдлөны кузь кокьяс выланьыс, мыйкө кокалөны. А өти, медыджыдыс, гашкө и Феофан Семенович моз жө вожакыс, чатөртөма юрсө да дзоръялө отарө-мөдарө, кывзысьө. Голяыс быттьө суслөн ёсь чурвидзө,

код вылө абу пысалөмаоёс вылыс кольтасо, а кокъясыс — загреки! — таг бөдь кодьоёс, кузьоёс да вөсньюдөс, кызд-мый и кутоны ыджыд топыд тушасо...

Чурка вылын сулалыс да отарө-модарө дзөръялыс Вурдов өни меным буретш тайö тури кодысөн и кажитчис. Векни, омөля и төдчыс тшөкалы юрыс сылөн төдлытөг вуджө вөли кузь голяо, а голяыс — тшуподасьлытөг жö — зөв крута лэчыс пельомъясö. А сэсся — дзик нин виччысьтөг! — жебиник морөс улас джаджъясьö гөгрөс кынөм, кодөс мыджоны кузь да вөсни кокъяс. Но тури, тури и эм!..

— Тэварисси! — швычөка горөдис Феофан Семенович, веськыд кинас өвтыштгмоз. Сэсся чатөртис юрсö, синъясö мыйлакө веськөдис вөр-пу йывлань да, сёрнитгчөжыс, омөля сэсся и лэдзлис. — Тэварисси! Ме көсъя сувтöдны тиян водзö ответственной мог. Мед тi быдөн төднныд, и медь быдөнлы йиджис вемөдзюд... Миянлы колö вайöдны карөдз хвостө-вөй караванка! Моль бөж... Вайöдны, понимаете ли, кынмавтөдз, мед немся кер эз коль Сыктылө!.. Ковмас ёна элөдлыны сөнъястө, ужжавны синмысь би петмөн. Мыйла? Да сы вөсна, мый берегъясын косьмөма да куйлө эз-эв уна вөр. Ме тайөс, понимаете ли, веськыда висьтала тиянлы... Тувсов ваыс таво вөли ыжжыд, уна вөр нөбалөма бунтясыс да пыртөма курья йывъясьö да видзяс вылө. Обоновка абу. Дистанционеръяс — абу-оёс... Став надеыс — миян вылө. Миян кырымъяс да пельомъяс вылө. И, понимаете ли, миян героизм вылө!.. — горөдис Феофан Семенович да весиг кучкис морөсас. — Но тi томөс, ужжавны верманныд. Тi, понимаете ли, коми вөралысьяслөн да пөрөдчысьяслөн шиян, а абу куссьөмкө интиклюшкаяс... Бура кө кутанныд ужжавны, ме понда вердны тиянөс пөттөдзюд. И быд лун сетны спирт! Понимаете ли, быд мортлы... А кысь тi тасбөмсö аддзылнныд колхозьясьюд?.. Öни, дерт, тi эсөйөнөс на. Но вочасны, лэччигмоз, быд сиктыс пондасы воны содтөд йөз. Мыйтаөн кө содасы и постояннөй кадрөвкъяс... Сэсся — Вильвадорын дасьтөма тиянлы плашкаут. Дерт, абу двореч, но век нин юр сюяниң, узьлыны понданныд вевт улын, зэрысь да мый да видзас. И ломгыны өни оз ков — шоныд, да и, ныла-зонмаыдлы, көдзюд дырйи пач оз ков! — вөр-пу йылысь синсö лэдзигмоз шмонитыштис Феофан Семенович. — Кызди ми пондам ужжавны? Понимаете ли, миянлы колö топöдны суткис! Да, топöдны, оз кө позь сийөс нюжөдны... Öкмыс час ужжалам, öкмысөс — шойччам... Сэсся бара ужжалам... Войяс өни югыдөс — көть юрын корсьыс, позьö и войын ужжавны. И нишөмла пустöя лотны дона кадсö!..

«Карасиньд» жөвгыштис меным юрö и ме гажапырысь кывзи чурка вылын сулалысь начальникөс, торйөн нин сы вөсна, мый мортыд неуна пыскылытыштис да кызкө быттьö и артистальыштис чурка вылас. Но кор сийö шуис, кызди көсийö «топöдны» суткис, ме чуймышти. И юали:

— Тадзинад огö ми дзикөдз вошö төлк вывесьыс? Луныс и войыс өтчукөрö гудыртчас да?..

— Аддзөма тай, мыйысь повны! — шынъмунис та вылө начальник. — Мудзтөдзюд ужжалин, воин — спирт юин, жубритин-сөйин кынөм кучик элавтөдзюд, и — узь... Чөскыда узин, а сэсся көть лун көть вой... Öкмыс час ужжалин и — шабаш!.. Миян абу правөыс кадсö весьшөрö сөйны!.. Да и не тэнö велөднысö, Мелёкин! — Феофан Семенович, буракö, скөрмис ме вылө, кинас чорыджыка өвтыштис, весиг коксö лэптис, буракö, қөсийс зымкнитны, но эз артмы сылөн зымкнитөмыс, сы вөсна мый чуркаыс неуна векныдджык та вылө, лэптөм кокыс сынөдас веськалис, мортыд чуть эз усь, и быть лоп чеччыштны сылы ылөдчыс трибуна вывесьюд. — Ставыс сэсся, тэварисси, рразойдис! — помалис речө Феофан Семенович му вылын нин.

Миян ичөтик мастерным, Сюзь Васькой, — өни сийö вывтиджык гажа, буракö, карасинсö юклгөн унджык исавсьөма мортыдлөн, — водзыв дасьтөма вой кежлө пес, ноддя лөсьөдөма: өти краж вылын мөд краж куйлө,

мед оз усь вылісаыс, помъясёдыс тувъясён топёдёма, — и на костын небыдика шлонгыштё кузь би, отарас и мёдарас сетё шоныдсё, войбыд шон-тас тадзинад... И вольпасьным дась жё нин — ныв пу лапьяс, небыдось, би дорад шоналёмьсь торйён нин мырд сир кёраось...

Водалім ми ноддядорса чёскыд дука вольпась вылө — отарас нывьяс, мёдарас зоньяс. Но, буракё, пырысь-пыртё некодлөн на оз уновмессы, коть и мудзёмаось. А гашкё, карасин дука спиртыс ыззьёдө? Али югыд войыс? А гашкё, ныла-зонмалён том сьёлёмьясыс, мед коть и би вомён, кызкё кылёны ота-мёдныслыс тпкёмсё да таыс оз вермыны лөнъ-тёдчыны?..

Чиктылёны, шмонитёны...

— Вай, бурджык, гозйён-гозйён водалам, ныв да зон, — вөзйё вильыш Зина. — Сэки лададжык лоё, ёдйёдджык уновмям.

— А кыс на пё и тёдан, кодкөд колё гозйёдчынысё, — падъялө ноддя мёдарыс Гөрд Олёш. — Ме, шуам, гашкё, тэкөд кёсья куйлыштны, а тэ талун лунтыр мөд динь ниртчан.

— Гөрдды пё сьёдыдкөд оз лёсяв, — окотапырысь лөдсалё Зина. — Налён пё весиг и челядыс сераёсь чужёны...

Виччысьыштис йёзыслыс сералёмсё да содтис:

— Ме вот эськөн Пиконкөд кургышти... А, Пикон, кёсьян он мекөд?

Пикон чөв олө, быттё узыё. Но ме кыла — орчён өд куйлам — оз узы. Буракё, Зиналөн кывьясыс весёпөртисны морттё, да яндысьё, оз төд, мый вочавидзны. Ме казялі нин, нывьяссыд сійё зэв ёна яндысьё, ме дорысь на ёнджыка. Зина, дерт, пырысь-пыр казяліс тайёс, сідзкө, колё чайтны, Пиконлы дөнзыштас моль бёжад...

— Да кутшөм нө ті пара? — тпөттш ышмалё Олёш. — Тэ өд сылы, Зина, и гөгйөдзыс он ло... Сы динё, буди, Крестинёс водтөдны-а... А, Крестин?..

Мөдыс оз жё шыась вочасё.

— А ме эськё Пикон дінад капыи моз куткыртчи, да и курги, да и курги, — оз өвсы Зина. — Воча чой тай нө, Анна, мейсь на пчөт, а мужикыс, Трөш Педөр — адөй, адөй! — Пиконысь на кузьджык, и олісны пыч ни рач, кытчөдз Педөрыс война вылын эз усь... Вёськыда кё шуны, тершка жё эськө налөн артылөма да... Первойысьсё пө отлаын водім кенка джоджө, — висьтавліс Аннаыс, — куйлам пө, а сәсся пө и жуалі ме: «Педөр, а көнөсь нө эськё тәнад кокьясыд?» «А, шуё мөдыс, көнкө пө пач водзад...» А пач водзөдзыс, код төдас, мый ыла вөлөма...

— А мый сераланнды? — вильшасьё Зина. — Челядыс тай кыськө вөліны жө-а... Йөзыс моз жё чужёны вөлі...

Миян узянінсянь, ноддя дорсянь бура тыдалө, кызди алөй кыаён өзйө Сыктыв сайса парма, ыджыд гөрд шонді ньөжйөнникөн вөйө сэтчө. Небыдика сялөдчыштө Сыктыв. Ва веркөсө чеччыштылыс чери корсюрө тельснитчас. Водём водзвылас гораа чуксасьёны кайяс.

Көнкө матын шыасис көк: «кук-ку, кук-ку...»

— Ок вед матушкалөн гөлөсы! — пырысь-пыр жё сьёлём сетіс Зина да воча чукөстчис: — Көкөй, көкөй, висьтав меным: кымын во ме ола, кымын шаньга сёя?

И гөгөрвоысь көк, мед бурмөдны Зинаёс, зэв дыр көкис сылы. Дерт, и мияны тпөттш — өд Зиналөн кодь жуалёмсё, буракё, быдөн сетіс сылы. Сы вёсна, мый быд морт вөлі кутшөмакө шызыштөма... Кузь туйө петөмысь. Водзын лоан сьөкыд уджысь. Муртса на саялём горт йылысь думьясысь...

Дыр көкис мелі көк. Кодөскө нимкодьмөдіс, кодлыкө надея сетіс, а кодлыкө, гашкө и, соріс...

Ме со, ачым, бара жө тай вөрзи шоныдінысь да велалөминнысь. Буракё, енмыс сәтшөм нин лов сетлөма меным: ыпнитас сійө мыйыськө, и

некыз он вермы кусодны — сотчө и сотчө, тшөктө сы ногөн мыйкө вөчны, либб чуксалө кытчөкө...

Таво тулыс, буракө, турьясө аддылөм бөрын, выльыс и ыпнитис долөй. Кор кыпөдчисны найө, нюжөдчисны пельөса кык гезиө да пондисны шывгыны сөдз енэжөдыс Войвывлань. Видзөда ме на вылө гажтөмчыс синьясөн, и быттьө тшөтш окота кытчөкө лэбны...

Гашкө, сы вөсна окота вөли лэбнысө, мый төвсө эз Ыбынын, а мөд участокын ковмис мастеравны? Бара выль йөзкөд... И сэтшөм гажтөм вөли гортыс... Ыбыныс гажтөм... Од сәни Шура Рубакин... Сәни жө и Дина...

Быд ногыс вида вөли ачымөс: мися, пукав велалөминас да шоныдinas! Эз өмөй пөттөдзыд нин дөнзы тәныд вөвьясла ветягөн?..

А колө шуны, мый Литваись вөвьясө вайөдөм бөрын ме төлыс чөж тупляси больничавын, лудөм висьөмыс лечитисны. Мавтасны лөк дука мазбөн синьясян да кок гыжьясөдз и жуывидза нильөг налим муз. Ок и зывөк! Ок и öзйө-лудө лөмөсбөм кубй!.. А сәся, больничавыс петөм бөрын, мыйта на жарити ачымөс пөсь корөсбөн...

Көтэ тэ мый эн шу, а дөнзыштитисны мянлы сийө вөвьясыд! Россия пасьталатө гөнитигөн да лөтиктигөн... Гөртөдз джынйис сөмын и воис, и то ставыс мерлина кодьөс, куш лыыс да кучкыс. Медьөньясыс, Геркулес кодьяс, ставөн пөрисны кузь туй вылын... Дөрт, пондисны юасыны мянлыс, кытчө пө воштинныд мукөдсө?.. Карын вөлөма суд. Колоннаса начальникөс, Сметанинөс, уна во кежлө пуксөдөмаөс тюрмаө. Тшөтш и отсасысө сылыс пуксөдөмаөс, Ювеналий Лихачевөс. Миян леспромхозьян лэччылөма сэтчө Мирон Миронэч, но сылы немтор эз лө. Гашкө, записной книжкакыс отсалис? Кытчө сийө туй чөжкыс век мыйкө пасьялис...

Кор ме муні директор динө дзикөдз вылө вөзйысыны леспромхозыс, Иван Петрович чуймыштитис, сәся дыр да быд ногыс сөрнитис мөкөд:

— Мый тәкөд лөи, Мелехин, өбидитисны али мый? Ме тай быттьө, думыс, век бур ногөн зили... Мися, писькөс зонмыс, вежөра, колө кызкө-мыйкө лөсяланаджык туй вылө чуйдөдны сийөс.

— Некод менө эз өбидит, Иван Петрович... — меным яндзим и сьөкыд тадасө сөрнитны директоркөд. — А тиянөс ме век бурөн понда казътивны, олгичөж...

— А ме көсийли мөдөдны тәиө начальникьяслөн курсьяс вылө. Сәся и водзө на позис велөдчыны, ачыд зьскө регыд директорөн вермин лоны.

— Кыс нин ме помыс... — водзсая ме, ог көсийи кывзыны бур велөдөмсө. — Да и мыйкө оз кыскы менө татшөмторьяс вылад... Буракө, не меным вылө лөсөдлөмаөс татшөм чиньясө...

Меным окота вөли висьтавыны, мый, дась том на, көсъя унджык вынэбөс чөжны, черөн да багырөн, гөрөн да косаөн өнджыка пессыны, ачымөс быд ногыс калитны-өжыгайтны, мед татшөм ногөннас Армия кежлө бурджыка дасьтысыны... А Армия вылас жө ме, ас кежамыс, ыджыд надея куті. Водзө олөм вылө зэв ыджыд надея!..

— А мем чайтсө — лөка тэ вөчан, мый мунан мянаныс, — век на өлөдө Иван Петрович. — Бөртинас он-ө кут каитчыны?

— Гашкө и кута... Но өни сьөлөмөй мыйкө эз понды шонавны тани... Гажтөм босьтис... Гортыс... Вокьясыс... Лэдзөй менө бурөн. Гортын олышта... Пуктыся да мый да... Колхозын уджышта... А сәся, буракө, моль бөжөн лэчча карөдз... Төв кежлас кая пөрөдчыны... А сәся и Армияө мунан кад воас...

— Но ладнө, ов, кыззи кужан, — медбөрын өвтыштитис кузь кинас Иван Петрович. — Öни тэ абу нин ичөт...

А гөртө воөм бөрын тьоткаяс пондылисны менө гөтравны. Ничево пө, регыд дас сизим арөс нин тәныд лө; енкөд, нюжалыштөмыд нин и... Не-

вестапу нин бөрйөмаось — орчча сиктысь абача кодь ыджыд да ён нылос. Тайо пö тиянлы став гортгөгөр уджтö изас-муркөдас, вердас и пасьтöдас ставнытö, да и багатыр кодь челядьöс чужтас... И ме, веськыда кө шуны, пондыл нин небзыны водзö лоана татшöм шудсьыс: мися, гөтрасьны кө и гөтрасьны! Батьö пö тай, шуоны, дас көкъямысён жö гөтрасьлөма.

Вöскресенье асылö тьоткакөд көйысим лэчыны корасьны ныв ор-дас. А сэнй пö виччусьöны жö нин миянös, весиг самöкур вийöдöмаось...

А сэтшöма пола ме муннысö сэтчö, сэтшöма пола!.. И немьсь-нем-тор ог тöд, мый ме понда вöчны сэнй, кызди кута невестаыслысь кисö корны...

И сэки ми, куим вок, вöчим «Военной Совет». Ставсö гөгөрбоксянь донъялим да öтвылысь чорыда шум:

— Гөтрасьны огö кутöй!!

И водз асывсьянь батылөн важ пыжөн катим Сыктив кузя вуграсьны да купайтчыны. Гортö эгö волöй мөд асылöдзыс. Тьоткаыд корсьяс да корсьяс менö, но некытысь оз адзы. Сэсся и ыджыда сьöлыштас татшöм жöникыд вылö...

Буракö, багатыр-пиянтөг нин меным шуöма овны...

Но сы пыдди ме — вöльнöй чыкыш, лэба со, кытчö колö... Да и кыз эскö ме олй сийö нылыскөд, йöзөн бөрйöмаыскөд, кор менам век думайтсьö мөд йылысь?..

Митяös мөдöдй карö велöдчыны, десятникъяслөн курс вылö. Ачыс жö нин мөдöдчис писькөдны олан туйсö... Гортын Шурик кольччис. Ок и молодец жö миян Шурикным! Мамöс быттö вежис сийö, ставсö горт гөгөрнй вöчö — начтö лөмтö и йөрнымös оз эндö, велöдчö бура и колхозын уджыштны удитö...

А куслытöм кыаён югзьöдöм мөдлапöлын век на көкө көк, мича гөлоснас век на лыдбөдлö миянлы, кымын во ми олам, кымын шаньга сёям...

### 3

— Ки-ку-рул-лю-у!..

Асья унзильён ойбырасьысь вөр-ваын петуклөн лэчыда горөдöмыс вöлй сэтшöм виччусьтöмөн, мый ми пырысь-пыр жö садьмин, ырсмуним-чеччим. Синъясös тилигтыр ме пукси ныв ланъяс вылö, чуймөмөн чат-рася: кытысь, мися, петукыс воис татчö?

Видзöда, кыз чурка вылын, код вывсьянь тöрыт моль бөжса начальник висьталис асьыс исторической речсö, сулалö мастер, Сюзь Васькой, да шпынялö пож пыдös кодь рожка пасьталанас. Со сийö сувтис öти көк йылас, петук моз көйгөдчис, тешкодя лöсьöдис кыз льöбьяса вомсö да бара на горөдис:

— Ки-ку-рул-лю-у!..

Но, сötанапызьыд!.. Мужик морт, гөгөрвоысь морт, а со кызди челядьясьö, еммыс тай сетис жö миянлы мастерös...

— Мый нö водза-водз чуксасян сэнй, бур йöзыслы узьны он сет?— юасьö Зина.

— Падь-ём!— воча кыв пыдди морт моз нин горөдис мастер.— Эн öмöй кывлöй, мый начальникыд тöрыт шуис: öкмыс час узям — öкмысös уджалам! Рок пуöма, чай заваритöма, вай нурьясьыштöй и — на плечо!..

А кадис час квайт гөгөр. Югьд, мича асыв. Мирьс важөн нин садьмөма, миянлы, и збылысь, тырмас жö нюжмасьнысö... Шондй со вовсю нин уджалö вөр весьтын, шонтö-югдöдö вöльнöй светсö. Кайяс жбырьялöны, сөстöма сьылöны да, буракö, новлöны асланыс посни шиянлы сёян. Видз вылын лыеваөн юкталöм дзоридзьяс кыпöдöны мича юръяснысö...

Сидзкö и миянлы колö жö босьтчыны уджö...

Тöрыгтя песьсöмысь доймыштö лы-сьöмöй. Но нинöм, тайötö — нинöм, первойысьтö босьтчöм бөрнй век сидзи овлö. Лөгыштам неуна, шо-

налас вир-яйёй, вёрса сынёдён шойччөдөм-сөстөммөдөм вирёй мыськов-  
тас сөнъясө, и небязя на личөдас быдлати...

А сёйны бара нин окота, көть и водз асыв. Война чөжнад сэтшөма  
тшыгъялим ми, мый көть кор ог пуксьёй пызан сайё, пиньясным век да-  
сьөсь. Көть вой шөрүн...

Ид шыдөса, порсь тшөгөн төпитөм чөскыдысь-чөскыд рок паиялөм  
бөрын мастер шуис меным:

— Федя, бөсьт морт дасөс, сюсьджык зонъясөс, да веськыда резышт  
Грива улөдз. Сәні шөр лыа эм...

— Төда...

— Сэтчө ыджыккодь затор зэвтөма, разведкаө ветли да аддзыли. Па-  
жын босьтөй сьорсьыд... Ми, гашкө, и лунтырнас огө и удитөй воёдчыны  
сэтчөдз... Бур эськө вөли, ти кө дзоньнас верминный разьны заторсө, мед  
не кольны вой кежлас. Либө көть нин визув вывсө писькөдны... Он кө —  
бөр сымда вермас чукөрмыны, керйыс зэв уна сулалө берег дорьясас.  
А ваыд таво, ачыд аддзан, ыджыд на, топыда на суйө... Верманыйд кө  
косянысө, бара аккорднөя мынтыся, и кык пөвста спирт быдөнны лоас.

— Вермам — не вермам, а видлам, — шуа мастерлы, — ог өд төд,  
зумыда-ө суйөма сэтчө вөрсө...

— А мянбөс нө сәся код вылө колянныд? Отваннымөс? — чужөмсө  
лөсьөдлөмөн кайтыштіс быдлаө судзчысь Зина. — Төрытъя моз кө вед көв-  
мас новлыны да быгльөдлыны керьясөс, ныр вылө зультысьтөдз лө  
мянлы.

— Ничево, он на зультысь, — воча гөгьяліс мастер да весиг тапни-  
тіс Зиналысь гөгрөс бексө. — Лешачикалөн ёна на вильыд бөжыд... Бур-  
джык шу, мый кодьясыськө гажтөм лөб.

— А мый? И гажтөм тшөтш! Кор нө ми воклы эз вөв гажтөм со  
эатшөм молодечьясьсыс? — Зина довкнитіс юрнас Пиконлань. А мөдыс  
лудік моз польтчис-гөрдөдіс.

Тайө ёмаыд, буракө, дзикөдз матөвоштас кодсюрөс. Кыв вужсө сы-  
лысь өтарө быттө гильөдөны, оз вермы чөв овны. Да өд и век кыськө  
сюрөны лэчыдджык да сатөкджык кывьяс! Сәся, шунгас, синсө и чу-  
жөмсө сідзи лөсьөдлас, мый шмонитөмыс нөшта на мөрччанаджыкөн лөб.

Кор ми, зон чукөр, веськыдалөмъясөн час-мөд кырсьыштөм бөрын,  
воим затор діно, ёна и чуйым: сымда тани сибдөма вөрые! Гашкө, кило-  
метр кузьята запань лөма. Сыктыв пасьталаыс... Со тэныд и моль бөж!..

И өд ён визув вылас прамөя топөдөма-зваркөдөма. Дерт, кымын  
унджык чукөрмө, сымын ёнджыка жмитө.

— Позис жө татшөминас көть бона ли мый ли нюжөдны, — муркни-  
тіс весиг пырджык чөв одысь Пикон.

— А бур, мый эз сувтөдны! — чиктылө Гөрд Ольөш. Сылы, ме төда,  
медтыкө тіркьявны вавыв керьяс кузья. — Көсялам!.. Мый понда сибдөма,  
бурджыка видзөдлам да.

— Чайтан, сразу мунас? — эскытөма дзөръялө Ёнча Микол.

— Дыш да горш! — сералө Ольөш. — Тэныд эськө век өтчыдысьөн  
ставсө курыштыны. Кыдзи нө та мындаыс вермас муны өтчыдысьнас?..

Сыктылыс таті буретш ёна чукыльтө, вылітіыс төдчымөн векньыд-  
джык, визувджык, чегянінас выныс швачкө кыркөтшө, кырөдө-паськөдө  
сәті, а мөдарланыс пуктө лыасө, кузькодь ді со шөрас шыльквидзө. Көн-  
кө, төла дырий нөббөдіс сәтчө вөрсө, а сәся и — панөминад — визулыс  
вочасөн кыис-тэчис ю пасьталаыс.

Төдса меным тайө местаыс! Кык во сайын, ытва дырий, ді вылас  
пукаліс аслас кыз лу пурйөн Ёнча Микол. Оні на быттө адза, кутшөм  
синьясөн сийө видзөдіс, кор ме кывті орчөн. Ме сәки эг чепась Микол-  
лань, и бөртинас ачым аслым кажитчи му вылас медся пеж мортнас.

— Микол, со кутшөм вөлөма тэнад дьыд... Эн на вунөд?

Миколлөн сьөд синьясыс быттө руасыштылөны:

— Кысь нō вунас, сутки чōж тані дйтшвидзи да...

→ Сэся кызкō мынтōдчин жō?

— Хы, мынтōдчи... Сōлсем косьмыны пондī... Со тай, шōр лываыс мый джуджта вōлōма, сэки эз тыдал-а... Пукала отнам, и сэтшōм забеднō, кōть эся кōин моз омляв. Мукōдыс тэ дінōд шывгōны, а тэ злыдни моз отнад пысасьōмыд...

— Уна жō и босьтōмыд вōлі кызд плиткасō да, — казътышта ме.

— Ме чайтī — ыджыд ваыс лючки да ладнō кылōдас, кōть и пыдына пукаліс пурьс. А со тай — кылōдіс... Шудыд вылō, оти зонка матōджык сибаліс, мешōкōс кватитī да и чеччыштī ваас, кавшаси сылōн пур вылō... Микол курыда ышловзис.— Гривасянь колмис подōн бōр гортō руныгыны...

— Эн горшась дай! — сералō Өльōш.— Енмыс од аддзō, быд ногыс велōдō горшасьсысястō.

Шыр, помнита, тадзи кымын жō шуліс. Сэки мы сыкōд, Шырыскōд, лючки да ладнō кылōдīm асьыным пурьясынымōс карōдз, морт вылō квайтсē шайтōн сьōм сетлісны мянлы, вель уна сēян-юан. Арнас Шырōс нуисны война вылō, и мортыд чашнитчōма минаōн война помасян луньясас нин. Этша и воюйтōма. Вōліс да эз ло...

А ми со век на ловьясь. Бара нин лэччōдам вōр Сыктыв кузя. Со тай мый кузья залом мян водзын...

Юксим кык пельō: отияс, Пикон веськōдлōм улын, пондасны чепсасьны берегладорсянь, а мукōдыс, мекōд, діланьясь...

Интереснō тірксēдны личыдінника сулалысь керьяс вывтī ю вомōныд. Кызкō зэв кыпыда асьтō кылан сэки. Керьяс костō, джуджыдіннад, тшпкысьны абу окота — верман доймыны, не нин сērнитны кōтасьōм йылысь. Да и йōз водзас яндзим мōс мозыд таджликтыны...

Киад багыр, став сōныд зэвтōм пружина кодъ... Видзōдлан водзō, вит-ō-квaйт воськов сайысь бōрьян кызджык кер, либō конда, кодī эськō бурджыка лэштīs тэнō, — и сяркōдан-котōртан сэтчōдз. Кокьясыд муртса и инмōдчыштлōны посниджык керьяс вылō, кодьяс сōмын неуна довкнитчыштлōны, оз и удитны вōйлыны, кōть эськō, дырджык кежлō кō быттьō тувччан, татшōм керыс ва пыдōсōдзыс дзумгыясэ тэ улын...

Котōртан кыз кер вылōдз, вуджōдан ловтō, видзōдлан, кызди ёртьясыд — быдōн аслас туйōд — ызōдчōны-вуджōны, и бара бōрьян водзсьыд туянаджык кер...

Медводзōн лыадорса сибдōм керьяс вылōдз котōртис Гōрд Өльōш. Сюсь дяволыд, гōрд ур кодъ и эм... Ме ачымōс ог жō мōмōтōн лыдды, но сы мō тіркьявны плавьялысь керьяс вылад ог вермы...

А Микол со ю шōрас на, буракō, водзвыв абу артыштōма зумьджык сувтанін — вомōналōма багырсō да, черань моз, кинас и кокнас шашаритчōма багыр вылас да посни керьяс вылō.

— Микол, тэ вай по-пластунски кысьсы, сэки онджык вōй! — горзō Өльōш.

И мукōдыс гажаа велōдōны. Лōсьыд мянлы кывны асьыным пельлуннымōс...

Затор помесьс — мянладорсянь и мōдарсяньыс — колō нетшкыны мый позьō кузьджык да тшōгджык тувьяс. Но колō чуктōдны сэтшōм ногōн, медым эськō буретш восьсōм костьясас визулыс чепōстīs заломысь нырсō, мед вōрзис сийō, а сэся и кузьджыка лэччис-кывтīs.

А он кō артышт визулыслысь визьсō, он кō босьт отсōг вылō сылысь вынсō, помтōг ковмас нетшкысьны танī.

Өльōшкōд индīm ыджыдкодъ тув, отарсянь и мōдарсянь кыбим сийōс багыръясōн.

— Раз-два, взяли! Еще раз, взяли!

— Вōрзис... Но давай! Эн личōдōй!..

Горзам, ышōдам ота-мōднымōс быдсяма кывьяснас. Долыд, мый сы

ыджта тув чуктис. Горзам-йоткам, отсалам юыслы, и сийо, буракo, кoйсio жo отсавны мянлы, пессo-муткырасo керьяс улын.

— Федя, видзoд, ми нин кывтам!— горзo Oльoш. Ми и збыльыс кывтам. Дзуртoны да гoльoдчoны тoпoдoминыс разалыс керьяс.

— Давай, давай, эн личoдoй багырьястo!..— ми ружтам, ми мый выныс йоткам вoрзoм «змейсo», мед нин кузджыка кыссяс... Но регыдoн сийo пoндo ёнджыка дзуртны, ньoжмo и ньoжмo, сeсся и дзикoдз бoр сувтo.

Дзескыд сылы юыслoн вoргаын...

— Микол, сe муса друг! Oмoля тай йоткасин!— гажaa горзo Oльoш. Ачыс сийo дзикoдз пoсьялoма, ситеч дoрoмыс лясoма яй бердас, гoрд кудриясыс кымoсeс сибдoмаoсь.— Тадзинад oд мянлы не аддзавны содтoд спирттo...

— Бурoн он на мын тайo пеж местасыс,— вoча кашкo Микол.— Войдoр во мучитчи, и бара на со лoб... Эг вед кoсйы лeчкыны моль бoжнас, да бара на со мунсис...

— Сoр вай! «Эг кoсйы...» Кoни деньга дук кылo, сeтчo тe век мед-водзoн уськoдчан.

Ми бытшиoдлам тадзи oта-мoднымoс, но абу нин сeтшoм дзугыльoсь — oд вель ыджыд тув чуктoдiм, со тай, кывтo...

Сeсся ми перьялам выль тувьяс, лeшак вынoн зваркнитoм тувьяс. Ми йоткам, йоткам, йоткам... Багыр вoрoпяс нyoгылтчытoдз. Вир сoнъяс былявтoдз... Кыдзи сoмын ми oгo бoсьтчылoй йоткынысo! И бoксяныс багыр вылад дзикoдз oшoдчылoмoн. И багыр пoмтo мoрoспань улад тшукoдoмoн. И нyoжoдoм сoйяс вылад сийoс лeдзoмoн... Ми кашкам, ружтам, сoткам-горзам, ми быд ногыс ышoдам oта-мoднымoс, и залoмсo тшoтш, быттo сийo лoвья лoв, быттo сийo кер дoд кыкыс вoв, кодi, чoрыд кывиoн дoжнавтoг, оз лeдз ассыс став вынoсo...

Ми ырштылым кoкни coсявны залoмсo, но сийo некыдз эз кoсйы сетчыны мянлы. Сийo быттo шырoн-кaньoн вoрсic мянкoд: мыйтакo кывтыштас, чeпoстыштас вoсьса ва вылo ыджыдкoд кер чукoр, тайoн водзo вылo ышoдыштас мянoс,— и бoр лoньoдчo-сувтo дулан вoв мoз. А мянлы век чайтсo: часлы, oни нетшыштам со этайo тувeсo, и дзикoдз вылo нин вoрзья! Часлы, oни оз нин сeсся сувт... Часлы, ставыс гузгас-мунас, и ми сoмын бoрсяныс кийoн oвтыштам кoльбoдiгмoз...

Oз... Сувтo и сувтo бoр... Быттo сeтшoм муса тайo чукалыс сылы, быттo нeмoвoйeя гoрт сылoн тaнi.

Рытъявылыс ми мудзим кoк йылыс пoртoдз. Быд сoн, кыла, тiралo eнa зeвтoм си мoз. Вoм пытшкoсoй кoсьмoма, дуль пыдди сук кисель чукoрмo сeнi, кoс вoм дoрьясoй пыктoмаoсь, кынoмoй нyoкыртo-сyoмaлo, и вынoй ньoти абу кoльoма, став вынoй быттo кывтoма сийo керьясыс-кoд тшoтш, кoдьясe вeрмин чуктoдны залoмсыс...

Пeтiм бeрeгo. Кoдi пырыс-пыр жo льякысис вeж видз вылo, кодi, пукeсoма да, дзугыля и лoгпырыс видзoдo залoм вылo, сийo кoть эськo и eнa нин чинic, но кузь кoд на...

Me пoндi чукoртны шoмкoр. Нeбыд на сийo, тшoг, кыз пoкья. Тшыгьялoм вoв мoз вaрeнитi кaбыр тыр и давай мутшкыны. Чoрыд шoмыс лoсьсыда и мыскыштыс гырк пытшкoсoс.

— Me кыскo лыддылi: шoмкoрад пo витаминис кукань яй дoрыс унджык,— кaймoдла eртьясo.— Вай йирeшьштoй, и сeки гoгoрвoанa-джык лoб, мый водзo вoчны...

— Мeным сытoг нин гoгoрвoанa,— шуис Микол. Сылoн бaндзибьясыс, кoдьяс и сiдзeсo век быттo польдчыштoмаoсь да oшoдчыштoмаoсь, oни, вoм тырыс aпыштoм шoмкoрыс, ыджыд йoгьяс мoз гoгляисны.— Мeным сытoг гoгoрвoанa,— выльыс нямыльтiс Микол.— Мeнaм став лeк бырис... Oг мe сeсся вeрмы бoсьтны кийo багырoс... Аскы на луныс вoас...

— A тe видзoдлы, кыдзи вoрыс суктo-вoв вылeсяныс,— шуa Микол.

лы.— Тыдало, бура уджалсны мянъяс... Ми ко ого восьтой туйсо, войбыднад заломыс бор важ кузяыс нюжалас, бытто ми тани немтор эг и керлой...

— Васькодь,— съоласо Микол,— нюжалас коть оз... Ме сесся ог вермы... Унджык йозос колис босытны.

— Микол, а кыксэ чолковой йывсыд тай вундин? Васькойыд косыисе...— мортыдлы меда пуковинас чунгыштіс Ольош.— Ог ко од помодз косяло, не адзвывны сийос...

Миколос бытто шылаон чуткисны: сийо букыштчылис Ольош выло, сесся куза да гактома видзодлис керйон бура на виндом ю выло.

Ольош пластничома гатшон, личодома ки и кок, кокныдик товру вородышто вижовгорд кудрисо. Куйло сийо и водзо на дельодо Миколос:

— Деньгаид то мый... Эм коть абу... Но вот кык повста спиртыс вошо!.. Ок эскю они, муза вывсыд, лосыштны сийос...

Вутш вылын пукалыс Пиконлон лапкор кодь тырысь, чопкысьом пельясыс, бурак, медводз кылоны спирт йывсыд.

— Этамындышасо ого жо кольо,— мурго сийо кыз голоснас.— Кутшом но ми мужиктыс, колям ко.

Мукодыс чов олоны. Дерт, татшомато мудзом борын некодлы они абу окота вылысь пырны залом выло. Но сымда пессьом борад нботи абу окота и воштыны лышкыда вэйом съомсо да винасо... Сидз шусяна аккордсо...

Ме куйла жо гатшон небыд турун вылын. Ланыд муыс, и туруныс тшотш, шонюдос, и бытто босытшотны мудзос, бытто тшоктоны дырджык куйлыны тадзи, гашко и не нин чечывны сесся. И мелясысь товруыс мыйко сэтшом сямаос жо шонко, и этшесыс петмон чипесысьсылысь чирк-гагыс...

Ношта меным кызко зев шоныда мовнавсо мудзом ертясой йылысь. Мися, коть и тшетшкочдоны найо тадзи ота-модныскод, но оз куш сомын аккорд йылысь тождысны. Медьенасо найо тождысоны сы вюсна, мед эскю ковтог не падмодны моль божылысь водзо муномсо.

Но та йылысь, дерт, некод нином оз шу. Некод мян повстысь оз кавшась чурка выло, мед виставлыны исторической речыс... Абу велаломасе ми тадзисо горзыны... Та йылысь мед мян уджным ачыс бурджыка висталас...

— Но мый но, биа-бордаяс, шойчыштим, шомкорон содтыштим вынымос, поззо и вылысь заводитлыны...

Сувтиг-веськодчигмоз сомын удити ме шуны тадзисо, видзода, берег дорти верзьома вола родто мянлань. Шенасо да горзо... Да тайо жо Сюзь Васькой! Ичотик мастерным мян. Пукало седлотом вов вылын, дом пыддыс — гез помъяс, кортвом пыдди — нюртор. А вов шоша вомоныс, отарас и модарас, кык мешок съоқыда бовкьялоны.

— Суи од трасчаясо!— вом тырнас вашьяло Васькой.— Ловьяос на?.. Ноко, лэдзой мешокьяссю. Да нбжйоджык, нбжйоджык... Он ко косяой, мед войбыд кежло тшыгос и садьос колинныд... Сэни — ведра тыр рок, пось на... Туйс эм и... Мыйон эскю, а?..

— Ур-ра!— городис Ольош, да сэтшома, мый весиг волыс повзюмысла чермунлис.

— Абуос и абуос...— варгис гажакодь Васькой— Нывъяс мено топдисны: медбур кавалерьяссю по встин кытчоко, эз-о мыйко ло накод? Мун по, будичи, корсь, а то по гачто лэдзам да петшоралам... Но ме и кути видз вылысь тайо скакунсо, сеян-юан тоби и — бегом марш!..

Васькой видзодлис коляс залом выло.

— Тиян тай этша жо нин кольома? Но — молодечьяс!.. Дерт конко, вир тшыгос... Кыдзи но вочам? Дась оддзом вывсыс руз-разкерам нин али мый? Да волис нин термасотг и тождысютг сеям-гаждчам?..

Вочасо ми ставон отпырысьон городим. Но ми городим эг отмоза:

өтияс көйсисны водзын помавны уджсө, а мөдъяслы быть колө вөлі өні жө сөйыштны...

А Сюзь Васькой мездіс нёр көртвомыс вөвсө, тапштыштіс сылы мыш вылас ки пьдөснас, кьдзи асывнас Зиналы, тшөктіс:— Эң дөзмы да бөр рөдты гортланьыд!— Бергөдчис мянлань:

— Мыйла нө сідзисө горзыны, зимөгорьяс? Голятө весьшөрө косявны? Кор ставсө позьө лючки да бура керны, сійө жө демократия отсөг-наса... Ноко, лэптөй киньтө, коді первой көсйө жубритны?

Отарө и мөдарө дзөръялігтыр, нельөн чургөдісны кияссө, на лыдын и Микол.

— А коді первой көсйө помавны уджсө, а сәсся сы бөрын нин...

Кияс лэптисны кольөм квайт мортыс.

— Со и ставыс решитөма лои,— көрталіс Васькой,— мөдім, өтвылысь някыртама коляссө.

Сійө босьтіс багырө Пантик Гелялысь, коді мян пөвстысь вөлі медся вийөрникөн — ном кодь вөсни, тшөктіс сылы пестыны би, и ми выльысь уськөдчим залом вылө. Вир тшыгөсь и көиньяс кодь скөрөсь... Къыс-мый сөмын и аддзисисны вынъясыс. Быттьө некутшөм мудзөм абу и вөвлөма. Быттьө өні абу рыт, код пуксытөдз ми лунтыр йөткасим-котралім керьяс вылын, а — асыв, и ми, чөскыда узьөм-шойчөм бөрын, сөмын на заводитама ассыным сменанымөс.

Со өд кьдзи вермө ышөдны йөзтө ас кадө да кужөмөн шуөм кывйыд! Да нөшта нин кор тайө кывйыс мыджсө ловыды и вытыды муса-торьяс вылө...

Молодеч Сюзь Васькой, мый воис! Да сөян-юан вайис!.. Өд сійө вермис и не воны мян дінө. Вермис шуны: мьдзасны пө да, ассыныс кор-сясны көрөванкасө, тшыг кынөмныс вайөдас... А сійө со морт ногөн вө-чис... Кор лов тырнад кылан татшөм төждысөмтө, сәки бур ногөн жө окота вочавидзны — асөтө жалиттөг муркөдан-ныран...

Өта-мөднымөс горзөмөн-ышөдөмөн, ми пондім йөткасыны ярмөм ошъяс моз. Ми нетшкысим да йөткасим багырьясөн сәтшөма, мый перьян керьясыс, буракө, донавтөдз пөсялісны да, ме чайта, наысь тшын пондыліс пуркыны. Бур, мый век жө ва вылынөсь найө, да та вөсна эз ло пөжар...

Часөн-джыниөнөн кымын ми пурк-парк чашнитім залом помөс. Да вермысьяслөн помтөм радлунөн видзөдім, кьдзи вөссьөм, мездмөм ва вывті рамника кывтөны мян удаллунысь шөйвошөм керьяс...

Сәсся ми пөрчим пөсбөн йиджтысьөм дөрөм-гачнымөс да бузгысь-лім рытъявылысь торйөн нин поналөм ваа Сыктылө, мыським вывесь-ным сола нылөмнымөс, пожьялім өна мудзөмла косьмөм вомьясөс... Ок, лөсь-ыд!.. Да и кышөдчим гажаа ыпъялысь би дорө, көні мянөс виччы-сисны — нянь, рок да . . . туис!..

А бур, мый помалім, вермим ми заломсө! Вылісянь кывтысь вөр оз нин сәсся сибды сәтчө, а водзө кывтө. Өні позьө и пирутыштны, лич-муноьм сьөлөмөн гажмыштны, «караснысь» и аслад мудзөмысь гаж-мыны...

#### 4

Вильвадорын мянөс виччысис олан баржа. Мөд ногөн кө — плаш-коут, либө, кьдз шуис начальник, «плашкаут», коймөд ногөн кө — браид-вахта, нельөд ногөн кө — дебаркадер, но тырмылас... Сымда ним сетлө-маөсь баржаыслы, видзөднысө ачыс сарай кодь и эм-а.

Колькывжөн краситлөм, но өні өна нин быгалөм оланінным ним-кодшырысь видзөдіс мян вылө вель рамаа өшиньясөн — тыдалө, мурт-са на удитөмаөсь пуктавын найөс, абу весиг краситөмаөсь. А со тай, буракө, и ассыныс өшинь вөчысь-тэчысьясыс — вевт вылынөсь, дөмлөны

жѳ сѳтї: пемдѳм-воймѳм тѳсѳяс пѳвстын еджыда дѳввидзѳны выль еджыд пѳвѳяс... Кык дядѳ веськѳдчысны, сувтїсны, донѳяланаа видзѳдѳны дыр кежлѳ воысь пассажирѳясныс вылѳ.

А ми, сувтїм да, на вылѳ видзѳдам берегѳянь. И шензям вомѳясны-мѳс паськѳдѳмѳн. Эштѳм кык ѳслѳпан сулалѳны вевт вылын! Пикон кодѳѳс кымын жѳ...

Торїѳн нин чуймѳдїс миянѳс старикыс. Сїѳѳ вѳлї левлѳн кодѳ сук бурьса! Дзѳр бурьса... Юрсыс и ус-тошкыс ѳтласьѳмаѳсь коставлытѳм бурьсѳѳ, код пытшкысь чурвидзѳ сьюзлѳн кодѳ неыджыд, но зумыд ныр, да, сьюзлѳн моз жѳ, югыда дзулѳялѳны синѳясыс. А стѳчджыка кѳ шу-ны — дзоньнас сїѳѳ кажитчыс вѳвлытѳм сьюз кодѳѳн, кодї бытѳѳ лѳсьѳдчѳ вувзысьны миян вылѳ вевт вывѳяныыс, сѳѳла пиян вылѳ моз.

Старикыскѳд орчѳѳн сулалїс ар кызь вита, кузь русыд юрсиа зон — зѳв коснѳд, лы чукѳр кодѳ, нѳпмунѳм чужѳмыс блед, некутшѳм вир пас эз тѳдчы сѳнї...

Старик тѳрыба лѳччыс палуба вылѳ, том морт моз пелька лѳччыс, веськѳд кинас вежлива ѳвтыштѳмѳн индїс берегѳянь нюжѳдѳм тшупѳдѳсь трап вылѳ да кыз гѳлѳсѳн, виччысьтѳг серамбана и наяна, мурѳстїс: — Крейсер «Сысола» виччысьѳ тїянѳс, господа!..

Ми ставѳн тшѳкмунлїм тадзитѳ ыджѳдлѳмысь — некыдз ми эг виччысьѳї старикѳяныыс татшѳм кывѳясьѳ! — сѳсья видзѳдлїм ѳта-мѳдным вылѳ, кутшѳм ми эмѳсь господа, да и пондїм куснясьны-серавны... Но и старик, зараза! Шуас жѳ — господа... Кѳтѳ сѳсья еджыдѳдз бонзьѳм кирза сапѳгтѳ дзеб яндзымыда, кѳтѳ сѳсья шыбит вывсьыд сѳд сїрѳн йиджтысьѳм сїтеч дѳрѳмтѳ либѳ мыш саяд вешты вѳв гыж кодѳ чорыд вабольяса багыр кутысь княстѳѳ...

— А код нѳ эськѳ тѳ танї лоан, дедуш? Кутшѳм нин нащальник? — шмонитѳмѳн жѳ юалїс Зина.

— Ме? Ме, нылѳ, танї медыджыдыс — шкипер! Военнѳй ногѳн кѳ — гарнизонса комендант. Удж кузяыд тѳнѳ мастерѳяс да мый да пондасны уставитны, а танї — ме. Мед ас кадѳ вѳлї водѳма. Мед, кор оз ков, эз вѳв чиктылѳма. А ѳна кѳ нин телепит лѳѳ... этїѳѳ... окасыны, ковмас гижны заявленнѳѳ... Ыштѳ сїдз тѳ и сїдз тѳ, шкипер ѳрт, сѳлѳмѳї косьмѳ кодкѳ понда... ѳг вермы тершитны... Кѳра разрешитны...

Но сѳки старикѳс друг торкис мекѳд орчѳѳн сулалысь Пикон:

— Батьѳ, дугды, мый сѳран...

Но тай, Пиконлѳн бать вѳлѳма тайѳ сьюзыс! А эсїѳѳ, мѳдыс, гашкѳ и вок?..

— Эн на тай и висѳтавлы, мый батыд тшѳтш кывтѳ, — шуа яндысьѳмысла гѳрдѳдѳм Пиконлы.

— Сїѳѳ миян сѳтшѳм, — пыыс пыдди окотапырысь вочавидзис старик. — Сїѳѳ миян сѳтшѳм варѳв, мый кывсѳ колѳ кльѳщїѳн нетшыштны. — Сы пыдди, дедуш, тѳнсыд, буракѳ, енмыс вунѳдѳма вомтѳ кивзвны... — гажѳялїс жѳ Зина.

— Сїдз, беляна, сїдз, лѳсьыда шуин... А ѳнї, товарищи господа, пырѳї пытшкас. И мед дамаяс водзджык пырѳѳны, мед первой найѳ бѳрїѳѳны туянаджык местаяс.

— Мыйла нин налы сѳтшѳм чѳстысь? — шуис ѳльѳш, кодї, дерт, медводзѳн уськѳдчылыс пырны.

— А тѳ нѳ, тамыш бугыль, он и тѳд, мыйысь? — горѳдїс старик. — Да видзѳдлы тѳ бурджыка на вылѳ! Эштѳм шылыыд да мича чужѳмѳяе! Шондї банѳяс да тѳлысь гугѳяс...

— Пасибѳ, дедуш, бур кывѳясьыд! — Зина ышнѳяснаа лыйыштїс миянѳс, зонѳясьѳс, видзѳдласнас. — Нывѳяс, мѳдїм инѳ, райѳ каян поскѳдыс...

Плашкоут нырын — шкиперлөн жыр. Сы дінөд некымын тшупода пос лэччөдө увлань. Тані нөшта кык жыр: начальниклөн да бухгалтерлөн.

А мянлы со тай — кузьысь-кузь баржаыс дзоньнас! Өтарас и мөдара с кык судта узьланінтьяс сярвидзёны, зумыд сюръяяс вылө вомөна тасьясөн мыджсёны-пыксёны, быд блок нель морт вылө. Вольпасьяс пө тай эськө и абу вичмөмаөсь мян вылө, но нинөм, сійө нин бур, мый быдөнлөн аслас куйланін — фуфайкатө да мый да вольсыштін, и узьяс, мездөм бөрад чорыдыд оз торкась. И вевт улынөсь со, югыд, и ном оз сөй. И зэр оз көтөд...

Татшөм «крейсер» вылад позьө нин кывтны!

— Федя, тэныд, бригадир мортлы, со тані бурджык лоө. Өшинь дорас югыджык. Тумбочка со весиг эм. Мыйкө, гашкө, ковмас гижышт-тавны, нащальникалігад...

Тайö Зина төждысьө ме вөсна, водзджыктө пырис да. Мукөд водзас ме яндысьышта Зиналөн татшөм вөзийөмысь, но өнасө водзасясны мый-лакө абу жө окота. Меным весиг окота лоны матынджык сы дінын... Көть эськө и кывсө песны өна радейтө Зинаыс, но сы дінын кызкө быт-тө и лөсьыд, гортса мелілун быттө кылан сы дінын.

Зина босьтөма сай помса пельбөссө: ачыс лөсьөдчө выліас, а улиас мошкырасьө кыз лы-сьөма Крестин.

— И тэ лок мян дінө, Пиконушко! — чуксасьө Зина. — Мед ме тэноө век адзи дінысь. Вед куш сөмын тэнад мыгөр вылө видзөдөмысь бурмө сьөлөмыд, пөтлан быттө... Али тэ батыд дінө овмөдчан?

— Сэні найө сідз нин кыкөнөсь, Өндрей воккөд... — яндысьө и падья-лө Пикон.

— Сідзкө, вевт вывсаыс вок тэнад? Кысь, мися, тэ моз жө вөрпу кузя да... Но и семья, енмыс тай небось зэрлөма тиян вылө... Толькө тай мыйлакө өддбөн омөлик воыд, куш лысы да кучыкыс?

— Сія мян фронт вылын өна раниччөма, век на висьө, некыз оз бурд...

— Но-о... — пыр жө сьөлөм сетө Зина. — А тані нө мый пондас кер-ны, кутшөмкө нащальник жө али мый?

— Батьолы отсасыны вөзийысис, баржасө сүвтөдны да мый да... Сідз-сө сійө мян учитель... Гөжөм кежлас тай тшөтш вөзийысе...

— И бур, мый вөзийысе! — надьявтө көрталө Зина. — Висьө на кө, свежөй сьнөд вылас өдийөджык бурдас. Да нөшта нин эта мында ныв дїнад... Шонтасы-небзьөдасы...

Неылын ноксысь Сепыс Роза бытшкыштө Зинабс:

— Зина, тадзинад нө мый эсяя лоө: өтнад кө кык кавалерөн пондан кватлавын, мукөдыслы мый колбө?

— Мыйла нө өтнам! А Крестиныс нө абу морт али мый? Меным, шум, — Пикон, а Крестинлы — Федя. Кывлі ме — Федялы пө өна кжитчөны кыз да өн нывьясыд, весиг пө гөтрасыны нин заводитлөма сэтшөмыс вылө... Сідз өд, Федя?

— Сідзи... — меным яндзим, но ме зіля кызкө вештыны ас вылысь татшөм сёрнисө. — Шылыдінтө да небыдінтө меным любөдджык малавын, кос козтө дорысь...

Сералам, пмонитам... Шум и гам... Буракө, ставөн зильөны местит-чыны сідзи, веськавын матөджык сы дінө, код дінө кыскөдджык сьөлө-мыс. Ныв и зон, ми өтмындаөнөсь кымын, унджык зонмыс верстаммөма нин, быдөнөс гөгөрвотөма кыскө нывьяс дінө... А нывьяс — кызвыннас — арлыдаджыкөсь мян серти, найө озджык яндысьны, пмонитөны мян вылын, өнджыкасө найө и окталөны мянлы лэчьяссө...

Роза дінын со Өльөш мошкоритчө жө нин, весиг өти блок вылө, а мөд ногөнджык кө шуны — өти пөлать вылө найө веськалөмаөсь, кык-нанныс выліас, сөмын нюжөд китө...

А Пиконлөн яндысьо́мысла лапкор гырся пельясыс дон гóрдöдöмáсь — оз төд, кытчö воштысьны лэчыд кывъя Зинаысь... Но мортыдлы, буракö, окота ме дýнын матынджык лоны. Кольöм лун-войнас ми сыкöд кызкö ёна велалём öта-мöдным динö, весиг бригадир ним вöсна йöйтáлöмыс эз дöзмöд мяняс... И аслым меным окота сыкöд орчöнджык лоны, торйөн нин öнi, кор адзыли сылысь батьсö да воксö. Эстшöм кузъ йöз!.. И мыйлакö дзик разнöйöсь быттьö ставныс...

А гашкö, Пиконыс, кöть и ымралöны сылөн пельясыс, тшöтш жö Зина динö сибöдчö?

Микол поэтысьö пыраниндорса пельöсö, Пантик Геля сэнi жö да мукöд томджык зонкаяс, кодъяс абу на удитöмáсь сöвмыны-нюжавны да озджык на видзöдны нывъяс вылад. Миколлы тумбочкаа пельöс жö веськалöма, копыртчöма да видлалö со дзирьяссö, гашкö и томан на öшöдас — сылөн öд, зэлыд мортыдлөн, дзебан-видзанторыд век эм...

Ужнайтитöн законнöй, кызд шуласны — наркомовскöй сё грамм юём бöрын ме любöпырысь водi аслам пöлатьö. Пöt и гажакодъ... Шоныд и номъяс оз сёйны. Öшиньöд пырö югыд... Менам ёна нин гажкöй бырис лыддысьо́мысь, и ноийысь судзöдi книга — «Великий Моурави». Тайö книгасö меным козьнавлисны квайтöд классын на, бура велöдчöмысь. Школа помавтöдз ме сийöс нель-ö-витысь лыддыли, а сы бöрын кызкö эз на веськавлы киö, век некор вöли, да эсся öд и гортö шоча волевли ме... Ёнакодъ нин бонзьöма книгаыс, кызджык лöома, уна киö нин веськавлöма...

Лыддыся, и вунö менам ставыс öнiяыс! И сплав, и плашкоут. И ме быттьö тшöтш веськала Грузияса йöзлөн ылö бөрö кольöм тышö. Менам долöй ыпъялö збой азнауръяскöд да Георгий Саакадзекöд öтвылысь... Ме кыла мечьяслысь зельскöм... Ме ачым тшöтш шенася мечөн... Ме тшöтш тышкася Грузиялөн мездлун вöсна... Лов шыöс кутöмөн ме тшöтш пырала скöр да мудер шах Аббаслөн мидын кодъ дворечö... Ыпъялитыр любуйтча асыввывса красавицаясөн...

— Федя, мый йылысь, мися, гижсьö книгаас? Пельтöммин али мый, он и шыасьлы? — вöтын моз кыла Зиналысь гөлöссö.

— Грузинъяс йылысь, кызди найö тышкасьлöмáсь турокъяскöд да переськöд асланыс свобода вöсна, — висътала Зиналы.

— Фу! — чушнитö Зина. — Эз öмöй, Федя, дышöд нин войнас йывсьыд? Ме тай кывны нин ог вермы сы йылысь-а... Голя помöдз воöма, со кытчöдз...

Зина куйлö вылыын жö, меным паныдөн, мяняс торйöдö сöмын неиджыд кост, нюжöдчан кö, кинад позьö судзöдчыны. Öнi Зина бергöдчöма шуйга бок вылас, меланьö и, буракö, оз кöйиы чöv овны, чужкöм сертыс төдчö.

— А радейтöм йылысь сэнi немтор абу? — юасьö.

— Эм... Мыйла нö абу... Сытöг лöсьыд книгаыс, буракö, оз и овлы...

— Федя, лыддышт сэтi неуна, көн любовыс... Тöдмалам кöть, кызди бур йöзыс радейтöны...

Дерт, не кö эськö наркомовскöй сё грамм «карасиныс», ныв мортыдлы ме эськö яндыси лыддыны, кызди ёна нин гажтöмчöм Георгий Саакадзе пуктö ассыс сьöкыд киясö нöшта на ёнджыка гажтöмчöм Русданлөн пельпомъяс вылö, а эсся и топöдö нылöс паськыд морöс бердас...

Зиналөн пемыдгöрд, дзикöдзсö кисьмытöм на сьöд сэтöр кодъ синъясыс, видзöда да, пондiсны ёнджыка югъявны.

— Федя, а найö мяня моз жö радейтлöмáсь да, кöть и уна сё во сайын... Кöть и князьяс... Ме сiдзиыд, Федя, кужа жö... Кодкö кö пуктас сьöкыд киясö менам векни пельпомъяс вылö, ме, Федя, ог жö повзыя лялалöмысь...

— Висътав Пиконлы, мед пуктö, сылөн кер сьöктаөсь кырымъясыс...

— Тэнад, Федя, буракө, абу жө коньыдөсь. Коньыдөсь кө вөліны, эз эськө сэтшөма кывзысьны керьясыс... Йёзыс и...

Улісаея — Пикон да Крестин — чөв олоны. Гашкө, узьоны, а гашкө и кывзысьоны миян сёрниө. Менам лыддысян вытёй торксьыштис нин татшө сёрниасыс... Но ме и польшта водзө нуөдны Зинакөд лолөс ырзёдысь татшөм сёрнисө... А то өд ковмас сэсся гижны шкиперлы заявленнө...

— Зина, эн но торкась, өтчюд төлкыс сюрис лыддысьыштны да...

— А тэ водзө меным тшөтш гораа лыдды, сэтшөм кө нин грамотной... Йөз любовнас көт бурмөдла сёлөмөс...

Но ме заводита ас кежысь лыддыны, сөмын тай пөшти немтор нин юрө оз пыр, синъяс сөмын искөвтөны шыпасьяс вывтёис... Да рөмдыштө нин. Вавывса казармаын сёрнияс вочасөн кусөны, найөс вежө чөскыда унмовсьөм йөзлөн быд ногыс чипсөм да шкоргөм...

Зина сэсся оз жө нин сёрнит, ышлолалігыр бергалө бокысь бок вылө, оз на вермы унмовсьыны, буракө, ыззөдіс сійөс Георгий Саакадзеис... Гусьбникөн кыйкөдла «Моурави» удорөд и казяла Зиналысь зу-мыд сёркниасөн чурвидзысь вылын морөсө... Вөени платтё улас ясыда мыгөрасысь, кымыньтөм бекар кодь гөгрөс кынөмсө казяла и... Меным быдсөн жар лоө... Быттё нөшта на спирт лөсышти ме... Ыбынса Марина весиг син водзө сувтліс... Нөддя дорын узьөм дум вылө усьліс и... Сэки, би өтарын и мөдарын куйлігөн, нинөм сэтшөм-татшөмыс эз вөв...

Ачым аслым мырдысьөн тшөкта лыддысьны — шыпасьясыс төдчыштөны на, но юрө меным немесь-немтор оз пыр, немся мөви книга-сыс оз сэсся кучысь вежөрө, некутшөм сернас ни. Книга пырыс все ровно аддза Зинаөс, вот дивөйд!

Мый нө тарыт мекөд друг лөис?.. Гым кучкис быттё... Тарытөдз тай нө лючкисө быттё эг на и видзөдыв Зина вылас... Дерг, шань ныв сійө, көт и вывтіджык ёсь кывъя, сёлөма сідзсө, төждысьысь... Весиг со и бригадирылды места йылысь абу вунөдөма... Сэсся и, веськыда кө нин шуны, мыгөрнас тшөтш бөсьтө и — мукөд нывъяс серти вөсньыд-джык сійө, ёнджыка быттё лөсиймаөсь-шылөдөмаөсь сійөс... Мукөд ны-лыс миян, кызвыннас, ён коскаөсь, паськыд коскаөсь, сы вөсна мый нывбабаясыдлы уна нәмьяс чөж сьөкыд удж лөи мыркны, орөм коснад кертө да мыртө он ёна берт... А тайө со вөсньыдик гөгрөс коска, но сы пыди морөсыс вылын...

Ог, некыз оз вермы сэсся лыддысьны. Ме бергөдча мөдар бок вылө, книгаөс пункта юр увтө да вочасөн сетча узьөм улө.

Но кутшөм нин сэн узьөм!

Ме куйла да синъясөс куньбөмөн пөся мөвпала нывъяс йылысь... Не сөмын Зина йылысь... Ме мөвпала Марина Кирикова йылысь, Дина йы-лысь... И весигтө Лукабаниядорса Наташа йылысь... Мыйла нө менө ас кадө на пивысь быдөн дінө кыкис? Кажитчыліс, мый ме быдөнөс на пивысь пөся радейта, оз вермы сытөг овны? Торйөн нин оз вермы овны Динатөг... А со век на ола... И весиг со Зина дінө нин кыскө... Ме нө нелючки морт али мый? Öти бөрын мөдөс верма радейтны, кор книга-ясын гижөны, мый збылысь радейтөмыс овлө сөмын өтчюд?.. Али ме, кужтөг-сямтөгид, кызкө тшыкөді ачымөс?..

Дина со мый мөвпалө өні ме йылысь-а?

Кор кывлөма, мый тьөткаяс көсийоны гөтравны менө Öдя вылө, пивысь мөдөдліс лесопунктянь. Ме сійө пивысь, гашкө, сө пөв лыдди и бур кывбурөс моз төда...

«Ме сідзи и төді, Федя, мый тэ мекөд он веськыда ов. Аддзылан мөд нывлысь мичаджык кокъяс, мыйкө мөдтор ли, и важыс вунө тэнад ставыс, дзик ставыс!.. Тэныд веськодь, мучитчө көт оз сійө коньбрыс, ко-дөс тэ энөвтін... Кодды тэ коркө шуавліл сэтшөм кывъяс. И не сөмын кывъяс... Али тэ он аслад юрөн ов?.. Но немтор он кер, морттө пө тай

сьо́кыд вежны — кутшомо́н чужло́ма, сэтшомо́н и кулас. Бура овны да вывны тэныд О́дяыдкөд, а ми кызкө да мыйкө бара жө... Ок тэ, мушкeтeр!..»

Тайо́ письмө бо́рас ме садьтөг повзылы, мый Дина вермас лоны кодкөдкө мөдкөд. Но, йой юраыд, весиг эг и вочавидз сылы. Сөмын, гашкө, сийо́н и вочавидзи, мый эг гөтрась О́дя вылас...

Мый со сийо́ думыштіс-а, кор кывліс свадьбаыслөн торксьөм йылысь? Вот эськө төдны...

А тани со, воча, нюжөдан кө китө и судзан, восьыштөм морөса Зина куйлө, морөсьяс костөдыс увлань лэччысь вөргаыс бура тыдалө меным... Ме зия не видзөдны сэтчө, но ме эг и казавлы, кор менам бара на бергөдчысьөма нывлань чужомо́н...

Кывлі ме, Зиналөн пө другыс усьөма война вылын, а сы кодь арлыдаыс некод абу миян повстын — коді пунктс юрө, а ловийо́н кольыштөмаыс век на служитөны... А пöраыс мунө, выль нывьяс быдмо́ны, налы ковмасны жө жөниктыс и верөсьяс... Миянкөд тиөтшья нывьяс... А Зина кодьясьыс, вит-ө-квaйт арөсөн ыджыджыкьясьыс, ми польштам... Абу өд ичөт костыс... Но со и шызөдө Зинаыс... Көть сэсья мый вөч...

## 5

Пурйо́н коркө кывтлігөн на ме казялі, мый Грива бо́рын Сыктыв пөло́нөд вель дыр абуөсь сиктьяс, матө сө гөгөр километр. Юыс сәти быттьө топалыштө, берегьясыс вөраөсь, гажтөмджыкөсь. Но сы пыдди керсө бокас негытчө озджык сюй. Ми сәти өдийө и шарөдім лэччим моль бөжнаным.

Ты-ю усьөм бо́рын Сыктылыс төдчымо́н паськалө да бара заводитчөны видзяс. Татысянь сэсья зөв тиөкыда сиктьясыс пукало́ны Сыктыв пөло́нөд. Сідзкө, уна выль йөз миян дінө воас, кодьяс йылысь казтыштіс аслас речын көрөванкаса начальник...

Өти рытө, кор ме ужнайтөм бо́рын пукалі веж кыркөтш йылын, ыркөдчи ва вывсянь пөльтыштысь төврүөн да любөпырысь видзөді водзын тыдалыс Палазьяса вичколөн рыгтя шонді улын лөстальыс купольяс вылө,— ме дінө матыстичс Тамара нима ныв. Сийө, буракө, моль бөжса став нывьяс повстысь медея ичөт мыгөраөн вөлі, көть эськө ачыс сідзсө и абу жебиник — лөсьыдиник, гөгрөсіник ачыс, гөрд юрсіөн дорөсалөм еджыд чужөма.

Кыйкнитліс сийө өтарө-мөдарө, и кор казяліс, мый некодлы миянөс кывзынысө, яндыситыр шуис:

— Федя, ме мыйкө көсья висьтавны тэныд... Аслам өти грек йылысь... Тулыссяныс нин ме новлөдла сийөс...

— Верман висьтасныс поплы моз! — заводитлі шмонитны ме.

— Федя, тэ эн серав, ме вед збыльысь сёрнита... — дузгысьыштіс ичөт ныв.

— Да ме сідз, Тамара, эн лөгась... Висьтав, мый тэно дойдалө.

— Сөмын тэ, Федя, та йылысь водзөсө сэсья эн паськөд, но?

— Мыр моз чөв овны понда.

— Таво тулыс ме, Федя, кывтлі... пурйо́н...

— Тэ кывтлі?! Пурйо́н? — весигтө горөдсис менам.

Тамара повзис, кинас петкөдлө, мед ме вомөс пөдлалі. А сэсья шуис: — Ме, дерт, коді нө сэсья... Сөмын тай карөдз эг жө волы... Палазья ө вотөдз кытчөкө вөр пытшкас сатшкис менө... Буракө, кутшөмкө важ видз вылө. Бадьяс тай гөгөрыс вөліны-а.

— Либө көнкө матын тасянь?

— Да, буракө... Палазья вичкоыс вөлі тадзи кымын жө тыдалө. Көнкө матын тани...

— Чайтан, пурйыд тэнад өні на сәни?

— А кытчö сийö сэтись вошсис?— пöся шуис Тамара.— Палаззяөдз ылын на... Да мөдлапöлас, татi, көнкө, некод оз ветлөдды...

— И тэ некодлы на эн висътавлы та йылысь?

— Эг... Некод менчым эз и юась... Ме кодь кöчьясыд вед не этша сибдöны да пазалöны кылтигад, ачыд тöдан...

— А мыйла нö либö öни меным висъсталiн?

— А мый, Федя, эз ков?— повзис кодь Тамара.— Висътавсис тай, бригадир мортлы... Дашкö, мися, öтлаын ветлыны да видзөдлыны... Абу кö ёна ылын ва дорсяныы, дашкö и кызкö позяс катайтны, öтвылысь-над...

— Ветлам!— ме чечышти пукаланiнысь.— Мунам корсям тәнсьыд шудтö пуртö.

— Сöмын, Федя, вай торйөн мунам верötя сайөдзсыс...— Синъяссö лэдзис Тамара.— Тэ менö сэн виччысьлы...

— А мый, яндысян мекöд орччөн муннысö? Аслад бригадирысь полан?

— Ог яндысь, Федя, ог... А ог кöсйы, мед ковтöм баснияс лыбисны...

Кор верötя сайын выльысь öтлаасим Тамаракөд, ме юалi сылысь:

— Кызди нö тэ öтнад лысьтин пуксьынысö пур вылас? Сы ыджта ванас... Ог гөгөрво ме... Ме, мужик морт, и то муртса эг йоймы полöмысла, карөдз кывтигөн...

— Пукси тай со...— ышловзис Тамара мекöд орччөн восьлалiг.

— Мырдысьөн жö кö тшөктiсны-а?

— Мыйла нö, эз... Бджыд сочöс вöли ыстöны... А сылөн ичöt кага, кытчö коляс... Сы пыдди ме и вöзйиси.

— Дивö тай... Кызди нö тэнö тöлыс эз нöбав пур вывсьыд, татшöм пыстасö?

— Тэ бара нин сералан ме вылын, Федя...

— Да кутшöм нин сэн серала! Кор ме бөрдни дась... Сы вöсна мый тöдышта, кутшöмджык öтнадөнлы пур вылад.

— Федя, верит кöть эн, но татчөдз кывтигкостi ме нбötчыд эг п сёйлы...

— Нбötчыд?

— Веси нянь чир вомö эг суйлы...

— Мыйла нö?

— Оз вöли ков сёйнысö... Ёна полöмысла ли мый ли...

— Енлы эн кевмысь?

— Кызд эг! Кутшöма на келмыси... Кутшöм кывъяс сöмын эг шуав!

— Ме коркö кевмысьли жö!— серöктi ме да мөдджык синъясөн нин видзөдлi орччөн восьлалысь ныв вылö.

Аддзим ми Тамаралысь сибдöм пурсö...

Ыджыд ваыс, буракö, кежөдöма сийöс юыслөн шөр визув вывсьыс көдз заводитчанинөдыс да и пыртöма код тодас кытчөдз. Эндөм видз и эм тани, бадбён да пшүөн кыскöма, накөд сорыс коскөдзыд турун бидмö, да öни пурйис омöля и тыдалö.

Тамара сьöдбөж моз тiркнитiс керъяс вылö, шензбөмөн горөдiс:

— А сэки татi пасъталаыс ва улын вöлис!..

— Ыджыд таво ваыд вöлис...— Ме видзөдлi кер помъяслөн маркировка вылö — «палубник». Спiсь кодь мича вөр, таысь мичаыс сöмын «авио» овлö. Нель плитка — дерт, сёысь унджык кубометр. Да, петкөдны кö, ковмас ёна мырсыны тани...

— Кызди нö кöть ачыдсö татысь мынин?— юася Тамаралысь.

— Быть вед мынтөдчы, Федя, голя помөдзыд кö воас... Сутки чөж горзи да бөрди тани... Некод оз кыв менö, некод оз лок ме дiнö... А кор синваой дзикөдз бырис, юрвемöй пондiс бурджыка уджавны: накат керьясөс ва вылö лэдзи, кызкө-мыйкө нбөръяли. Сэсея, мед ёнджык лөö, чом пöвъясөс вомöныс тувъяли. Бур, мый мамö велөдiс көрт тувъяссö сбөрысь

босътны... Сэсса босъті зібйос да и мөдөдчи виль пурйон Палаззялань... Со татшом и вөліс менам кывтөмыс, Федя... Мөдыс, коть джагөдасны. сг сэсса пуксы пур вылад. Тырмас!..

— Оні, Тамара, нывъястө оз нин и пондыны пуксьөдавны пур вылад. Зонъяс быдмисны. Да и война вылыс вочасон локталөны ловйон кольөмаясыс.

— Медъя, медъя...

— Сөмын вот өнісө мый ми пондам керны тэнад пурйон?— гыжъяла баябөжкөс.— Юөдзис, веськыда кө, верст джыныс не этшаджык лоө, паськыд көджыс да... Оти луннад өдвакө верман былльөдлыны став керсө... Не кө нин сёрнитны, мый жаявтөдзыд лоө...

— Мыйла төлькө менам и висътависе! Тайө лёк пур йывсыс,— шөгө усис Тамара.

— А зылысыс — мыйла?— юалі ме.

Сійө здук-мөд чөв олыштіс да кыпөдіс ме вылө синъяссө.

— Век на яндзим меным, Федя...

— Зэв бур, мый висъталін, Тамара! Видзөдлы, кутшөм ён кер ставыс, лы кодь ён... Мыйтөм быдторсө позяс вөчны наыс...

— Тайө керъяс йывсыс, Федя, ме, буракө, сөыс нин вөтасылі... Садьма да, чужөмой көтасыма...

— Тэ тай зэв шань нылыс вөлөмыд...— сьөлөмянь шуи ме.

— Эн лөсьөдлы, Федя...

— Шань и мичаник тэ вөлөмыд... Со этайө лежнөг дзоридз кодьыс.

— Лежнөгьд, Федя, не сөмын мичаник, но тшөтш и борсысыс да сутшкасысыс...

— Тэ сэтшөм жө али мый?

— Сэтшөм, торйон нин зонъясыдкөд...

— Куш сөмын зонъяскөд?

— Мый нө!.. Найөсянь тай немтор бурсө виччысыны... Ыджыд соч со этшаник и радасыштіс өти ыкпашкөд, а өні өтнасөн зонкаөс быдтө. Чайтан, Федя, тайө ёна лөсьыд?

Ме заводитлі бергөдны тайө сёрнисө шмонитөмө:

— Нинөм, Тамара, өні, война бөрад, йөзыс уна колө. Торйон нин виль салдатъяс ёна ковмасыны...

Тамара югнитліс ме вылө скөрмөм синъяссөн.

— Меным, аслым, татшөм салдатъясыд, Федя, оз ковны!.. Менам, Федя, мөдкөдджык мечтай...

— Но?.. Кутшөмджык нө эськө?.. Абу ёна гуся?

— Абу эськө да... Төлькө вед тэ бара пондан серавны...

— Ог понды... Көді нө, бур морт, серавлө мортлөн мечта вылын?— менө пыр ёнджыка и ёнджыка босътчөдіс тайө ичөтик пыстаыс.

— Ме, Федя, көся вылысыс велөдчыны пырны... Мед сэсса коркө лоны агрономөн...

— Тэ — агрономөн?!

— Ме, дерт, коді нө сэсса,— дузгөдчис өдйө өбидитчыс ныв.

— Да тэ эн дөзмы, Тамара!.. Мися, гашкө, сёр нин тэныд, да сы вөсна ме шуи...

— Мый нө сөрыс, Федя!— пөся эскөдө менө Тамара.— Арөдзис уджала, деньга најөвитышта... Сэсса восьмойө пыра, кунм во бөрын меным лоө кызь арөс... Вит во кө велөдчыны институтын — кызь вит лоө... Абу на вед ёна сёр, Федя?..

— Абу на и эм тай вөлөма,— шуа, ичөтик пысталөн татшөм көсйөмыс вөрзөдіс менө.— Верман кө, вай велөдчы, велөдчы, Тамарушко!.. А өні тэа-меа вай корсьлам бурджык туй, кыті эськө өдйөджык позис былъявны тәнсьыд вөртө...

Сэсса, татшөм туйсө корсьөм могыс, ми сыкөд вель дыр гежмалім паськыд көджсө. Ва дорөдз медматыніныс вөлөма дзик мөдарын, увла-

нъинджык. Сэтысян кѳджас кузъ кыв моз, пырѳ куръя, буракѳ, важ Сыктывлѳн коляс, не ѳти кѳдж помын тай овлѳ татшѳмьд. Ме мурталі воськовъясѳн, ылын-ѳ. Лоис куимсѳ сайѳ бур воськов. Таыс матынджык-сѳ сѳссия немтор корсьны... Быглявны кѳ нин — быглявны татчѳ, а сѳссия ва кузяыд конныдджык нин лоѳ йѳткынысѳ...

— Ылѳкодъ сибдылѳмьд, Тамара,— шуа.— Мый нѳ кутам водзѳсѳ вѳчны? Видлам петкѳдны али зновтам? Тѳа-меаыс кындзи некод оз и тѳдлы...

— Жаль кольнысѳ, Федя... Сидз жѳ сисьмас...

— Сидзкѳ либѳ пырав начальник дорѳ, ачъд и ставсѳ висьтав.

— Ме ог лысът, Федя... Пола ме сыысь...

— Ачъд тай нѳ шусян лежнѳг кодъ бытшласысьѳн?

— Эн серав, Федя... Лысъті кѳ, ме эськѳ сылы и первой висьталі, а не тѳныд...

— Сидзкѳ инѳ меным аслым лоас пыравны.

— Пырав и ѳм, Федя... Сѳмын тѳ, Федя, ме йылысь немтор эн висьтав сылы, но?..

— Эн пов, ог висьтав. ѳни ѳд, буракѳ, эн тѳ, а вѳрыс нин главнѳйыс лон, косьмѳм пурыйс...

— Сидзи и ѳм, Федя...

Медводз ме кѳсйылі сѳрнитны шудтѳм пур йывсьыс мастеркѳд, Сюзъ Васькойкѳд — ѳд сійѳ медматысса начальство менам, гѳгѳрвоысь морт, вермас и дорйыштны. Либѳ мѳдарѳ эскѳдас менѳ...

Но Васькой некѳн эз тыдав — вѳлѳмкѳ, ыстѳмаѳсь моль бѳжѳ вьль йѳзѳс вайѳдны. Кор оз колыс лѳччѳма... Кѳтъ эськѳ, шуам, ѳна бурджык лоѳ, вьль выныс кѳ воѳ миян динѳ...

Сидзкѳ, меным ѳтнамлы ковмас пыравны моль бѳжса начальник динѳ. Нюжмасьнысѳ оз позъ, плашкоутыс вермас чѳвтчыны татысь, мун да пѳ сѳссия и вѳтѳд сійѳс.

Вурдовлѳн кабинетыс вѳлі пытшкѳссяныс игана. Менам торѳдчѳм бѳрын сѳні кылыштис тѳрыба ветлѳм-ноксьѳм, сѳссия и воспис ѳдаѳсьыс. Феофан Семеновиче абу ѳтнасѳн вѳлѳма. Еджыд сѳстѳм дѳраѳн вевтъѳм пызан сайын пукалис тшѳтѳн пѳвариханым миян — Груня, либѳ, кызд ми нимтылім сійѳс, Груня-Бруня. Ар комын вита зѳв шылыыд яя нывбаба, пуд квайт кымын сѳѳктаа, зѳв серамбана. Гортас Груня-Брунялѳн, ме тѳда, нѳль челядь ѳм, и чужѳмнаныс нѳѳти оз мунны ѳта-мѳдныс вьлѳ, ставныс дзик разнѳй чужѳмаѳсь да юрабсь... Ичѳтджык чѳя-вокасѳ ѳнджыкасѳ видзѳ ыджыд нылыс Груня-Брунялѳн, мекѳд тшѳтшъя Аля... А ѳни Феофан Семенович да Груня, вѳлѳмкѳ, юѳны чай. Дерт, не ас кадѳ менам пырѳмыс лѳц, но ѳд ѳдѳсас налѳн абу гижѳма, мый каютаын гѳста ѳм...

— Мый нин лоис, Мелѳкин?— юалис начальник.— Эз-ѳ плашкаутным розяз?— быттьѳ и шутитис сійѳ, но ме казялі, кызди мортыдлѳн чукырмуліс посни ныр-вом паса вижоват чужѳмыс.

— Розязлѳм йылысь немтор ѳг кылы, Феофан Семенович,— вѳча шуа,— но колана сѳрни ѳм, нюжѳднысѳ оз позъ.

— Аскиѳдзис эн вермы виччысьлыны? Чайтан, меным нѳѳти оз пѳлагайтчы шѳйчынысѳ? Чай юны ачымѳс сѳсѳсѳма настроитлі...

— Да талунъя сѳрныис, Феофан Семенович, аски сѳр лоѳ!..

— Ме либѳ, гашкѳ, муна сѳссия, Семенович?— шыасис Груня-Бруня да педзыштис кыз бекъяснас нѳраа дзуртысь улѳс вылын. Сѳссия и мелань бергѳдчыштис:— Семеновичыслы самварсѳ пузьѳдны да мый да отсышти. Сія, велалѳма да, обѳѳѳй пѳртад заваритѳматѳ оз вермы юны, сы вѳсна и ассыс самварсѳ новлѳдлѳ...

— Пукав, пукав, Груня! — нывбабала нь лайкнитіс кинас начальник. — Мелёкиныслөн өд, көнкө, абу жө военной секретьяс.

Налөн пызан вылын и збыльсы сулаліс ичотик, югьялысь бокьяса самовар, лөня чупкыштис на сийө. Гырысь синма еджыд нянь куйліс тшөг шөрөмьясон, стеклө банкаын вижа и чөскыда лөсталіс вый... Лөсьыд налөн вөлі тани — сөстөм и пөтөс. Төдчис, мый Грунялөн кыис быдлаө нин нимөдчылөма — весиг крөвать вывсысь юрлөсьяссө явө нывбаба кийөн нин пелькөдөма...

Груня кисьтис да мыччис начальниклы выль чашка чай. Мөдыс ёсь пиня кусачкиөн торйөдис ыджыдкодь сакар тор, лэдзис сийөс чашкаө, гидралыштис ичөт паньөн, сөсся сийө жө паньнас лышкыда гумовтис чашкамысь вый да тшөтш лэдзис сийөс чай пыткас. Да — лэдзис чай пыткас!.. Ме быдсөн чур-чермунлі татшөмторсьыд. Некор на ме эг аддзыв, мед эськө чай пытшкө гидралісны вый!.. Выйөн позьө нянь мавтны, рок позьө виявны, көвдум позьө тулльөдны, сымда кө нин эм тэнад тайө добраыс... Но суктыны выйөн чай!.. Ог төд...

— Мый нө, пырин кө, немөялан сөсся? Висьтав. — Начальник чуршитис виялөм чайсө да весиг синьяссө куньліс, буракө, чөскыдысла.

— Ме өні кытшовтышти верөтяяс — эз-ө, мися, тшак нин заводит петны... И гоб пыди важ видз вылысь аддзи косьмөм пур... Таво тулыс ыджыд вана суюма.

— Дзюньнас? — Феофан Семенович гольс-пуктис блюдийө чашкасө.

— Да... Весиг ромщинаысыс абу чуктөмаөсь, көть өні жө пуксыы да кывт, ва вылын кө быттьө вөліс...

— Сийө өд и эм — ва вылын кө!.. А ылын-ө нө ачыс ва вылөдзис?

— Ылөсас мурталі нин ме: веськыда кө Сыктыв динө — верет джын лөө...

— Верет джын! — начальник чеччыштис пызан сайысь, матыстчис ме динө, сувтис паньдөн, дзоргө ме вылө каньлөн кодь вижоват синьяснас. — И дерт, абу пызан пөв кодь шыльыд тайө верет джыныс?

— Абу, дерт... Гураньяс и чуркьяс эмөсь... Кык верөтя на вомөналөны и...

— Да-а!..

— Но ме сатысь мөд туй аддзи: горувланьыс курья матыстчө, куимсө воськов вийөдз... Петкөдам кө сэтчөдз, ва вывтывд коньыдджык нин лөө...

— Но тай... И дыр-ө, тэ ногөн, ми сәні маниччам?

— Куш кө мян бригадалы — сутки-мөд тырмас. А ставөнлы кө өт-вылысь, Феофан Семенович, мөдар берегсяяскөд тшөтш, өти суткиөн петкөдам...

— Мөдар берегсяяс вылө надейчыны немтор, — шупс начальник. — Мед быдөн аслас берег вөсна өтвечайтө. А кык суткиыд — уна лөө, Мелёкин. Уна! Некысь мянлы босьтны сымда кадсө. Быд лун дона мянлы — ваыс өні бур на сулалө, лөсьыда на нуө Сыктылыд вөрсө. А видзөд, кусьсөм жар луньяс сулалөны, регыд мөдөдчас усьны ваыс, косьмыны, и ми кө быдлаын пондам кык суткиөн маниччыны, дзикөдз косьмам ми, не волены сәки мянлы Максакөвкәса генеральной запаньбөдзыд. Ачид тэ буржжыка думыштлы, не тэно велөдны.

(Водзө лөө на)

В. Н. ВАНЕЕВ,

Сыктывкарса ЛПК-ысь парткомса секретарь

## ӨТУВЪЯ УДЖӨН ДА ВЕЖӨРӨН

Ленинскөй партиялөн съездъяс — страна олөмын век зэв ыджыд, тыдалана пасъяс. Партийнөй съездъяслөн решенияеясыс бур компас моз индөны советскөй народлы водзө вольалан туй, югдөдөны сийөс, ышөдөны коммунистъясөс и беспартийнөйясөс уджын да тышын выль вермөмъяс шедөдөм вылө. И гөгөрвоана, кутшөм радлунөн, кыпид сьөлөмъясөн дасътысьбөны советскөй йөз КПСС-лөн XXV съезд кежлө. Став партиялөн өтувъя вежөрөн сийө лөсьодас локтан вояс кежлө коммунизм стрөитан выль программа, урчитас стөч могыяс, кодъясөс шедөдөм вөсна кутас зильны советскөй народ локтан, дасөд пятилеткаын. Гөгөрвоана и сийө, мый өнi, съезд кежлө лөсьөдчигөн, ми көсьям видзөдлыны бөрвыв, медым тырвийө донъявны уджсө, кодөс вөчөма партия XXIV съездлысь индөдъясө да урчитлөм могыясө олөмө пөртөм кузя. И көсьям артыштны да донъявны вөчөмторсө огө ошйысьбөм ради, а медым адззыны и бурсө, и нелючкиясө да ясыдджыка гөгөрвоны водзын сулалысь могыясө.

Партиялөн XXIV съезд вылын КПСС ЦК-са Генеральной секретарь Л. И. Брежнев ёрт пасийс Сыктывкарса лесопромышленнөй комплекс странаса медяа вынйөра предприятияс лыдын, кодъясөс вөли стрөитөма да лэдзөма уджө көкъямысөд пятилетка воясө. Тайө предприятие-гигантъясө сийө шуис

өниа кадся Магниткаясөн. И та-тшөм өткодьялөмыс зэв лөсялана.

ЛПК йылысь уна нин гижөма. Весиг кык неыджыд книга петлис. Но, ме лыддя, абу лишнөй нөшта өтчыд казъыштны, мый сийө ЛПК-ыс, кутшөм пай босьтө талун республикалөн да страналөн народнөй овмөсын. И тайөс медся бура, дерт, позьө петкөдлыны лыдпасъяс отсөгөн. Оти-кө, оз ков вунөдны, мый лесопромышленнөй комплекс стрөитөм сувтис нин государстволы 300 миллион гөгөр шайт. Мөд-кө, ЛПК — абу прөстө предприятие, кутшөм ногөн велалим ми гөгөрвоны тайө кывсө. Тани уна завод да фабрика, мый понда и шусьө комплексөн. Таво мяян Коми республикаын лөө вөчөма став продукциясө кык миллиард шайт дон. Татчө пырө ставыс — и из шом, и нефть, и газ, и вөр, и сиктса уджалысьяслөн быдтөм да вөчөмторйыс. И кык миллиард писъыс матө 120 миллион шайт дон сетас продукциясө ЛПК, либө пөшти дас сизимөд юкөнсө. А босьтны кө Сыктывкарсө, то комплекс пай вылө воө карса став предприятиясын вөчөм продукциясь нелямынысь унджык процентыс.

Төдчана места босьтө Сыктывкарса ЛПК и страналөн народнөй овмөсын. Москваын, Ленинградын, уна дас мукөд каръясын йөв вузалөны өнi специальнөй бумагаысь — тетрапакысь — клентөм пакетъясын. Тайө бумагасө вөчө сөмын мяян



Сыктывкарса ЛПК-ыс целлюлоза пуысыя ордө воисны налөн удж кузя ёртыясыс Котласса целлюлозно-бумажнэй комбинатыс.

ЛПК, а некымын во сайын на сійөс ковмыліс ньобны граница сайыс. Быд витөд книга, мый петө странаын, печатайтсё сідз жө Эжваын вөчөм типографскөй бумага вылын. ЛПК сетө народнөй овмөслы и сідз шусяна пищевөй картонлыс витөд пайсө, коді муно сёян продуктяс гаровтөм-кышөм вылө. Ыстө сійө и төварнөй целлюлоза, кодыс мукөд предприятиеясын вөчөны бумага, шөвк да ещө уна коланатор.

Комплекса медся том предприятие — гидролизно-дрожжевөй завод. Оні нин быд сменаө сійө сетө ветымын тонна гөгөр рокөс — белокөн зөв озыр көрмын, коді муно комбикормөвөй заводьясө.

Став тайө продукциясө лэдзөм вылө ЛПК видзө онас кык миллион кубометр вөр. И матө джынйыс сы лыдыс — тайө пипу да пес вөр, коді ЛПК стрөйттөдз сотчыліс бипурьясын да сисьмыліс мыр дорас. И татыс зөв мичаа тыдалө, кутшөм места босьтө ЛПК сійө могсө олөмө пөртөмын, кодөс сувтөдліс КПСС-лөн XXIV съезд — бурджы-

ка, тырвөйджык испөльзуйтны став пөрдөм вөр.

Окмысөд пятилеткалөн воясыс Эжваса бумажникьяслы торья төдчанаөс да донаөс. Од буретш тайө воясас коллектив сувтис кок йылас, өтүвтчис, велалис уджавны. А велөдчыны ковмис унаторйө и быдөңлы — Сыктывкарса ЛПК-ын сувтөдөма машинаяс, кутшөмьяс некөн мукөдлаын страна пасьтала абубсь. Продукция вөчан технологияс бара жө дзык вель нога. Та вөсна көть, шум, и воисны мяняө уна специалистьяс мукөд целлюлозно-бумажнөй предприятиеясыс, ставныслы налы лон вель пөв велөдчыны, медым сяммөмөн уджавны вель машинаяс дорын вель технология серти. И ми лыддыам коллективлөн ыджыд вермөмөн сійөс, мый бумага вөчөм кузя предприятие воөдчис нин проектнөй вынйөрөдз, целлюлоза пуөмын тайө могыс шөдөданвыйын жө нин.

Позьө повтөг шуны, мый ЛПК-са вит да джын тысяча морта коллективлы оні вын сертиыс ёна гырысь-

джык могъяс. И тайон позы гордитчыны мян партийной организациялы, коммунистыяслы, кодыяс вочисны ыджыд удж сы могысь, медым коллективсө котыртны, отувтны, велодны, ышодны повтог венны сьокыдлунъяс, уджавны творческой корсысьсөмъясон. Партийной организация отувто нин мато квайтсе коммунистос. Комплекса предприятиясын да производствоясын, цехъясын да участкасын котыртма 22 цеховой парторганизация да 27 партийной группа. Коммунистыяслон лыдыс быдлаын тодчымон содис. Сомын борья кык вонас партиа примитома кокъямысдас сайо мортос. Кызыннас тайо водзмостчыс том рабочейяс, специалистъяс, уджывса передовикъяс.

Партком, цеховой парторганизацияс, партгруппаяс зильоны, медым быд коммунист петкодлис бур пример и производство вылын, и общественной уджын да та выло жо ышодис асыс став ертъясос. Кыдзи тодса, КПСС XXIV съездлон да партия ЦК Пленумлон (1972 вося май) решениеяс серти воли вежлалома коммунистыяслыс партийной документъясос. Нуодома ыджыд удж, кодэ тодчымон кыподис партицяяслыс активностьос да водзмостчосос, лэптис трудовой коллективъясын став партийной звенояслыс авторитетос.

Миян том коммунистыяслы эм кодлыс босътны пример. Дженъядика висъталышта котъ некимын морт йлысь.

Комплексыс уджо лэзигон воис Эжвао орча Кировской областъяс М. К. Зарубин. Шоркодъ тушаа, медводдза видэодлассянь абу зэв тэрыб вораа, мелэ синъяса морт. Оти кывйон ко, абу синмо шыбитчысь, да оз и зиль сийо лоны сэтшомнас. Простой роч морт, рабочой. А мыйда сылон пытшкоссэ мичлуныс да выныс, партийной зарядыс! Заводитис Михаил Константинович уджавны электрикон. Адзэ, мый сьокыда арто делосы сульфатно-целлюлозной производствын, а целлюлоза пуысьяслон уджыс тодчо став мукод производствоясын,— вэйысис сэтчо варчикон.

Зарубин абу нин том морт, но кор босътчис уджавны целлюлоза пуысьон, казялис, мый танэ коллоны ыджыд тодомлунъяс, куш оти зильомнад торья вермомъяс он шедд. А сылон общой средней образование весиг абу. И Михаил Константинович пырис рыгтя техникумо да зэв бура помалис сийос, босътис техниклысь диплом.

Коммунист Зарубинос Эжваса олысьяс таво мод созыв кежло нин борйисны Коми АССР-са Верховной Совето депутатон. И татшом ыджыд довернесо Михаил Константинович заслужитис сийон, мый ни оти лун кежло оз вунодлы борысьсысьясынь наказъясос да коромъясос, оз лыддысь кадон ни ниномон, кор колэ кодлыкэ отсөг. Кыдзи депутат, сийо уна зильом пунктис, медым бурмодны Эжва районын общественной автотранспортлысь уджос. И йоз сьолөмсянь атъябалоны коммунист М. К. Зарубинос, парткомса членос, депутатос на вөсна сылон быд лунья тэждысьомысь.

Помнита, кыдзи сизим во сайын паныдасы да тодмасы ме том инженер И. А. Шеланкод. Институт помалом борын татчо вотодз сийо уджалома воли некимын во Луныв Украинаса Измаил карын. «Кыкис, — шуо, — паськыдджык местаяс, ыджыдджык предприятие». Тайо воли жебиник том морт. Индисны сийос мастерон выпарной цехо. И вот танэ Иван Аркадьевич первойсяныс петкодлис асьос грамотной инженерон, сяммис бура котыртны коллективлысь уджос. Кыдзи коммунист, ыджыд кыв кутомон вочо ставос, мый тшөктэ партийной организация. А кыдзи инженер, производствон веськодлысь, сийо быдмис тайо каднас мастерянь комплекса главной инженерос вежысьодз.

Со ешо оти коммунист — Геннадий Николаевич Чурбанов. Сийос позы шуны ветеранысь ветеранон. Заводитис уджавны ЛПК стрелитаннын 1961 воын на, кор комплексе местаысь сомын босътчисны вөрсө весавны. Сэсыя веськодлис стройкаса комсомольской штабон. А кор

главнй корпусын кутісны сувтōдны Швециясысь ньōбōм картон вōчан машина, Геннадий Николаевич участвуйтис тайō уджас первойсяныс помōдзсы да лои картоноделательнй машинаса механикōн. Сылы сетōма Коми АССР-са народнй овмōсысь заслуженнй работниклысь почётнй ним. Оні Г. Н. Чурбанов — лесопромышленнй комплексса главнй механикōс вежысь.

Медым пуōм целлюлозасō белитны, колō хлорлōн двуокись. Сульфат-целлюлознй производствын эм торъя цех, кōні вōчōны тайō химическй продуктō. Сэн мян дыр эз ладмы уджыс. Весиг отраслясь веськōдлысьяс — СССР-са целлюлозно-бумажнй промышленность Министерствосысь — эз эскыны, мый Эжваса лесохимикъяс регидъя кадōн сяммасны котыртны тайō производствосō ЛПК-ōс тырвйōй мōмōдтōдз. Унаысь видлавлім ми тайō вопросō партийнй комитетлōн заседанияс вылын, партия горком ыджыд отсōг сетіс. Коммунистыяс, кодъяс уджалōны хлорлысь двуокись вōчан цехын, збылысь петкōдлісны асьнысō партиалōн боецьясōн. Кор ми кутім корсьны помкаяссō, мыйла кольччō мукōд сертныс цехса ōти смена, тыдовтчис, мый, вōлōмкō, кольччысь сменаын ни ōти коммунист абу.

— Менō вуджōдōй сэтчō, — шыōдчис сэки мастер-коммунист Аркадий Николаевич Тэн. — И сета партийнй кыв, мый смена оз ло кольччысьōн.

А. Н. Тэн кывсō кутіс. Водзтī кольччылысь смена петіс сы веськōдлōм улын медводзын мунысьяс лыдō. Аркадий Николаевичлы, кызди и Чурбановлы, сетōма Коми АССР-са народнй овмōсысь заслуженнй работниклысь ним. Хлорлысь двуокись вōчан цехса коллектив срокись водз петіс продукция вōчōм кузя цехлōн проектнй лыдпасōдз.

Позьō вайōдны ещō не ōти пример, кор мян коммунистыяс ас водзмōстчōмōн мулісны кольччысь коллективъясō, производстволōн медся кыв кутана участокъясō да асланыс личнй примерōн, пōсь

партийнй кывйōн ышōдісны ёртъяссō уджавнысь сьōлōмсянь, повтōг тышкасынь став нелючкикыскōд, а не овны ланьтōдчōмōн да кōнкō бокын шōпкōдчыны либō демагогъяс моз горзыны тырмытōмторъяс йывсысь.

Партком, цехōвй партийнй организацияс да партгруппаяс асьныс главнй мōгсō адзōны сын, медым бурджыка котыртны социалистическй ордысьсōм. Окмысōд пятилеткалōн медводдза лунъясысь ЛПК-са коллектив коммунистыяс юрнуōдōм улын босьтчис тышō, медым тырвйōй да бура пōртны олōмō став сійō гырысь мōгъяссō, кодъяссō сувтōдіс партиалōн XXIV съезд. А уджын ордысьсōм, вежōрōн да вынōн венласьōм — тайō медся мōрччанатор, олōмōн прōверитōм средство, медым кыпōдны йōзлысь водзмōстчōмсō, лōсьōдны коллективн творческй корсьысьсōмъяслысь обстановка.

СССР-лы 50 во тыригкежлō лōсьōдчигōн на комплекса цехōвй партийнй организацияс пыдісянь видлалісны, кызди сōвмōдны социалистическй ордысьсōмсō, вōчны сійōс тыдаланаōн да мōрччанаōн. Сэки нин ми казялім ордысьсōм котыртōмын уна нелючкияс. Коллективъяслōн, бригадаяслōн да торъя рабочōйяслōн обязательствосысь вōлны сэтшōмōсь, мый найōс быттькō гижōмаōсь копировка пыр. Откымын цехъясын некод эз видзōдлысь татшōм обязательствоссō принтōм бōрас — а кызди найō збыль вылассō пōртесьōны.

Унатор вылō чуйōдіс «Социалистическй ордысьсōм водзō бурмōдōм йылысь» партия ЦК-лōн постановление. Медым ёсьджыка тышкасынь ордысьсōмсō формальнй, сōмын бумага вылын котыртōмкōд, парткомлōн водзмōстчōм серти ми лōсьōдīm выль общественнй орган — социалистическй ордысьсōмōн веськōдлан штаб. Кодсюрō лыддылысны, мый тайō лишнйтор, мый штабыс кутас сōмын мōд пōв вōчны, дублируйтны партийнй, профсоюзнй да комсомольскй организацияслысь ордысьсōм котыртōм кузя уджсō. Но сідз-ō? Уна лыда

примеръяс висьталісны мѳдтор йы-  
лысь — ордйысьѳмѳн колѳ веськѳд-  
лыны дугдывтѳг, быд лун.

Штабыслѳн медяса шѳр могыс сы-  
ын, медым ѳтувтны администра-  
циялысь, парткомлысь, профсоюз-  
лѳн завкомлысь, ВЛКСМ комитет-  
лысь социалистическѳй ордйысьѳм  
котыртан да сійѳн веськѳдлан удж-  
сѳ. Ѳд штабас буретш и пырисны  
налѳн представителясыс, а сідз жѳ  
опытнѳй специалистъяс, медяса  
водзмѳстчысь рабочѳйяс, народнѳй  
контролѳръяс, многотиражнѳй га-  
зетса да заводскѳй радиоса уджа-  
лысьяс. Штаб веськѳдлѳ социали-  
стическѳй ордйысьѳмнас план сер-  
ти, сюся видзѳдѳ сы бѳрся, медым  
став производствояса вылын, быд  
цехын, бригадаын, торъя уджалысь-  
яс костын, уджын венласьѳмыс вѳлі  
тыдалана. Сійѳ зіля отсалѳ пась-  
кѳдны и передовикъяслысь опытеѳ.

Колян во штаб отсѳгѳн партком  
шунс бурджыка котыртны ордйы-  
сьѳмсѳ комплекса смежнѳй кол-  
лективъяс костын. Тайѳ вѳлі мян  
медводдза воськолѳн, медым ко-  
тыртны социалистическѳй ордйы-  
сьѳмсѳ сквознѳй сменяса костын.  
Ѳні асьным весиг дувйтчам, мый-  
ла тайѳ мѳвпыс водзджык эз чуж.  
Ѳд комплекса став производствояс  
да цехъяс зэв топыда йитчѳмаѳсь  
ѳта-мѳдыскѳд. Кѳнкѳ кѳ мыйкѳ  
торкяс — сійѳ пыр жѳ тѳдчѳ орчча  
производствоясын, ордѳ ѳтувъя  
технологическѳй визьсѳ.


Уджалѳны, шум, йѳз древесно-  
подготовительнѳй производствын.  
Налѳн могыс — примитны воысь  
вѳр, пилитны сійѳс, поснѳдны ча-  
йѳдз, медым сэтъсь позьѳ сѳся пу-  
ны целлюлоза. Торкяс кѳ техноло-  
гическѳй визьлѳн тайѳ юкѳныс —  
ковмас сувтѳдны варочнѳй котѳль-  
яс, а на бѳрся и став мукѳд произ-  
водствояссѳ. Но ДПП-са коллектив  
ордйысьѳ вѳлі сѳмын ас пытшкас,  
технологическѳй визьса мукѳд  
юкѳнъясын уджалысь коллективъяс  
водзын сылысь кыв кутѳмсѳ  
ѳтувъя социалистическѳй обяза-  
тельствоясѳн абу вѳлі вынсьѳдѳма.  
Сідзкѳ, татчѳс уджалысьяслы ку-  
тшѳмакѳ вѳлі веськѳд, петѳ-ѳ тайѳ  
каднас бумага либѳ картон, налѳн

кѳ, асланыс участокын, ставыс люч-  
ки-бур и.

Сквознѳй сменяса костын ордйы-  
сьѳм котыртѳм бѳрын кыптѳс кыв  
кутѳмыс быд уджалысьлѳн дзонь-  
нас технологическѳй визь вѳсна. Та-  
тшѳм сменясы нѳль. На костын кы-  
рымалѳма социалистическѳй орд-  
йысьѳм йылысь договор. Партийнѳй  
да профсоюзнѳй комитетъяс ком-  
плекса администрациякѳд да орд-  
йысян штабкѳд ѳтвылысь вынсьѳ-  
дѳсны ордйысьѳмыслысь условияс,  
лѳсьѳдѳсны вермысьяслы Гѳрд  
знамя, премиальнѳй фонд. Брига-  
даяс, рабочѳйяс да торъя участокъяс  
костын социалистическѳй ордйы-  
сьѳмыс эз жѳ быр, но сыысь ѳдтор  
ставсѳ мѳдѳс сигѳртны ѳні сквознѳй  
сменяса костын социалистическѳй  
ордйысьѳм. Сійѳ ѳтувтѳс став про-  
изводствояса уджалысь коллек-  
тивъясѳс ѳти трудѳвѳй семьяѳ, найѳ  
ас вѳляяс босьтчѳсны ѳтвыв кыв  
кутны ѳта-мѳд водзас да ѳтвыв жѳ  
тѳждысьны дась продукция лѳдѳм  
вѳсна. И ѳні налы, кодъяс уджалѳ-  
ны древесно-подготовительнѳй про-  
изводствын, кытысянь заводитчѳ  
комплекслѳн технологическѳй ви-  
зыс, абу веськод, мый вѳчсьѳ тайѳ  
каднас мукѳд производствоясын,  
ставыс-ѳ лючки сѳні, кѳні помасѳ  
технологическѳй визьыс, уна-ѳ да  
кутшѳм петѳ дась продукцияс.

Виль ног котыртѳм ордйысьѳ-  
мыс — а итогъяссѳ сылы ми вѳчам  
ас кадѳ, на йылысь пыр жѳ юѳртѳ  
радио, гижѳ газет, петѳны «боевѳй  
листокъяс» — ѳна нин тѳдчис и уна-  
торйын: цехъясын да участокъясын  
производственнѳй вынѳбръяс пон-  
дѳсны уджѳдсьыны тырвѳйѳджык,  
смена шѳръясын оборудование  
пѳшти эз кут сулавны, ѳтмозаджык  
петѳ ѳні продукция, кыптѳ сылѳн  
качествоыс. Позьѳ вынсьѳдны тайѳс  
диспетчер Н. Н. Жежелълѳн кывъ-  
ясѳн, кодлѳн сменясы эз нин ѳтчы-  
дысь петавлы «сквознѳй» ордйы-  
сьѳмын вермысьѳн:

— Диспетчерлы торъя тыдалана,  
мый бурсѳ вайис сквознѳй сменяса  
костын социалистическѳй ордйы-  
сьѳм. Сійѳ бырѳдѳс комплекса про-  
изводствояс костын тѳа-мѳа вылѳ  
юксьѳмсѳ, кыпѳдѳс коллективъяс-



**Петё дась сульфатнэй целлюлоза.**

лысь óta-мод водзас кыв кутёмсö. Кыдкё отбельнэй цехын артмис «пробка»— дугдiс уджавны насос, кодi йоткö целлюлознэй массасö трубатi. Тайö вермис сувтöдны дзоньнас технологическэй потоксö. Отбельщикъяслы отсöг вылö котөрөн воисны целлюлоза пуысьяс... А сквознэй сменаяс костын ордйсьём котырттöдз татшöмторйид öд-вакö вермис лоны. Сэки, ме чайта, целлюлоза пуысьяс спокойнöя эськö пукалисны нимöм вöчтöг: котельяс кö сувтасны — оз налөн мыж вöсна, кыв кутны пондасны орчча производствоса уджалысьяс — отбельщикъяс, налы суседъяслөн неминучаысь пöсь ни кодзыд — премия всё равно воас.

Сквознэй сменаяс костын ордйсьём чужтiс и нöшта öти буртор: ордйсьысьяс чорыджыка пондiсны требуйтны, медым быдлаын вöли лöсьöдöма бура уджалöм вылö колана условиеяс. Тайö тшöктiс производствойн веськöдлысьясöс — мастерсянь директорöдз — дугдывтöг да ыджыджык кывкутёмөн думайтны производство бурджыка котыртём вöсна, велöдчыны аслыны да велöдны став уджалысьясöс.

Комплекса уджалысьяслысь творческэй водзмöстчöмъяссö сöвмöдöм да паскөдöм, дзоньнас производство вöсна налысь öтувъя кывкутём кыпöдöм отсалöны коллективлы шедöдны тöдчана вермöмъяс. Колян во öти воён дась продукция вузалöмсö ЛПК содтiс 18,6 процент мында. Таво коллектив кöйысьлис планысь вывтi вузавны продукциясö 2,5 миллион шайт дон. Тайö обязательствосö öтувъя вынён да вежөрөн удайтчис пöртны олмöкмыс тöлысьөн. Медым бур козинъясөн пасйыны партиялысь XXV съезд, Эжваса бумажникъяс пунктöны асьыныс став сямлунсö да зiльлунсö, медым во помöдз сетны народнэй овмöслы план дiнö содтöд 7,5 тысяча тонна бумага, 1,5 тысяча тонна картон, 3 тысяча тонна целлюлоза да мукöд продукция.

Сыктывкарса ЛПК — странаса целлюлозно-бумажнэй промышленностын медся вынiöра предприятиясысь öти. И таво мяян коллективлөн водзмöстчöм серти пансис ордйсьём квайт медея ыджыд целлюлозно-бумажнэй предприятиясса уджалысьяс костын. Тайö ордйсьёммыс сiдз жö кыпöдö йöзлысь кыв кутёмсö, чуйдöдö найöс бур водзмöстчöмъяс вылö.

Ми зiлям паскөдны творческэй йитöдъяс и накөд, кодъяс пöльзуйтчöны мяян продукцияөн, ньöбöны сiйöс, а сiдз жö Ленинградса да Киевса учёнöйяскöд, Сыктывкарса университетысь велöдысьяскöд да студентъяскöд. Татшöм творческэй йитöдъясыс отсалöны öдйöджык пыртны производствöй наукаысь да техникаысь выльторъяс, передöвöй практикалысь шедöдмторъяс.

Локтан, дасөд пятилетка новлө нин качественон пятилеткальсь ним. Производствольсь эффективностьсө кыпөдөм,— а лэдзан продукциялөн качественос тани, позьо шуны, босьтө первой места — ыджыд да кывкутана мог. Ставыс тайө зэв топыда йитчөма уджалысьяслөн квалификациякөд да налөн грамотакөд, производстволөн да йөзлөн общөй культуракөд.

ЛПК — миян республикаын медся өниа кадся предприятие. Быд уджалысь вылө тани шөркодя воө сувтөдөм оборудованиеыс 106 тысяча шайт дон. Некөн мукөдлаын та мында основнөй фондус абу. Гөгөрвоана, мый и уджавны татшөм производство вылас ичөт грамотаин оз позь. И комплекса веськөдлысьяс, партийнөй, профсоюзнөй, комсомольскөй организацияяс төждысьөны сы вөсна, медым став уджалысьяс дугдывтөг велөдчисны, кыпөдисны ассыныс квалификациясө. И унатор нин удайтчис вөчны. Вит тысяча витсө морт комплекса коллективын, на лыдын тысяча гөгөр инженер да техник. Став уджалысь пөвстельсь өни сөмын 900 гөгөр мортлөн абу среднөй образованиеыс, на лыдысь кыксө сайө морт велөдчөны рытя техникумын да школаын.

Ме вылынджык пасйи нин, мый продукциялөн бур качество йитчөма абу сөмын уджалысьяслөн квалификациякөд, но и производстволөн да йөзлөн общөй культуракөд. Вайөда татшөм пример. Кор ЛПК-ө заводитис воны леспромхозьясыянь технологическөй чаг, бумажникьяслы өна ковмывлис ёрчыны: то кутшөмкө болт либө көрттор веська-

лөма чагас, то сийө сорласьөма изшом чирьясөн, сы вөсна мый вагонсө абу весавлөмаөсь. А став тайө «пустякыс» эз өтчыдысь сувтөдлы Эжваса гигантлысь технологическөй потоксө. Йөз абу вөли велалөмаөсь сөстөм уджө, и өна ковмис «воюйтны» накөд.

Дерт, миян и асланым эз этша вөв бракуыс. И сідз жө ковмис чорыда тышкасьны брак вөчысьясөкөд, вайөдны быдөны вөжөрөдзыс, мый продукциялөн бур качественос веськыда йитчөма производстволөн культуракөд. Тайө уджыс и водзө вылө кольө миян главнөй мөгөн, сы вөсна мый продукциялөн качественос зэв на ылын сыысь, кутшөмөн вермас да колө лоны. А өд миян продукцияным мунө өни оз сөмын странаса издательствоясө, полиграфическөй комбинатьясө да мукөд предприятиясө. ЛПК-ын вөчөм төварнөй целлюлоза окотапырысь ньөбөны Европаса став социалистическөй странаыс. Миянлысь типографскөй бумага босьтөны Польша, Чехословакия да ГДР, а картон мунө Чехословакияө да Венгрияө. Эжваын пуөм да белитөм целлюлоза ньөбө и Германияса Федеративнөй республика. Сідзкө, миян продукциялөн качество серти кутасны тани мөвпавны и дзоньнас Коми республикаын производстволөн культура йылысь. И тайөс миянлы пыр колө помнитны.

...Важ Слөбөда сикт местаын водзө быдмө выль кар. Оні тани олө нин нелямын сюрс сайө морт. Кызвыннас тайө том йөз. Окмысөд пятiletка воясө Эжва водзө паськалис, мичаммис, кытитисны выль керкаяс, школаяс. И ставсө тайөс сідз жө вөчөма өтувья дружнөй уджөн.

# КЫЗЬ ВИТЫСЬ ОТИ


## ОЧЕРК

Республика дасьтысис пасйыны ассыс нэмджына юбилей. И тѳдѳмысь, ставыс, мый вѳлй йитѳма Коми автономия котырѳмкѳд, сэки чужтис торья интерес. Республиканской краеведческой музей дасьтис Коми крайын Сѳветской власть лѳсѳдѳм да гражданской война йылысь выставка. Оти стенд вылысь ме казялй иѳѳтик книжка. Вѳлѳмкѳ, тайѳ — 19 номера комсомольской билет, кодѳс сетѳма Алексей Яковлевич Фоминлы. Коми комсомолса ветераньясынь тѳдмалй, мый А. Фомин — сийѳ 25 ныв да зон писыс, кодьяс 1919 вося октябрын Усть-Сысольска «Звезда» партийной клубын лисны Коми крайса медводдза комсомолецьясѳн.

Республикалѳн юбилейной 1971 воас жѳ Коми книжной издательство лѳдзис «Образование Коми автономной области» книга, кытѳ лои чукѳртѳма область котыртандырса документьяс. Тайѳ сборникас А. Я. Фомин казътывьсѳ дас кыкысь. Сидзкѳ, мортыс пуктылѳма тѳдчана пай комияслѳн ѳтувтчан делѳс. Но документьясыд век жѳ зѳв скупа висьталѳны сы йылысь.

Босьтчи корсьesyны. И пыр жѳ аддзисны дзуг, бытѳ гѳѳрвоны позьѳм вопросьяс. Онй быд том морт нин тѳдѳ, кор чужис Коми комсомол — «Звезда» клубын 1919 вося октябрь 28 лунѳ Усть-Сысольска том йѳзлѳн собрание вылын. Видзѳда Алексей Фоминлѳн билетысь комсомолѳ пыран кадѳ — руд бумага вылысь чернилаыс пѳшти абу вушйѳма: «1919 вося февраль 15 лун!»! Артмѳ, сийѳ бушкала во заводитчигас на?! Мый тайѳ, ѳшыбка? Водзѳ тѳдмала, мый РКП(б) радьясѳ Алексейсѳ примитѳмайсѳ ещѳ на водзынджык, 1918 вося августын. Мыйла сийѳ первой лои коммунистѳн, а сѳсыя нин комсомолецѳн? Кутшѳм туйяс вайѳдисны сийѳс «Звезда» клубас? Кыдзи пукис Фоминлѳн водзѳ олѳмыс?

Корсьesyсьмьяс, аддзисьлѳмьяс,



Алексей Яковлевичѳс тѳдысь йѳзкѳд сѳрняяс борын тайѳ героической да сѳж жѳ уна сѳяскѳд ѳткодъ судьбаа сиктса зонкаыс йылысь меным мыйсѳрѳ лои тѳдса. Вель уна удайтчис тѳдмавын тшѳтш аслас Алексей Яковлевичлѳн казътылѳмьясысь, кодьясѳс сийѳ пасьявлѳма краеведческой музейса уджалысьсѳслѳн корѳм серти. Кор ме лыдди найѳс, А. Я. Фомин эз нин вѳв ловья.

Но сылөн олөмын уна вёлма сэтшөмторйыс, мый эськө бур төдны өния том йөзлы. Сы вөсна и йөздөді газетын коммунист-землякөн революционнөй томлун йылыс нейдкыд вист. Сэсса газетыс нин отсаліс аддзыны Фоминясыс чойяссө — первой Екатерина Яковлевнаёс (во куйм сайын кувис), бөрүнджык Агния Яковлевнаёс да Марья Яковлевнаёс, племянницаёс. Та бөрүн удайтчис йитчыны Всесоюзной книжной палатаса старшой редактор Ольга Алексеевна Кузнецовакөд, А. Я. Фоминлөн примитөм нывкөд. Медбөрти Подмосковьеса Удельная дачной посёлкын аддзысы В. А. Елисеёвкөд, кодй нүөдлөма «Звезда» клубын сийө собраннесө. 84 арбса тайө мортис пензёбдөс ясыд жөвөрөн, крепид здоровеён, шмоньлив сёрниөн. Сылөн совет серти ещө сёрниті Антонина Александровна Молодцовакөд, Наркомнацын медводдза коми представительяс пиысы өтикөд, 1918 вося июнысян КПСС-са членкөд.

Став тайө йөзыс отсалісны унатор стөмөдны да төдмавын А. Я. Фомин йылысы.

\* \* \*

Визин сиктысян некымын верст катыд, Мурашин тракт өтар-мөдар бокас, куткыртчөмабөс дас кымын керка — со и ставна Сорд грезд. Керка өшиньяс тамыша видзөдөны космывтөм туй вылө, кытй шочинника лэччывліены вёлөстө Чукаибса да Кебраса крестьяна, ёнджыкасө недоимщикьяс. Пемдөм бөрүн грездыс быттьө кулөма. Шоч керкаын дзузгө сартаса би.

Эз кыпыда овсыгосударственнөй крестьянин Яков Степанович Фоминлы, грездса ног—Парамон Яковлы. Ассыс көдза муяссө ковмыліс дөзбөритны асыя кысян рытья кыабзд да семья кодынас. Но во гөгөр кежлө нянь эз чукөрмыв. А пызан сайө пуксысыс эз вөв өтша; куйм ныв да куйм пи. Эз көсий Парамон Яков, медым и налы ковмис бать кок туйсө тальяны. Сийө чорыда эскис, мый гөль морт вермас аддзыны шудсө сөмын грамотаө велөдчөмөн. А мый вылө велөдны челядысө сылы, Парамон Яковлы? И бөрйис ныв-пиысы, ас думсыс, кокинджык туйяс. Ыджыд нывсө шуис сетны вурсьсыс сайө, шөр нывсө инавны сиктса төргөвеч лавкаө, а ичөтсө колыны ас овмөсас отсасысьён. Нинөм вөлі артавын гортса кынөмпөт вылө и пианысы. Ыджыдысыл тышкөтис велөдчыны вурсян делөө сибирачитысы мастеровійяскөд ветлөдлгөн, шөрьясө, Алексейсө, шуис сетны манастырө. Аслас гөрбөн помөдз гөгөрвоис Парамон Яков, мый му вөдитөм помысы пөт он ло, да, оз кө эновтны челядыс бать позсө, шудсө налы не аддзыны.

Но кадыс вөчис ассыс уджсө, сийө юасьтөг пырис-писькөдчис йөз ве-

жөрьясө. Сөмын медя ыджыдысыс мөдөдчылісны Яков Степановичөн индылөм туйөд. Да и тайө кывзсысьөмыс бөрүнджык бергөдчис мөдарө. Ыджыд пиыс, Александр, збылысы веліс зимбөритны Визинса вурсьсысыскөд, а Уралса рабочійяс пөвстын бергалыштөм бөрүн лөктис еймөс и царсө ёрысьён. Да, кадыс вөчис ассыс уджсө. И абу шензьян, мый Яков Степанович ачыс 1917 вося октябрын ыджыд пиыскөд өтвылысы лон революционнөй Питерын... Но а сэк, кор сийө ас ногыс индавліс челядысылы олан туйяссө, Октябрлөн кыаыс эз на тыдав. Та вөсна и ыджыд нылыс, Агния, эз на жө сувт бать вөлысылы паныд, петіс вурсьсыс сайө. А бөрүнджык муніс аслас «благонерной» днысы.

Аддиз Парамон Яков, мый челяд оз нин көсийны батысяныс моз сьодас овны. Найө көсийны велөдчыны, ас вөжөрнаныс пиыскөдчыны мездлун йылысы мөвпясланы, кодыяс кутыны нин гөвкьявын сындөс. Сөмын велөдчынытө вот вөлі пөшти некыдзи. Стөдчжыка кө — нинөм вылө вөлі уна тшупөда школасө прөйдитны. Сиктса начальнөй школа, сэсса кык класса начальнөй училище — Визин вөлөстяс медя ыджыд учебнөй заведенныс. Водз — сө верст сайын, Усть-Сысольскын велөдчы, кыз кө зептыд... Шылыыд сюрья йылысы ярманга дырйи дона козин судзөдөм коды жө. Кодлөн «көрт кок» эм — кавшасяс, кодыкө-кодыкө, гашкө, сөнсө орөдтөдз зэлөдчас да тшөтш судзөдчас, а унджыкысылы сідз лөө ышлолавын.

Сөмын медя асыра пиыс, Алексей, көсийс көтө мый, а водзө велөдчыны. Дыр төлжуйтисны семья кодынас, кыдзи да мый. Көсийсны нин гортас колыны: кыдзи сө верст саяс өтнас куас овны? Гижны-лыдысыны тай, слава богу, велаліс. Но мамыс сувтис Алексей дор. Сийө дась вөлі тышгьявын, но велөдны сусь вөжөра писө.

И батыс дөдлаліс вөвсө, пуксьөдис Алексейсө да нуис Усть-Сысольскө. Вөлі 1912 вося август. Уезднөй карын сэки вөліны мужскөй гимназия, карса училище да ремесленнөй училище. Гимназия, гөгөрвоана, абу гөль крестьяна челядылы. Фоминсө примитисны карса училищөб. Батыс муніс земскөй управаө отсөг кеммыны. Дыр ковмис сукар да ва вылын виччысыны Алёшалы казеннөй стипендиат. Сөмын велөдчан во шөрсян индісны сылы нөль шайтөн төлысы.

Тані Алексейлы медводдзаыс ковмис думыштчывын, мыйла өтиясылы сылөмөн овсөб, а мөдьяслөн и кынөмыс оз пөтлы. Но эз на гөгөрво, мыйла. Сөмын содіс озырьяс динө лөглуныс да ылькнитліс орөсө Кырув көдж днын гимназьясыскөд тышкасиясө. Тшыг нысьө пөт да пыр омөль паськөма, Алексей Фомин 1915 воын помаліс училищөсө. Но специальность и та бөрүн на эз шед.

Кывліс, мый позьб велёдчыны учитель Вологодской губернияс Никольск карын...

Вузалисны куканьсё, мыйкө мында вий, удждысны — чукөрмыс 25 кымын шайт. И со, мөдысь нин Алексей петё ылі туйё. Усть-Сысольскөдз бара батыськөд, сөсся Великой Устюгөдз пароходн, а вөдз — матё 180 верст — подөн. Пельпом вылас книга да кблуй тыра ящик. Джны туйсё восьлалөм бөрүн зонка эббэсыс петіс, пуксис туй бокас да забеднбысла бөрддзис. Мыйла нё сылы сэтшөм сьёкдз велёдчыны? Мыйла оз вермы шванвидзы со эсийё господин мозыс, коді пукалё вөтөдысь пролетка-ас?

Но... буракө, сийё сувтөдө вөвсё?! Алексей чышкыштіс синвасё, горшас кайысь гөрөдыс төдлытөг личалис. Муньсь моргыс, вёлмакө, чиновник, служба могъясөн ветлөдлө. Пуксёдліс Алексейсё туй вөждз. Бөрынджык нин зонка гөбрвоис, мыйла пуксёдлөма сийёс чиновникыс: медым петкөдлыны, мый крестьянскөй детинка — нидзув, мый сийё некор оз ло чиновникон, государственный мортөн. Оні скөрысла нин Алексейлөн быттьё содс эббэсыс. Сийё вөлі дась восьлавын Никольскөдз, лбсьдчыны экзаменъяс кежкө, велёдчыны учительскөй семинариян, медым сөсся велөдны ас коддьмсё.

Но семинарияё Фоминёс примигісны стипендиятөг, а тайё сылы откажи-төм кодъ жё вөлі. Некымын төльсы пессөм бөрүн лон эновтчыны. Фомин қоли төдтөм карын дзик өгнас, зептас грёш абу. Корсис удж, и, кызди ачыс первойсө чайтис, сылы шуд усн. Фоминёс босьтис аслас канцелярияё Никольскөй уездса податъ чукөртгыс инспектор. Алексей переписывайтис бумагаяс, новлөдліс почта, пес пилитис да поткөдліс, пач ломтис, дөзбөритис инспекторльс вөвсё, водитис сылыс мусё. Та вьлө вөдзё узьліс кухняс, нуръясис медся омөлик вөлгадн да босьтис 3—5 шайт жалобаньё. Кык во чөжөн эз нақовит весиг гортас бөр мунөм вьлө. Код төдас, дыр-ё эськө ковмис Фоминлы лоны таштөм канцелярскөй батракнас, эз кө пуксыс 1917 во. Уездной карын вежсьбөмъяс индिसны коми зонкалы туйсё. Сийё муніс крестьянскөй да солдатскөй депутатсьлөн сөмын на котыртөм уездной Сөветё. Счетоводъяслөн курсъяс бөрүн Алексейёс индөны Сөветлөн продотделё. Тані Фомин адзьсёб Вологодскөй губисполкомса членкөд, аслас земляк, Усть-Сысольскөй уездса связъ кузя комиссар Алексей Кузнецовкөд. Комиссар висътавліс, мый вөчсьё Коми муын. 1918 вося тульсын медводдза пароходнас жё Фомин локтис гортас.

Веськаліс сийё чужанинас шызбөм кадб. Крестьянскөй да салдатскөй депутатсьлөн Визин вёлбсьса съезд бөрйё Фоминёс Усть-Сысольскөй уездной съезд вьлө делегатөн. А сәні сийёс бөрйёны упродкомса членөн. Продовольств-

венной комитетын уджыс сәки вөлі зэв сьёкд. Уездын тшыгъялісны, өткымын вёлбсьяс дзикөдз орысны няньбсь. Продкомса том член (а сәки сылы вөлі сөмын 20 арбё) зыла босьтчис удж. Котырталіс комбедъяс, продотрядъяс. Арталісны быд пунт нянь. Алексей Фомин эз өтчөд паньд волы и смертькөд. Сидз лон Айкино пристаньын. Сөтчө сийё нүөдс ичөтик продотряд, кодбс ачыс котыртис. Колё вөлі босьтны пристаняс сулалысь нянь тыра баржа. Кулакъяс төдмалөмабсь нин баржа да продотряд йылысь — усбөдिसны крестьянабс отряд вылас. Сылысь пыжбө кагуньгысны ю шөрас. Эз удайтчы ставныслы спаситчыны. Но отряда том командир петіс и сяммис висътавын крестьяналы, мый колё вөчны. Нянь баржасё вөлі мөдөдөма тшыгъялысьясы.

1918 вося августын А. Фоминёс примитисны РКП(б) радъясё.

Сийё кадас ёна ловзисны Усть-Сысольска том йёз. Ньв-зон гижсялісны ЧОН-ё, нүөдисны культпросветительной удж, отсалісны Сөветъяслы тышкасыны тшыгъялөмкөд. Кор воис том йёз союзъяслөн медводдза всероссийскөй съезд йылысь юбр, Ф. С. Чумбаров-Лучинскийлөн велөдөм серти карса том йёз күтис өтувтчыны кружокъясё, союзъясё. Том беднякъясёс өтувтөм йылысь мөвпъяс чужлывлісны и Фоминлөн. Содтөд нин сы вөсна, мый Кырулын вөлі нин «Шонді югоръяс» культпросветкружок, көні нурщикалісны Саша Забоев, Ольга Родева да Миша Харапов.

Но карын некод эз төд том йёза организациясьясыс устав нин программа. Отсөг вьлө бара воис Алексей Кузнецов. Кыдзкө өти партсобрание бөрүн Фомин висъталіс губисполкомса членлы асесье мөвпъясёс, Кузнецов пөся ошкис найёс. И том коммунист мөдс уджавны. Сёрниталіс төдса ньв-зонкөд. Чукөртгысны өти керкаб, коді вөйдөр вөлі чиновник Томашскийлөн. (Тайё семья вылас зэв бура төдчис, кызди революция юкис йёзсё. Томашскийлөн, Сөветскөй властылы паньд сувтись мортлөн, пиыс лон народной власть дорйысён). Локтисны сөмын өта-мөднысө төдсьяс: А. Бобина, Л. Прокопьева, В. Попов, М. Коданева, А. Фролова, Г. Филиппова, мукөдъяс. Ставынсы гижисны культпросветкружокө да шуисны сийёс «том йөзлөн союзё». Александр Бобина велөдчлөма Усть-Сысольскөй женскөй гимназиян да вөлі медся грамотнойөн. Мелі чужөма да кыввора, сийё вөлі пидди пуктанаджык. И кружокө өтувтчьясёс бөрйисны Александрабс асланыс «союзса» секретарөн (бөрынджык А. Я. Фоминлөн да Александр Константинвалөн төдмасбөмыс вуджис ыджыд дружбаб да радейтчөмө. Найё гөтра-сисны да нэм помөдзэс вөліны өтла-ынёс).

Эз вөвны членскөй билетъяс,— шуисны печатайтны типографиян. Коми

комсомолса ветеран М. Н. Харапов эскөдө, мый крайын тайб медводдза комсомольскый билетяссө лөсөддс буретш Алексей Фомин. Аслыс сылы везькалс дас бкмысөд номера. Тайб руд билетес и эм өнн краеведческый музейын, сийсө донаторийс моз нэмсө видзис Алексей Яковлевич. Билетсө кырымалма А. Бобина. (А вермас лоны, мый билетес абу 1919 во заводичигөнс. Од сөнн индөма абу сетан лунсө, а комсомолө пыран кадсө. И культпросветкружокса уджсө сыйбмабсь жö комсомольскый стажб. Но вермас лоны, мый тайб билетсө А. Фоминлы сетисны кызди комсомолецны нин 1920 воын, карыс белбйясөс бөр вöглөм ббрын: öдыс билетяссө сетны абу везьявлöмбсь. А Бобинаыс секретарнас вöвлöма ббрынджык тшöтш и карса комсомольскый организацияс. Сидзкө, колö на тöдманны, культпросветкружокса—союзн жö öд шуисны асьныс!—членлөн али комсомолецлөн нин тайб билетес? Комсомолса ветераньяс, кудьяскöд ме сёрнит, стöча шуны неқодарö жö эз кужны.) Союз нуддс карын культурно-просветительной удж, котырталс том йбзлы рытьяс, лекцияяс, частб чукöртчылысны асланыс собранияс вылө «союзяс» членьяс.

1919 вося арлань гражданскый война паськалс зэв ёна, сылөн гыс матыстчис Усть-Сысольсклян. Но том йбзсө тайб эз повзбд. Мöдарб, ныв-зон эз кбсйыны кольны социалистическый республика дорьян делöбсь бокин. И РКП(б) Северо-Двинскый губком (Усть-Сысольскый уезд сэки вöл пырö Великый Устюг столицаа Северо-Двинскый губернияб) 1919 во сентябрь 17 лунся постановлениеын тшöктис «губернияс став коммунистическый ячейкаяслы котыргны местаяс вылын Коммунистическый Том йбзлыс Союзяс, кытчö колö сидзжө пырны став коммунист ёртьяслы 25 арбсöдз».<sup>1</sup> Интереснö танн пасйыны, мый партия да комсомол костын йитöдьяс йылысь «öтувья индöдын» (1919 вося август) РКП(б) ЦК да РКМС ЦК шулысны мöд ногджык: «РКП-са став членьяс 20 арöдз обязанбсь пырны Том йбзлөн Российскый Коммунистическый Союзб». Сидз али тадз арлыд кузьяс, но тайб индöд сертыны том коммунистьяслы колö вöл лоны РКМС организацияын «основной ядрöб»<sup>2</sup>.

Партиялөн Усть-Сысольскый уком да Пинево-Печорскый крайса штабыс политработникьяс босьтчисны öтувтны уездной центра том йбзлысь культпросветкружокьясö, медым котырны Комиын медводдза комсомольскый ячейка. 1919 вося октябрь 28 лунö найб корисны чукöртчывыны карса том йбзс. Рытнас ныв-зон локталыны Трехсвати-

тельскый уличывьса «Звезда» клубб (өнн Коммунистическый улич вылын мебельной магазин). На пöвстын и Алексей Фомин, том коммунист.

Залсыс Алексей аддзис и олма йбзс. Локтöмбсь тшöтш кывзыштны. Том йбз абу на ставныс тöдсась, сувталöмбсь рбмыд залас чукöрбн-чукöрбн. Кывсö, сёрнитöны, мый Елисеев, Пинево-Печорскый крайса штаблөн политотделяс агитатор-организатор, кбсйб висьтавыны мыйб вильтор том йбз йылысь. Цена вылын ломзбдидсны лампа. Алексей аддзис пызан сайсыс нумсера тöдса чужбм—партия укомса секретарь Виктор Алексеевич Савин. Председателявны, тыдалö, кутас. Савин восьтö собранисö да сетб кыв Елисеевын. Василий Тимофеевич пыр жö петö водзö, залын шумьс лөнбö, чужöмьяс бергöдчöны докладчиклань.

— Ёртьяс, ме талун кута сёрнитны том йбзлөн Союзяс йылысь.

Алексей сетчытис водзлань. Ныв-зон казялысны, мый сёрныс пансбө кöть и абу зэв гөгөрвоана, но налы матысатор йылысь, да кутисны писькöдчыны воддза радьяслань. Залас гөвкьялб табак тшын, сьбкыд лоланын, но йбз сюся кывзбны Елисеевс. А сийб висьталö и висьталö, мый РСДРП аслас квайтöд съезд вылын на примитис «Том йбзлөн союзяс йылысь» резолюция, сөсся вöл партия VIII съездлөн решение, мый во сайын вöл рабочой да крестьянскый том йбз Союзяслөн медводдза всероссийскый съезд. Докладчик чуксалö дорйыны том республикабс белогвардеецьясыс да интервентьясыс, тышкасны кулакьяслы, меньшевикьяслы, эсерьяслы да буржуазной националистьяслы паньд. Том йбз пысь öтияс пö сетбны олмныс гражданскый правояс вöсна, а мöдьяс сöмын пöльзуйтчöны найн...

Сэсся сёрнитис партия уком бюроса член А. А. Маегов.

Со кыв бостис ачыс собранисö нуддысыс, Виктор Алексеевич.

Йбса чуксалö пырны РКМС радьясб партия уком бюроса член В. П. Юркин.

И пыр жö заводитöны гивавны, кодн кбсйб. Унабн повзисны. Муналöны и найб, кодьяс волисны сöмын «йбсö кывзыштны». Клуб тыртöммö вель öдйб. Öтияс муналöны, но мöдьяс петöны пемыд пельбсьясыс водзö, көнн югыдджык. Найб писькöдчöны билань, локтöны гижсыны комсомолö. Алексейлы зэв нимкодь, мый примитöны и том коммунистьясбс.

Кольчачисны сöмын найб, кодьяс гижисны. Кызь витөн. Тайб комсомолецяс нин, Комиын медводдза РКМС ячейкаса членьяс. Алексей лыддбөдлө:

<sup>1</sup>«Комсомол Коми АССР в документах», Сыктывкар, 1973, 24 лист бок.

<sup>2</sup>«КПСС о комсомоле и молодежи», III издание, «Молодая гвардия», 1962, 8 лист бок.

— Сизим коммунист, дас ныв, дас школьник, кырувсаяс, тентюковсаяс... Бур!

Шуисны бөрйны кум мортыс бюро. Прөйдитисны Николай Кедровский, Кланя Лукашевич, Миша Ползунов. Ячейкаса председательлөн лои Ползунов.

Раздчисны бөрйсыбмьяс бөрас. Том сыблөмьясаньс дыр на эщö эз лөныны кутибмкө абу на зөв гөбөрвоана, но ышодана чувствояс. Алексей кылс, мый сөмын өнi прамбя босытчö сийб колана да выль делбас, кодi сийбс важбөнкөд нин кысина. Водын вöли удж. Ыджыд удж: быд вежон кык собрание да эщö комсомольскöй поручениес вөчөм йылыс быдөнкөд торья сөрни. Вөскресенньясö — митингыяс да вөскресникьяс. Мукөд рыгыясö — карын культурно-просветительнöй удж, сөсся ячейкалөн политическöй, театрально-музыкальнöй, хорөвнi либö спортивной секцияяс пипись өтиб ветлөдлөм. Алексейлы ставыс тайб — уисполкомса продкомитетын төждөн тыр уджыс выты. Но эз волю мөвп эновтны, ылөдчыны тайб делөсыс. Мөдарб, вöли ыджыд пьс ксйөм лоны пыр том йөз пөвстын.

Да, ыджыд удж. Думайтан өнi, пöшти 60 во мысти, налөн делөяс йылыс, и прөстөйбн да зөв гөбөрвоанабн лөоны сөштөм кывьяс, кызди «тревожнöй томлун», «бушкала вояс», «беспокойнöй сыблөмьяс». «Звезда» клубын тайб собраниелы кум во тырингөн нин Миша Ползунов шуас, мый Коми комсомоллөн тайб медводдза «клеточкасы» быдмис мускулөдз». («Югыд туй» газет, 1922 вося октябрь 29 лун.) Видзöда «Комсомол Коми АССР в документах» сборникын РКСМ ячейкаса председательлөн снимок ылө. Пидзөбсыс ылынджык гөлена пимиа, векни тасмабн вөнйалөм курткаа, юр ылас пуктыштөм картуза. Медым кажитчыны чинаджыкөн, пель динас топбөма телефон трубка. Видзöда да думайт: эм мый бурсö босытны мянны тайб зонкасылыс. Торйөн нин мянны, том журналистьясы — Красноярскöй крайса зөв опытной журналист М. П. Ползуновлыс, кодi уджалс газетын аслап пöшти медбөрвэ здукөдз. Кувьсöма сийб 1974 вося декабрын.

Усть-Сысольскаса ячейка лои кос поводяб восяса би кодь: комсомольскöй организацияяс өта-мөд бөрсыс кутисны котырчыны Нювичмын, Визинны, Усть-Ухтаын, Кырулын... На пипись өткыминөн нуөдöны гуся удж и белöйяс дырин. Уезднöй кар бөр мездөм бөрлын комсомолö пырöны пыр выль и выль йөз, кодьяс ксйöны тышкасыны Советскöй власть вöсна. 1920 вося мартын РКСМ Усть-Сысольскöй организация сөмын кум лунөн мөдөдс Аньбскöй фронт ылө 52 членс. Первöй комын мортыс гижисны кык часөн!

И том йөза делөсынн зөв зила пыр участвуйтö коммунист да комсомолец Фомин. Оз весышөрб партиалөн Усть-Сысольскöй уком 1920 вося тулыс, кор решитс котырты комсомолецьясыс медводдза уезднöй съезд нуөдөм могыс оргбюро, тайб бюрас инды В. Поповкөд да Н. Пипуныровкөд тшөтш А. Фоминс. Май 20 лунө съездыс бөрйб комсомоллыс уезднöй комитет. Укомса членьяс лыдын и Алексей. Аскинас весыкыда съезд мунан залыс 15 делегат мөдөдчөны Луныв да Польскöй фронтяс ылө.

Войвылын гражданскöй война помасбм бөрүн панисны комияслөн автономия торйөдчөм йылыс сөрняс. Вөзмбөтчысынас лои партиалөн Усть-Сысольскöй уком. 1921 вося январын влө Коми муса коммунистьяслөн медводдза съезд. Делегатяс шыдчисны Советскöй правительство динө, медым комияслы лэдзисны өтвучыны. Но съездөдыс на РКП(б) Усть-Сысольскöй уком ыстө А. Я. Фоминс Архангельскöй да Вологдаб, медым чукөртны материалъяс, кодьяс эськө вермисны ковмыны Коми автономия лөсыдигөн.

Алексей Яковлевичсө съезд ылас бөрйис Усть-Сысольскöй уезднöй партконференция. Сэк кежлө сийб лои нин партиалөн зумьд бөөчөн. Съезд ылын А. Я. Фомин решительнө паныдалө Наркомацьясы Зырянскöй отделса председатель Д. А. Бативельсы национал-шовинистскöй сөрнясыс. Сийбс бөрйöны РКП(б) обкомса членө кандидатөн. Кандидатьясы влөи тшөктөма «өнi жö босытчыны асланыс могьяс». Съезд бөрйө Фоминсө сдз жö обревкомлөн президиумса членөн. 1921 вося июнь 18 лунө обревком асла заседание ылын вынсыдө «кустром обсоозлыс временнöй правление». Председательлөн индöны Алексей Яковлевичсө.

1922 вося январын мөд областнöй партконференция бөрйб сийбс партия обкомса членөн, а Коми автономнöй областьса Советьяслөн первой съезд, кодi влөи сийб жö төлысынас, — облизполкомса членөн. Кыдзы облпотребсоюзса председатель А. Я. Фомин влөи тайб съезд ылас докладчикьяс пипись өтиөн. Сийб висталс делегатьясы Коми потребкооперация котыртөм кузя медводдза воськовьяс йылыс, кушөм отсөг локтö областьлы центрсян, кызди чукөртны экспортнöй сырьб.

Коминын кооперативнöй общество лөсыдөм могыс Алексей Яковлевич уджалб збылыс музз төдтө. Облпотребсоюзөн сийб вескөдлө некмын во, и сийб каднас областьса кооперация өна отсалс лөвзөбдны крайса өвмөс. Öтшөтш Фомин важ мөз влөи областьса медяса активнöй партиинöй да советскöй работникьяс лыдын: нуөдө ыджыд удж, частö да уналат ветлөдлө, выступайтö партиинöй да советскöй строительство, НЭП, партиалөн национальнöй поли-

тика кузя. Сійё вöлі стрöгөн ас днас и ёртъяс днас, кор колö, но некор эз вунöдлы, мый быд уджалысь — сійё медводз морт. Со партархивын лыддя Алексей Яковлевичлысь партия обком бюоролы 1928 во октябрь 20 лун-ся докладной запискасö (сэки сійё ачыс нин вöли обком бюороса членöн), кони чукаслö бюороса ёртъясöс «лöсьöдны спокойной да дружной уджалан обстановка». Колö шуны, мый сійё гыа кадас тайö унайнлөн эз артмыв.

А. Я. Фоминлөн кöть и вöли юр выв-тырыс удж, том йöзысь воддза моз эз öтдортчы. Весиг этша кольöм доку-ментъяс зев бура висьталöны та йы-лысь. Со вьдлала Сыктывкараса 25-öд школаысь следопытъясöн лöсьöдöм фотоальбом, кони висьтавысь Коми пионерской организациялөн историйяс. Важ фотографияысь вöчöм öти копия петкöдлi Фоминлөн чойяслы. И найö пыр жö тöдiсны воксö. Снимокыс, тыдалö, 1924 вося. Сэни А. Я. Фомин снимайтöма пионерской отрядкöд, коды сöмын на сетöма Гёрд знамя.

«Комсомол Коми АССР в докумен-тах» сборникын лыддя «правдой опас-ностьякд тыш йылысь ВКП(б) обком бюороса член А. Я. Фоминлөн доклад серти» ВЛКСМ Печорской укомлысь резолюция. Интереснö эськö вöли стöч-джыка тöдны, мый йылысь жö Печора вывса комсомолецъяслы 1928 вося декабрь 20 лунö (сборникас индö-ма протоколыслысь ВЛКСМ обкомö воан лунсö — 1929 вося февраль 19 лун) висьталiс медводдза коми ком-сомольцьясысь öти? И КПСС коми об-комлөн партархивысь адзни сійё ком-сомольской пленумыслысь прото-колясысь. Лыддя первой вопрос кузя («Комсомолын правдой опасность йы-лысь») доклад серти пасйöдъяс, кодъя-сöс вöчöма, тыдалö, зев на том киöн, но докладчиклысь шöр мөвпъ-ясöс гижалöма ясыда. А. Я. Фомин вочасöн висьтавлöма социал-демокра-тической движениеын öкмыссöд воясыан вöвлöм левöй да правдой уклонъяс йылысь. А доклад бöрын сёрнияс серти пасйöдъяс петкöдлöны, мый «великой голодранецъяс» вöлöма-öсь абу зев грамотнойöн. И пленумлөн резолюцияын бара тöдчö опытной ёртлөн

кыяс: медым нуöдны «правдой опасность-кöд ещö чорыджык тыш», укомса членяс лыддöбны коланабн быд комсо-мольцы велöдчыны, сы вöсна мый «ре-волюционной теориятöг, классöвöй тыш тöдмавтöг, ленинскöй выучкатöг ми ог сяммöй гöгөрвоны социалистической строительстволысь сыбкыд вопросъяс-сö».

Öти документ, кодi висьталö Алек-сей Яковлевичлөн некымын час йылысь. Колö чайтны, мый ВКП(б) обком бюороса член да облпотребсоюза председатель ылi Печорской уездö командировкаас мунiс мөд, гырысь да кыв кутана, мөгъ-ясөн. Но и комсомоллысь делбяссö сійё лыддöма асласөн.

\* \* \*

1929 восян А. Я. Фомин Москваын, сійё Центросоюз правление бердын на-циональной бюороса член. Сэк кежлö сиктса пöшти став торговляыс лон нин кооперация кыин. Содöны товарообо-ротъяс. Алексей Яковлевич пыр тшö-кыджыка казялö, мый аслас «высшöй начальной образованиён» да сэсса вой-ясö ас наукөн велöдчöм кежысь сылы сыбкыд. 1931 воын пырö велöдчыны Всесоюзной плановой академияö. А. Я. Фоминлы и велöдчöмысь вöли кыв ку-тана поручение код: академиясö помалiс отличиебн. Уджалис СССР-са Гос-планын, лон ыджык экономистöн. 1938 воын сийёс индöны Бурятской АССР-са Госпланö председателён да öтшöтш тайö республикаса Министръяс Советысь председателёс вежысьөн. Сэни Фомин уджалiс öкмыс во. Война бöрын сийö вель дыр веськөдлiс СССР-са да РСФСР-са Госпланъясын секторён, вöлi кыв кутана уджыяс вылын СССР-са Министръяслөн Советын. Медбöръя во-яссö веськөдлiс РСФСР Госпланлөн на-учно-исследовательской экономической институтса секторён.

Кувсис А. Я. Фомин 1964 воын Моск-ваын.

Аслас интересной оломысь — а сийö асысь лыддылöма медся шуда йöз пи-ысь — Алексей Яковлевич нэмсö бурён казътывлöма комсомольской да партий-ной школасö, кодъясöс сийö «помалiс» Усть-Сысольскын да кодi сылы нэм кеж-лас сетiс коммунистлысь сям.



Федор ЩЕРБАКОВ

## ПОЭТ, ГРАЖДАНИН, САЛДАТ

А. П. РАЗМЫСЛОВ ЧУЖАН ЛУНСЯНЬ  
60 ВО ТЫРИГКЕЖЛО

Коми йӧз бура тӧдӧны Ананий Прокопьевич Размысловльыс нимсӧ. Сійӧ олӧс зэв регыд — сӧмын 28 во, но колӧс ас йӧвсьыс югыд память кыдз поэт, и кыдз морт.

Тӧдса, мый комынӧд воясӧ, кор йӧзӧдӧс первой кывбурьясӧ Ананий, миян литературан вӧли на уна тырмытӧмтор. Сійӧ и гӧгӧрвоана: сьӧд вӧрыс пӧтӧм поэтъяслы некодлыс вӧли велӧдчыны. Кодӧ кыдзи кужис, сӧдзкӧн и гижис. Туйсӧ пьськӧдӧсны Нӧбдӧнса Витор, Тима Вень, Михаил Лебедев, Виль Паш. Найӧ сӧк вӧлісны Комиын нималыс поэтъясн и сӧвмӧдӧсны литература, кӧть и налӧн вӧліны слаб местаяс.

Но коми литература век сӧвмис водзӧ. Сӧтчӧ локтӧсны выль йӧз.

1931-ӧд воын миян пасйисны Коми автономиялы дас во тырӧм. Тайӧ да таяслы синс да йӧзӧдӧс «Ударник» журналын Ананий Размыслов ассьыс медводдза кывбур — «Дас». Сӧні вись тавсӧд:

«Олӧмыс кольӧмсӧ казтьӧ,  
Комилы пукталӧ пас.  
Видзӧд, кыдз коми му пасьята  
Зарниӧн дзирдалӧ дас!»

А со «Трактор гор» кывбурьыс куплет:

«Кын репысьӧн кӧдзыдыс крапкӧ,  
Кузь коз пулӧн дзормӧма тут.  
Сук вӧр пӧвсттӧ грымӧдӧ трактор,  
Виль олӧмӧ вӧсьтӧ выль туй!»

Нӧль строка, а мыйта сэн шуӧма! И став серпасӧ тӧ аддан аслад синмӧн. Найӧ ловъясь, олӧны.

Эз больгӧм туйӧд Размыслов мун. Сійӧ мунис кывбур мастерьяс туйӧд, налӧн образьяс серги. Сӧдз кӧ, Емдӧнын мӧд тшупӧда школаын велӧдчигӧн эз вӧсьӧрӧ лыддыс Пушкинӧс, Лермонтовӧс, Есенинӧс, Блокӧс, Брюсовӧс.

Сӧсся Ананий помалӧ Коми книжнӧй издательство бердыс литработникьяслыс курсьяс. Та бӧрын мунӧ велӧдчыны Вологдаса автодорожнӧй техникумӧ. Сӧні, дерт, гижысьясӧс эз велӧдны. Но Ананий гижӧмыс эз ӧновтчы. Гижис и кадьяс кадӧ печатайтчис комӧ журналын да газетьясын. Позьӧ шуны, пӧшти унджык гижӧдсӧ, кодьяс бӧрынджык пырисны сборникас, велӧдчигас и вӧли гижӧма.

Вологдаын сійӧ велӧдчис 1933-ӧд восян 1937-ӧд вӧбдз. Помалис зэв бура. Кор воис Сыктывкарӧ, ми вӧлім тӧдсабсь нин. Тӧдмасим 1936-ӧд вося июль тӧлысьсӧ, кор сійӧ волӧс каникулъяс вылӧ. Ме сӧк уджалӧ «Вӧр лӧдзыс» газет редакцияын. И вот ӧти дунӧ локтис кутшӧмкӧ зон да сӧрнитӧ Егор Васильевич Колеговкӧд. Дыр варовитисны. А кор мунис, Егор Васильевичлыс ме юали: «Кодӧ нӧ сійӧ волӧс, ӧчка, руд синьяса, латшкӧсник тушаа, русыд зонмыс?» Сійӧ вочавидзис: «Том поэт Ананий Размыслов».

Рыгъявывнас ме сійӧс адззи карыс и пыр жӧ тӧдмасим. Тайӧ кадсян сӧсся миян дружба эз куслыв.

Сійӧ вӧліс шензӧдана, думайтыс морт. А сӧрнитгас вом дорас век ӧйис кокныдык нюм.

1937-ӧд воын ми ӧтлаын пасйим на ордын Великӧй Октябрь. Сӧки и тӧдмаси бать-мамыскӧд.

Батьыс — Прокопий Михайлович — вӧли зэв сӧрниа морт. Шмониттӧг овны сійӧ эз вермыв. Сӧки узатор вӧсъялис ас йӧвсьыс. Бать-мамыслӧн найӧ быдмӧмаӧс нӧль вок да кык чой. Эз вӧв кокни та ыджта семьясӧ вердны батыслы. Та вӧсна и водз ковмис Прокопий Михайловичлы мунны ас нырӧн корсьны кынӧмпӧт.

Прокопий Михайлович зэв бура ворсис балалайкаӧн, ачыс гижавліс кывбурьяс. Петкӧдліс сӧк быдса блӧжнот, кытчӧ найӧс вӧли гижӧма салдатын служитгас. Сылӧн кывбурьясыс кылӧсны войналы паныд думьяс, революция виччысьӧм.

Поэтлӧн мамыс — Евдокия Павловна

(ѳні на ловья) — зэв рам да лабутнѳй, бур сьѳлѳма ань, кодї чужлѳма сїѳѳ жѳ Паль Сотчѳм сиктын.

Техникум помалѳм бѳрын Ананий мыйкѳ дыра уджалїс Сыктывкарын, а сэсся мѳдѳѳдїсны Обьячевскѳй доруправленїеѳ технорукѳн. Мурашинскѳй тракт вѳлїс некытчѳ туйтѳм. Колїс сїѳѳс стрѳитны, ныйтсѳ пыкны лыаѳн да каржаѳн. Не сѳмын ныйт, но и нурьясѳ. А техникаыс — сѳмын кѳрт зыр да ѳднѳ-колка-телега. Тайѳн уна он вѳч. Эштїс-ѳ сѳк Ананий гижны кывбурьяс? Сїѳѳ вѳзыыс, медым лѳдзїсны литературнѳй удж вылѳ.

1938 вося ноябрын Ананий воис Сыктывкарѳ отпускѳ. И пыр жѳ локтїс ме ордѳ. Пукалїм ми рытбыд, лыддїм Есенинѳ. Ананийлы зэв сьѳлѳм вылас вѳлї вѳѳ сьлѳн «Анна Снегина» поэмаяс. Сїѳѳ шензыны эз вермы поэмалѳн прѳстѳй, быдѳнылы гѳгѳрвоана кыв вылѳ, сьлѳн эмоциональность, правдивость да революционнѳя горалѳм вылѳ.

Мѳд асывнас ме сїѳѳс бара виччысы, а сїѳѳ эз лок. Регыд мысты воис письмѳ Паль Сотчѳмсян.

Сїѳѳ сѳн гижѳ:

«Кыдз тѳдан, ме пышїн карысѳ. ѳні наслаждайтча сиктса спокойствиеѳн, уджала поэма вылын. Темаяс — неуна обороннѳй, а главнѳйис — неудачнѳй любов. Заводитї гижны шѳрсняыс. Сы бѳрын кѳсѳя помавны да заводитны вылысы! Пока уджала гырыс темпьясѳн. Сѳмын талун гижї 165 строка. Татшѳм успешнѳя да кѳкнїа некѳр на эг гижлыв. Кута кѳ и водзѳ гижны татшѳм ѳдѳн, дун кык мысты поэма лоас дасѳ. Заводитлї сїѳѳс Обьячевоын нин, но колѳма сѳтчѳ, и ѳнї ковмас гижны вылысы. Зэв забѳдѳ, но вѳчны нинѳм; гашкѳ артмас бурджыка. Кутам надейтчыны. Уджалан настроенїе эм».

Аслас чужан сиктын Ананий гижис «Медводдза любов» поэма, дас гѳгѳр кывбур да ещѳ комиѳдїс Пушкинлыс «Разбойник вокьяс» да «Коломнаса керка» поэмаяс.

Сотчѳмвыисыс воѳм мысты Ананий бара вѳлїс ме ордѳ. Локтїс аслас поэмаян. Ми сїѳѳс гораа лыддїм. Ме шензыны эг вермы, сѳтшѳма мен мѳрчїс сїѳѳ сьѳлѳмѳ.

Тайѳд коми поэтьясѳн вѳлї гижѳма вель уна поэма: Виль Пашлѳн «Гудѳк», Владимир Латкинлѳн «Вильмѳдѳм луньяс» да слѳз водзѳ, но Размысловлѳн поэмаяс ѳна торьялїс наысѳ. Джуджыд мѳвѳн, ыджыд эмоциональнѳй вынѳн, образность. И персонажыяс сьлѳн ловьяѳсѳн, син водзѳ ясыда сувтанаѳсѳ. И ывда вылыс ставнас ловья. Отычыд лыддян и паметѳѳ нѳм кѳжлѳ колѳны и ачыс лиричѳскѳй геройис, код нимсянн мунѳ поэмаса став висьтыс, и сьлѳн мамыс, учительница Тая и колхозса вѳлѳм председателѳ Гриша.

Дыр вѳзыысѳм бѳрын Ананийѳс век жѳ лѳдзїсны туй вѳчан удж вылысы. 1939-ѳд вося июлын сїѳѳ воис Сык-

тывкарѳ, медым прамѳя босьтычыны литературнѳй уджѳ. Сїѳѳ уджалѳ Коми книжнѳй издательствоын художественнѳй литература кузя редакторѳн. Тайѳ воас республика пасїис первой коми поэт да коми литературнѳй кывлы подув пуктыс Иван Алексеевич Куратов чужан лунсян сѳ во тырѳм. Размыслов ыджыд удж вѳчѳ Куратовлыс кывбурьяс рѳч кыв вылѳ вуджѳдѳм кузя. Куратовлыс вуджѳдѳм кывбурьяс ѳнѳдз лыддысысѳны медбур переводьясѳн. Но ѳттшѳтшї сїѳѳ уджалѳ и Пушкинлыс коми кыв вылын кывбурьяс чукѳр лѳдзѳм вылын. Уна кад колѳ, медым быдлаѳ вевьявны. А сѳн нѳшта Иван Бокан вѳзїис сылы лѳдзын аслас кывбурьяслыс сборник. Сїѳѳс колѳ лѳсѳѳдны. Вылысы редактируйтѳг ассыс кывбурьясѳ сборникѳ суйны Размыслов эз кѳсїы. Сїѳѳ вѳлїс ас дорас требовательнѳй.

Коми книжнѳй издательствоысѳ сїѳѳс вуджѳдїсны «Коми комсомолец» газет редакциѳ редакторѳс вежысысѳн. Газетнѳй удж — оперативнѳй. Быдлаѳ колѳ вевьявны, быдлаѳ судзѳдчыны. Аслас виль произведениеис вылын танї тырбура эз жѳ вермы уджавны. Кызыннас бурмѳдїс важтысѳ да лѳсѳѳдїс сборник. И вот 1941-ѳд вося тулысын петїс поэтлѳн первой книга. Сїѳѳс вѳлї нимѳма «Медводдза любов» поэма нимнас.

Поэт кутѳ книжкасѳ кїас, нимкодьясѳ и шуѳ:

— Дерт, первой пыста вайѳ нимкодлун. Не сѳмын меным — быдѳнлы. Но колѳ гижны бурджык книга. Колѳ уджавны Степан Шипачѳв моз, Твардовскїй моз.

Тайѳ вѳлїсны мича думьяс. Но Европаын гымалїс война. Гитлер оккупируйтїс пѳшти став рытывыв, а сэсся веролмнѳя уськѳдчїс мян вылѳ. ѳнї колѳ вѳлї думайтны дзик мѳдтор ылысы. Ананий сувѳѳ боевѳй лад вылѳ да гижѳ кывбур — «Братаньяс». Сѳнї висьталѳ:

«Фронт вылѳ мунїс нѳль братан,  
Граница дорыс зырны врагѳс.  
Ме, витѳд, коли горѳѳ тан,  
Вѳр вѳчны коми парма ягын.  
Ми дїныс збойлунным оз мун,  
Ми вѳстын энѳжыс оз салмы.  
Фашисты шуда Сѳвет му  
Не тальны некодыр, не тальны!»

Тайѳ вѳлїс тыр оптимизма, победаѳ эскан да тышѳ чуксалан боевѳй кывбур.

Но витѳд «братан» эз дыр ов аслас гортын. 1941-ѳд вося июль 9-ѳд лунѳ нин Ананий мунїс фронт вылѳ. Ме сїѳѳс колѳѳдї Айкинѳѳдз. Кыкнанным шум: «Кѳдным колям ловїѳн, вайѳдны пѳрадокѳ литературнѳй архив». Ме ассым кывїѳс пѳртї олѳмѳ.

Регыд мысты мен Ананий гижѳ письмѳ. Сѳнї висьталѳ:

«Меным тѳд вылѳ усїсны мѳвпьяс, кодьясѳс висьтавлїс рѳч поэтьяс пѳвс-тысѳ ѳнї, мый сѳмын война условне-

ясын, фронт условиясын, мортлы терпимы вермытом сьбыкд условиясын митодмалам да гогорвоам збыль дружба-лысь став джуджтас.

Кутшомко курылдун солё сьблом выль, кор аддам, мый мирной кадэ ми тырмытома дружитим да радейтим. Онэ казалим и шогам, мый тырмытома ми ненавижитим ассыным врагьясёс. Но воис кад, медым враг юр выль шыбитны ассыным став логдунымёс, став обиданымёс чужан мунымёс быд ногыс кысьтомысь, мянлысь сиктыяс да карьяс кысьтомысь, советской йёз вылын кывлытома издавайтчомысь. Мянлы колё биа пёс сьбломн тышкасны, медым водэ выль ми, либё мян чойяс да вокьяс вермисны выль кыподны нёшта крепиджык да сётём муслун. Ме кута тышкасны нёшта ярджыка мян народлысь дружба да муслун ёнмодысь кывбурьяслон да сыланкывьяслон олём право вёсна».

И Ананий эз шыбит тайё кывьясёс төв йылё. Сийё тышкасыс, кызд салдат и офицер, честной, повтог, мужественной.

Армияё воём бёрын первой сийё вёли Архангельскын да Череповецын. Тани сийё петкөдлэ советской офицерлысь медбур чертаясёс: делё төдём, исполнительность, йёзкөд уджавны кужём, дисциплина. Командование сы выль кутис ыджид надея. Та вёсна сийёс ыстысны Высшой стрелково-тактической курсьяс выль. Война термөдлэс, дыр велөдчыны вёли некор. Кык төлысь мысти 1942-өд вося майын сийё вөлис нин Москва бердын, Солнечногорск карын. Тани ещэ велөдчө 20 лун и муно рытывыв фронт выль, Смоленщинаю.

Должностё индытөдз сылы вичмё неыджид кад, и сийё тан гижё ассысь медбөрья кывбур, кодёс вөли сйёма медья ичот вокыслы — Мишалы. Тайё кывбурас поэт висьталэс бать-мамыс вёсна төждысьём, казътыштит чужан муыслысь мичлунсё да синс вокыслы гажа челядь дыр:

«А тэ онэ сёмын сыыв да ворс,  
Налысь (бать-мамыслысь.—Ф.Щ.)  
сьбыкдлуньяс,  
гажөд, мичмөд,  
Вугрась, котрав, Осныкысь

мёс корсь,  
Эжа кырсянь пароходьяс видзөд.  
И мед некор эз босыт тэнэ шог,  
И эз нормыв сьблом тэнад могот.  
Гашкө таво гоём ог на лок,  
Но быть локта коркө, локта».

Уна бурёс ми көсйилам, но дзик мөдтор вөйё олөмыс. Мөдтор сийё вичмөдлэс и Ананийлы. Смоленщинаын сылы сетисны 335-өд стрелкөвй полкыс 3-өд батальонса 8-өд рота. Август 8-өд лунса аслас письмөбн батыслы поэт гижө: «Мян обстановкаыс ташшөм: луннас көтэ эн мычыв юртё — местаыс кыпдос вылын. Та вёсна, олөмон рискуйтө-

мөн, сёмын кыкысь сутки петавла командной пунктысь, медым прөверитны позицияс. Отчыдысь луннас да отчыдысь воинас. Тылкөд да мукод подразделениескөд лунын волысьмөн йитчывын оз позь. Фриц методическөя корсьё мянлысь командной пункт, но весьшөрб. Сылөн быд лыйём выль ми вочавидзам нель повстөн. Та вёсна онэ сийё неуна раммыштис».

Кызд командир, Ананий кыпөдчө и кыпөдчө. 1942-өд во сентябрын сийё юбртө, мый командуйтө батальонн нин. «Дерт, абу кокни,— гижө сийё,— но эм нин тырмымөн опыт да татшөм подразделениеас командуйтан навик и сьбыкдлуньясёс вена, ог көсийн кольчыны мукодысь».

Ананий муис армияё техник-лейтенант званиеөн. «Выстрел» курсьяс пыр муноём бёрын, көнэ велөдисны сийёс сёмын стрелково-тактической делөб, званиеёс эз содтыны. Сийё бара колис лейтенантөн. Тыдалө та вёсна, кор воёма старшой лейтенант, батальонсё сёся сетөмабсь сылы. Тайё жө воын ноябрь 4-өд лунса письмөбн сийё юбртө, мый «ю форсируйтөмысь висьталены аттьө, а сёся батальонсё сетисны старшой лейтенантлы. Онэ ме, кытчөдзкө, вольной стрелок. Нинөм вөчтөм пыдди дасья снайперьясёс». И сёся содтө: «Бөрья луньясё ми вуджим мөд местаю, Пензаса онэ сиктө».

1942 вося декабрь 12-өд лунё аслас Лина чойлы Ананий гижө:

«Некымын лун нин олам Дон юшөрса дэ вылын, тыр дасьбөс действующны. Олам пемыд землянкасын, кодыасөс кодйөма лыаас. Зөв көдзыд. Төвся паськөм пыр на вичысыам. Бипурьяс вчыны оз позь (көтэ и быдааын нялөбөн озыйны би кывьяс),— бомбитө и бомбитө. Прөтивник сулалө мянсянь сё метр сайын, ю веськыд берегас».

Тайё письмө гижөмянь нель лун мысти Ананий ранитчө веськыд кнас. Та вёсна гижө шуйга кинас. Письмөас висьталө: «Гижа, а аслам серам петө мистөм каракуляс вылас. Декабрь 16-өд лунё, кор ми вөчим пасьвартана удар Дон ю веськыд берег вылын укрепитчөм прөтивник кузя да заводитим зырыны сийёс рытывывыв, менсым ранитис веськыд кыс. Рана абу серьёзонй, но стройё сувта, буракө, төлысь мысти кымын сёмын».

Фронт вылын салдатлы некор эз вөв кокни. Но Ананий пыр кужис бать-мамсө да матысаясёс ышөдны долыд кывьясөн, некор эз норас сьбыкдлуньяс выль. Сийё гижө:

«Талун лоё төлысьсыс нин унджык, кызд ме вөли ранитчөма да куйла госпитальын. Бурда нормальная. Бөрья кадас усиленной занимайтча лечебной гимнастикаю, велөдча шамравны резиновөй груша да элөдала резина. Таысь кындзи, практикуйтча струнной инструментьяс вылын ворсөмөн да велөда кысө кутны карандаш. Бөрья уджас вер-

мѡмъяс ичѡтѡсь на, но бурмѡны луньсы лун».

Поэт ышѡдѡ бать-мамсѡ и думайтѡ аслас народ йылысь, сы водзын аслас уджйѡз йылысь. И сы вѡсна, мый война кадѡ эз вермы сетны колѡм мында печатной кыв, кѡритѡ асьѡ.

Вылын индѡм письмбас жѡ сйѡ гижѡ: «Чувствуйта коми народ водзын сѡ-вестылысь кутшѡмкѡ сьѡлѡм йирѡм, мый став война чѡжѡн ме эг сет ни ѡти печатной кыв. Меладорсян тайѡ зѡв мисьтѡм. Ранитчѡтѡдз кѡ ме оправдайчи занятѡстѡн да минимальной условнеяс тырмытѡмѡн, то ѡнѡ, госпиталь условнеясын, чайтсѡ, некутшѡм мытшѡдъяс абусѡ. Та вылѡ видзѡтѡг, меѡн эз вѡв гижѡма ни ѡти стрѡчка.

Тайѡ лунъясѡ, кор неуна кутѡс нин дейтсуйтны веськыд кийѡ, кѡсйылѡ нин прѡверитны Пегаслысь сйѡм перѡсѡ, но перѡ кытшѡйлысь эг вѡч и куим нѡльѡд пайсѡ,— став лѡлой петѡс. Карандашѡ личкыны тырмытѡмѡн выныс киаам абу на: шуйга кинам силомер вылын личка 30 кг, а веськыднам — сѡмын 800 гр.»

Февраль 12—13-ѡд лунъясѡ Ананий выпишитчис госпитальсысь. Сйѡ радлѡ мян войскалѡн Дон шѡрвынн гырысь вермѡмъяс вѡсна, лунув войскалѡн вермѡмъяс вѡсна и нимкодпырысь мунѡ фронт вылѡ бѡр. Аслас письмѡын сйѡ гижѡ: «Надейтча и ачым веськавы сйѡ гажа местаас да аслам веськыд участнеѡн матыстыны врагѡс жугѡдѡм да мянлысь дыр виччысяна, радлуна адъясѡм».

Кутшѡм частѡ веськаліс Размыслов, та йылысь аслас открыткасын сйѡ оз гиж. Но, колѡ чайтны, мый веськаліс эз аслас воддза частѡ, а дзик мѡдѡ да мунѡс прѡтивник тылѡ. Сѡнѡ сйѡ вѡліс тѡлысьѡн джынийѡн. Кор противник тылсѡн бѡр вуджис асламладорѡ, то март 29-ѡд лунѡ сйѡ гижѡ: «Тырмытѡн уважительной помкаяс вѡсна тѡлысьѡн-джынийѡн позялун эз вѡв, медем сетны тѡяны ас йылысь кутшѡмкѡ юѡр. Кор лоис тайѡ позяллуны, тѡрмаса юѡртны, мый важ моз лѡвъя да дзонь-видза. ѡнѡ аслам частыкѡд неуна шойчча хуторъяссыс ѡтиын».

1943-ѡд вося май шѡрын кымын Ананий Размысловлы сетѡны старшѡй лейтенантлысь звание. Сидз кѡ, командованиеѡн сы водзѡ сувтѡдѡм могъяс пѡртис олѡмѡ бура.

Медбѡръя открытка, кодѡс вѡлі адресуйтѡма Лина чойсылы, вѡлі гижѡма Размысловѡн 1943-ѡд вося июль 1-й лунѡ. Сѡнѡ висьтавсис:

«Ас йылысь выльтѡр — ѡнѡ находитча торъя офицерскѡй батальонын да командуйта быдса отделениеѡн(!). Вот и ставыс. И гижны дзик нинѡм. Менам адрес: Полевѡй почта 24185 «г». Тайѡ менам медся выль адрес. Дыр кѡ ог кут гижны, тѡд, мый менам бумага абу».

И вот 1943-ѡд вося декабрын воис письмѡ, кѡнѡ вѡлі гижѡма:

## «ИЗВЕЩЕНИЕ

Ваш сын гвардии ст. лейтенант Размыслов Ананий Прокопьевич, уроженец Коми АССР, Сыктывдин р-н, с. Палевица, в бою за социалистическую родину, верный воинской присяге, проявив героизм и мужество, был убит 29 сентября 1943 года.

Похоронен с. Б. Кохновка, Полтавской обл.»

1957 воын Кременчугскѡй горисполком шуис ѡтка гуясысь усѡм воинъяслысь колясысѡ чукѡртны да дзебны ѡти ыджыд братскѡй гудѡ. Сѡгчѡ веськаліс и Ананий.

Эз вунѡдны повтѡм воинъясѡс Кременчугса уджалысь йѡз. Гу дорѡ найѡ сувтѡдѡсны мича памятник, и водз тылсѡсян сѡр арѡдз сѡн ыджѡны ловъя дзоридъяс. Таясь кындзи, Победа лунѡ бѡд во вайѡны мича венѡк, кытчѡ зарни буквайсѡн гижѡма: «Повтѡм сѡветскѡй воинъясы вечной слава!»

И узѡв тайѡ ыджыд братскѡй гуас муслун да ывла мичлун, народъяс костын дружба сылысь поэт, батальонса вѡвлѡм командир, Эжва бокса повтѡм зон Ананий Размыслов.

Сѡстѡма сылысь нимсѡ видзѡ братскѡй украинскѡй народ. Кременчугскѡй горисполком Ананий Прокопьевич Размысловлысь ним сетѡс карса ѡти уличѡлы, а поэтъяс да композиторъяс гижѡны сы йылысь сыланкывъяс. Зѡв лѡсьыд сыланкыв гижис Размысловѡн «Менам шудлун» кывъяс вылѡ кременчугса самодѡятельной композитор Михаил Андреевич Безнос. Сйѡс пасыкыда сылѡны Кременчугын. Учительница Наталья Васильевна Перетюкина веськѡдлѡм улын ыджыд удж нуѡдѡ поэт биографияѡн да творчествоѡн йѡзѡс тѡдмѡдѡм кузя Большая Кохновкаса 24-ѡд номера средной школы. Буретш тайѡ школыс велѡдчысыс и корсисны да адъясисны поэтъяс гусѡ.

Школа корѡм серти ме вѡлі поэт гу дорын. Местной олысыяс унатор меным висьталѡсны сйѡ чорыд бой йылысь, кодѡ немецкѡй фашистыскѡд мунѡс Кременчуг мездѡм вѡсна. Ставыс сйѡ сьѡлѡм вѡрзѡдана висьтъяс, кодъяс кыпѡдѡны немецкѡй фашистыяс дорѡ повтѡм лѡглун да мян сѡветскѡй боецъяс, повтѡм, мужественной воинъяс динѡ гордость.

Узѡв Украинаын коми поэт Ананий Размыслов, кодлы эськѡ тавося арын тырыс квайтымын арѡс. Уна мѡвпъяс колѡны олѡмѡ пѡртѡг, уна сыланкывъяс сьывтѡг. Но йѡз нѡйтчѡд оз вунѡдлыны сйѡс, мый вѡлі гижѡма нин, кутасны век помнитны сылысь подвигѡс.



## КОМИ КЫВБУРЪЯС УКРАИНАЫН

Литературае матыстёны народьясёс, озырмёдны найёс духовноя, зумьдмёдны ёта-мёд коста йитёдьяс. Окотапырьс босьтан киад йёз кыв вьлысь ас кыв вылад вудждём гижёд: кёсьян тёдны, кызди жё оло мёд народ, кызди сійё мёвпалё, кызди гёгёрвоё мичлунсё, кутшём кёс-ймьясён оло, мыйён торьялё тэнад народьс.

Дзик неважён, а стёдджыка кё фашизм вылын Великой Победалы комын во тыран лун кежлэ, Рытыввыв Украинаса издательство «Карпаты» лэдзис украинской кыв вьлэ авторизованноя вудждёмён Коми республикаса поэтысьлэс сборник. Книгас пьрёма разной поколениясса дас нель гижысьлён кывбурьяс. Сборникыслён нимыс — «Пісні з-над Печори».

Книга тёдмёд Украинаса лыддысьысьёс, кутшём сёкыда важ кадё войвыв муын олысны коми йёз, кызди найё тышкисны увтыртьяськёд шуда олом вёсна, Коми муын революционной вежсьёмьясён, комиясьлён ёния шуда оломён, налён асьыныс мусё помтём радейтёмён, войвыв ёрвалён аслыспёлёс мичлунён.

Сборникыс вощё коми литературалы подув пуктысь Иван Алексеевич Куратовлён «Коми кыв» кывбурён:

Знаю — коми мова  
Бурі не здіймае,  
Та й пустого слова  
В ній зате немає.  
Ще вона прославить  
Свою вроду гожу —  
Нею з богом навіть  
Говорити можу!

Колян нэмын олысь поэт сёлёмтё ёрзбёдана кывьясён, мыла горён висталё аслас му йылысь, авья да уджач народ йылысь, мича чужан кывсё радейтём йылысь. И украинской кыв вылын казядан тайё выджд поэтысьлэс шензбодана талантсё. Нэм кежлэ кольёны лыддысьысьлён памятьё тайё паськыда тёдса кывбурьясыс.

Торьялоны образ тэчасногён да пёсь поэтической чувствьясён Иван Вавилинлён кывбурьясыс.

І вдивлюсь в маяк без утоми,  
Бо по ньому — життєвий мій курі!  
І боюсь загубити його промїнь,  
Хоч пїтьми та води не боюсь.

Кыпыда лыддысьёны Альберт Ванеев-

лён чужан му йылысь кывбурьяс. Водзті, кызди пасійё поэт, сы мулён весиг нимыс эз вёв. Великой Октябрь вьлымёдис войвыв мусё. Оні Коми му нималё шахтаясён да нефтепромысьясён, вьлэ стройкаясён да электростанциясён, пёсь сёлёма йёзён.

Юрий Васютовлён кывбур «Памятник у центрі села» сёмма Великой Отечественной войнылы. Мунёны вояс. Тырёны окопьяс. Но война йылысь салдатлы казтылоны сылён дойясыс, усьём друг-герояс йылысь паметысыс.

Илля Васьлён «Е ж кохання, зрозумїй...» кывбурын вощё ленинской тема.

Автор нимёдё Революциялён вождьлысь выджд да сёстём мывкыдсё, йёзёс радейтёмсё. Лёсёдны му вылын торксьытём мир — шор мёвпыс гижёдын. Жаль сёмын, мый кызбёд воясыс гижысьясыс сёмын ётнас Илля Вась веськалома книгаас, да и сійё ёти кывбурён.

Асьыныс медбур кывбурьясёс коми поэтыс сёммабсь рёдной партиялы, сійёс котыртысьлы да сёммодысьлы — Ленинлы. Тайё темаяс выджд тёдчанлун босьтё И. Вавилинлён, С. Поповлён, Н. Володарскийлён, Ф. Щербаковлён сборникын йёзёдём гижёдьясын. Найё выджд художественной кужанлунён, ярьюгыда петкёдлёны коммунистической партиялысь выджд вынійорсё, уджалысь йёзкёд партиялысь зумыд йитёдсё, коммунистьясьлысь сёстёмлунсё да зумыдлунсё.

Крепыд дружба йитё Комиёс да Украинаёс. Украинаса му улын куйлё Коми йёзлён пи Ананий Размыслов. Советской Украинаёс мездём вёсна тышкисны Серафим Попов, Иван Вавилин, Федор Щербаков. «У газдині» кывбурын Вавилин радпырьс казтылэ, кызди Карпатса лёз синма ань вёрьяса Верховинаынь сёлёмсянь гёститёдис музём воиньясёс. Серафим Попов «Закарпатська рапсодія» кывбурын нимёдёсьылё Закарпатгьеса вьлэ олом, народьяс коста дружба.

Индём поэтысьлысь кызди «Пісні з-над Печори» сборникын йёзёдёма тшётш Геннадий Юшковлысь, Владимир Поповлысь, Василий Лодыгинлысь, Александр Мальцевлысь, Владимир Тиминлысь, Александра Мишариналысь кывбурьясёс. Сборникыс бура тёдмёд Украинаса лыддысьысьсёс коми поэзиялён сёмман туйён.

Б. ПАНЧЕНКО,  
Ужгород кар.

# Кыдзи артмөмаось тайö нимъясыс?

## АЙКИНО—АЙКАТЫЛА

Некымын во сайын меным воис письмö Татарскöй АССР-са Бугульма карысь Елена Айкинасянь. Сийö гижö, кытысь вермис лоны сылön овыс, да эм-ö кутшöмкö йитöд Айкино сикткöд? Ме сылы ыстй ичöтик воча кыв и мөвпыштй — öд унаöн оз на тöдны, кутшöм история-ыс Айкино нимлön, кытысь сийö лоöма?

Сиктыс нюзöдчöма Эжва веськыд берег полöн да пукалö выватас местаын. Медым ю дорсянь, пристаньсянь, воöдчыны Айкино шöрöдз, колö кайны вель ыджыд да кузь кыр. Олöма йöз сиктö шуöны **Айкатылаөн**. Танй ставыс гөгөрвуана: **айка** (свекор), **тыла** (подсека, рощисть) — свекова пожога, рощисть. Чельдя дырйи ме кывлй пöрысь йöзянь татшöм сёрни-басыни. Ваяжөн пö йöзыс овлöмаось ю шуйга берегас, конй öнй

пукалöны Кырс да Заречье сиктыяс, а веськыд берегас, гаськыд ыб вылас, вöлöмаось тылаяс, кöдза муяс. Тайö, тыдалö, збыль. И вог мыйла. Айкино медводдзасысь сюрö писцöвöй книгаö сöмын 1646 воö, а Кырс гравсьö нин 1585—1586 во-ясын. Ыджыд-ö вöлй Айкино сикт 300 во сайын, ми ог тöдö. Медводдза пасйöд, кыдзи гижлим нин, тайö сикт йывсыс аддзам 1646 вося писцöвöй книгасысь: **«Деревня Айкинская на реке Вычегде»**, и вöлöма сэнй Исаковьяслön кык овмöс. 1678 воö содö нöшта вит овмöс. 1747 вося перепись петкöдлö, мый Айкиноын олöмаось нин Исаковьяс (14 овмöс), Поповьяс (8), Лютовьяс (7), Чукичевьяс (2), Ларевьяс (2), Бердниковьяс (2), Айбабиньяс, Зелениньяс, Пяртнягиньяс, Власовьяс. Часово сиктысь вöлöмаось

Плосковьяс, а Гамысь — Туркиньяс.

Колö пасйыны, мый роч **Айкино** да коми **Айкатыла** нимъясыс артмөмаось öти вужйысь. Тыдалö, медводз айка кывсысь артмöма роч притяжательной форма **Айкина** (пожога) **Айкинская** (пожога), бöрынджык и Айкинская деревня (тадз вöлй 1646 воын). Вочасөн сиктыс пыр быдмыс, паськалис и кутис гижысыны нин дженъидика — село Айкино. Öнй Айкино — Усть-Вымскöй районлön центр.

Эм-ö кутшöмкö йитöд Елена Айкина овкöд? Сьöкыд висътавыны. Айкино сиктын да и Коми муын татшöм овыс оз паныдасылы. И нöшта öти вичысьöтмтор. 1863, 1866 воясыс официальной списокьясын Симбирскöй да Казанскöй губерниясын вöлöма Айкино нима кык сикт.



## ДОН, ДОНТЫ

Джеджим парма да Эжва костын шылъквидзö Донты. Сылön кузьтаыс 14 километр гөгөр да пасътаыс 100—500 метр, а öткымынлатй весиг лöк кык километрöдз. Ва веркöс плöщадясыс 1200 гектар гөгөр. Джуджтаыс 1,5—2 метр, мукöдлатй 2,5 метра. Берегыяс плöнныс быдмö вөр. А водзын—пасъкыд нюръяс. Сэнй кисьмыны мырпом, турипуп да мукöд вöтöсыяс. Сук эжöрас поздысьöны уткаяс, дзодзöгыяс, юсыяс.

Тысянь верст джын сайын, гөгрöс мыльк вылын, пуксьöма Дон сикт. Мича местаяс бöриылöмаось важ йöз. Донты дорын морт овлöма нин миян эрöдз III тысячелетие помын. Археолог Г. М. Буров аддзис Дзолягмыльк да Варышадй дорысь

неолит да бронза кадся некымын стоянка. Но тайö, зэв важня олысьясыс, дерт, эз вöвны коми йöз. Думайтсьö, мый медводдза комияс овмöдчöмаось Донты бскö коркö XVII нэм шöрын, сэки жö, кор заводитчöмаось овмöдны Эжва йывса местаяс. А писцöвöй книгасыö Дон грезд сюрö сöмын 1720 воö, сэки сэнй вöлöма Тимушевьяслön куйм да Нехорошевьяслön кык овмöс.

Кыдзи чужис Дон нимыс? Позьö сöмын шуны, мый тайö кылыслön некымын вежöртас: 1. «цена, стоимость», 2. удора сёрниын «сталь, болотная руда», шум, **ендон** «сталь», **дона коса** «стальная коса», 3. «раскаленный», 4. «сбöстом, югыд, тыртöм». Медбöрья вежöртасыскöд и йитöны

тыысылсь нимсö. Медводдза комияс пö казьялöмаось, мый тыас ваыс югыд, сöдз, пырыс тыдалана. Вермас лоны и тадз. Миян пасйöма некымын ним **«дон»** кыв вылö: **Дон-нюр** — шылъыд, вöртöм нюр Шожым сикт дорын, **Доньель** — сöдз, югыд ваа ёль Мыелдин бердын, **Доньяккырвыв** — вöртöм, пуястöм яг выв Кырс сикт сайын.


Но места нимъяс туялигөн колö тöд вылö босьтны и топонимическöй законьяс: а) ыджыд ва (воднöй) объектъяслön нимъясыс зэв устойчивöйöсь и пöшти оз вежласьны, б) тöдчана ва объектъяслön, кыдзи правило, нимыс абу сийö йöзлөн, кодьяс öнй сы дорын олöны.

Тöдам, Донты ыджыд ва объект. Йöз сы гөгөр овлö-

ма важысянь. Дерт, тыслон вöлі аслас ним. Вöлі-ö сійö Дон либö мыйкö мöд, ми ог тöдö. Сэсся и ваыс тыас абу нин сэтшöм югыд да сöдз. Со мый гижö О. С. Зверева «Древнее озеро Донты в долине Вычегды» нима статьяын: «...«ты ваыс

гöшти быдлайн уна-сикас пемыдгöрд (коричневöй) рöма. Валöн сöдзлуныс колебайтсьö 70-сянь 150 сантиметрöдз. Зэригьясöн... валöн сöдзлуныс чинö 40—45 сантиметрöдз». Кыдзи пасыйлим, тылön джуджтаыс 1,5—2,5 метрöдз.

Та вöсна веськыда шуны-крапкыны, мый Дон коми ним «югыд, сöдз» вежöртасöн, оз ло правильнö. Гашкö, миян Донты йитчöма лунывьса Дон юкöд? Наука тöдö, мый Дон юлön нимыс скифскöй и сылön вежöртасыс «ва».



## СТОРОЖЕВСК—ШОЙНАТЫ

Сыктывкарса пристанын ме öтчыд кывлi татшöм сёуни.

— Кытчö мунö тайö теплоходыс? — юалö том морт.

— Шойнатыö, — вочааидзö пестера дядьö.

— Меным эськö колö Сторожевскö да?

— Ладмö, пиö. Шойнатыыс комиöн, а рочön лö Сторожевск.

Мыйла тайö сиктыслөн кык ним? Кытысь найö лойны? Видзöдлам важ документьясö. 1646 вося писцöвöй книгасыс аддзам: «**Деревня Сторожево на реке Вычегде**», а неуна улынджык лыддям «**вновь встали пос-**

**ле писцов: деревня Шунатуй над озером Шунатуйем**». 1678 воын пасйöма «**дер. Сторожевская и дер. Шуйнаты над озером Шуйнатыом**». 1720 вося перепись дырйи кыкнан грездыс нин öтлаасьöмадсь: «**дер. Сторожевская тоже Шойнатовая**». 1747 вося перепись сюрöма нин öтнас Сторожевская сикт и овлöмадсь сэни Поповьяс, Осиповьяс, Микушевьяс Макаровьяс, Игушевьяс, Савиньяс, Ширяевьяс, Пальшиньяс, Ладановьяс, Бабиньяс, Чужриевьяс да с. в.

Онi заводитам нимьяс вежöртасö пырöдчыны. Гөгöрвоана и сійö, мый Сторо-

жевск нимыс роч, а Шойнатыыс — коми. Колö мөвланы, мый нимыслөн медводза вариантыс артмöма **сторож** (охрана, караул, бережи) кылысь. **Сторожевская** (деревня) — места, конi вöли укрепление, сулалiс охрана, дозор, караул.

1485 вося грамотаысь тöдам, мый XV—XVI нэмьясö Коми му юксылöма неумын участок («земли») вылö: «вычегодскöй», «вымьскöй», «удорскöй», «сыольскöй да ужговскöй». Быдön ассьём мусö — «землясö» дорйöм могысь стрöитлöма укрепление, заслон, сторожевöй пост.

**А. ТУРКИН.**

В. Ячменевлön уна рöма снимок вылын — Ухта карын В. И. Ленинлы памятник.


Техн. редактор И. Оплеснин.

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (редактор), 2-51-52 (отв. секретарь).

Сдано в набор 20/X-1975 г. Подп. к печати 17/XI-1975 г. 70×108<sup>1</sup>/<sub>16</sub>. Печ. лист. 4. Приведенных печ. листов 5,48. Тираж 7052 экз. Ц03132. Заказ № 6417. Цена 15 коп.

г. Сыктывкар, Республиканская типография Управления по делам издательства, полиграфии и книжной торговли Совета Министров Коми АССР.



«Заводитчö вахта».

Энгельс Козловлөн рисунок.

15 кӧп.

Индекс 73069

Вуктылын.

Снимайтис В. Ячменев.

